

საბჭოთა სამართალი



178 /
1986/2

1986

53 / 2
178

მთავარი რედაქტორი!

ლერი თალაკვაძე

სარედაქციო კოლეგია:

ლევან ალექსიძე

ანგი არსენაშვილი

(მეცნიერ-რედაქტორი)

გელა ბერძენიშვილი

(პასუხისმგებელი მდივანი)

ანჟორ გაბიანი

უმთა გორგოძე

აკაკი კარანაძე

დურმიუხან ლორია

ვახტანგ რაზმაძე

გრიგოლ როინიშვილი

თამაზ შავჭულაძე

ალექსანდრა შუშანაშვილი

ირაკლი ჩიქოვანი

სერგო ჯორჯანაძე

Главный редактор

Талаквადзе Л. Г.

Редакционная коллегия:

Алексидзе Л. А.

Арсенашвили А. Г.

(научный редактор)

Бердзенишвили Г. Д.

(ответственный секретарь)

Габиани А. А.

Горгодзе Ш. В.

Джорбенадзе С. М.

Каранадзе А. Г.

Лория Д. А.

Размадзе В. А.

Роинишвили Г. В.

Чиковани И. П.

Шавгулидзе Т. Г.

Шушанашвили А. А.

178
1980

საბჭოთა სამსახური

N 4

ივლისი
პაპისტი

1986 წელი

შურნალი გამოდის 1986 წლის 1 მარტიდან

საქართველოს სსრ იუსტიციის სამინისტროს, საქართველოს სსრ შინაგან საქმეთა სამინისტროს, პროკურატურისა და უმაღლესი სასამართლოს მიტინგულ-პრაქტიკული შურნალი

შ ი ნ ა ა რ ს ი

დიდი და გადაუღებელი ამოცანები	3
სკკპ XXVII ყრილობის გადაწყვეტილებები ცნობრებაში	
გ. რაჭმაძე — საბროკუროს ზედამხედველობის როლის ამაღლებისათვის	5
ა. შუშანაშვილი — სკკპ XXVII ყრილობა და იუსტიციის ორგანოების და სასამართლო-ების ამოცანები	14
შ. გორგოძე — მართლწესრიგის განმტკიცების მთავარი და საიმედო გარანტია	22
ჩვენი სტუმარია გავითი „იუვესტია“	
საუბარი პატიოსანი და უბატიოსნო მანეთების შესახებ	28
ნიურნბერგის პროცესის 40 წელი	
ა. კარანაძე — ნიურნბერგის დაეწევა არ შეიძლება	35
გ. ერემოვი — პირველი საბჭოთა კონსტიტუცია	42
საბჭოთა აბარბს 65 წელი უმუსრულდა	
დ. თამაზაშვილი — აქარის პროკურატურის კარგი ტრადიციები	47
სახელმწიფო პენსიების კანონის 80-ე წლისთავი	
კ. გარდაფხაძე — სოციალური უზრუნველყოფის გზები და ამოცანები	50
სასამართლო ექსპერტიზა: სინაღანი და პრაქტიკა	
თ. ანდრიაშვილი — ხელწერის სასამართლო ექსპერტიზა მართლმსაჯულების სამსახურში	55
დანაშაული განაჩენითა დადგენილი	
ა. არსენაშვილი — დაისაჩნენ კანონის შესაბამისად	60
კრიტიკა და ბიბლიოგრაფია	
მ. ლიკვეიშვილი — სახალხო მსაჯულთა სამაგიდო წიგნი	62
ილია ჰავჭავაძის დაბადების 150 წლისთავის აღსანიშნავად	
ვ. უვანია — ილია — ელისაბედ ჰავჭავაძის მეურვე	65
ე. ყიფიანი, თ. შავგულიძე — „ქმნა მართლისა სამართლისა“	68
ინფორმაცია	76
იუმორესკა	80

СОДЕРЖАНИЕ



Большие и неотложные задачи	3
Решения XXVII съезда КПСС — в жизнь	
В. Размадзе — За повышение роли прокурорского надзора	5
А. Шушанашвили — XXVII съезд КПСС и задачи органов юстиции и судов	14
Ш. Горгодзе — Главная и надежная гарантия укрепления правопорядка	22
Наш гость — газета «Известия»	
Беседа о честном и нечестном рубле	28
40-летие Нюрнбергского процесса	
А. Каранадзе — Нюрнберг забывать нельзя	35
Г. Еремов — Первая советская конституция	42
Советской Аджарии 65 лет	
Д. Тамазашвили — Хорошие традиции прокуратуры Аджарии	47
30-летие Закона о государственных пенсиях	
К. Гардабхадзе — Пути и задачи социального обеспечения	50
Судебная экспертиза: новшества и практика	
Т. Андриашвили — Экспертиза рукописи на службе правосудия	55
Преступление установлено приговором	
А. Арсенашвили — Наказаны в соответствии с законом	60
Критика и библиография	
М. Леквешвили — Настольная книга народных заседателей	62
К 150-летию со дня рождения Ильи Чавчавадзе	
В. Жвания — Илья — попечитель Елизаветы Чавчавадзе	65
Э. Кипиани, Т. Шавгулидзе — Право для всех	68
Информация	76
Юмореска	80



© „საბჭოთა სამართალი“, 1986 წ.

რედაქციის მისამართი. 880110, თბილისი, კლავანთაძის კრ. 108, ბ. 95-88-49, 95-58-87.

ვალდებულ წარმოებას 18.07.86 წ., ხელმოწერილია დასაბეჭდად 11.08.86 წ.,
ფორმატი 70 × 108/16, ფიზიკური ნაბეჭდი ფურცელი 5, პირობითი ნაბეჭდი
ფურცელი 7. სააღრიცხვო-სავაჭროცემლო თაბახი 6,5.

შეკვ. № 1749

ტირაჟი 28.000

უე 05130

საქ. კვ ტყ-ის გამომცემლობის შრომის წითელი დროშის ორდენოსანი სტამბა.
თბილისი, ლენინის ქ. № 14.

დიდი და გაღაუღაბელი ამოცანები

1986 წლის 1 ივლისიდან ძალაში შევიდა და მოქმედებს სსრ კავშირის უმაღლესი საბჭოს პრეზიდიუმის ბრძანებულება „უზრომელი შემოსავლის მიღების წინააღმდეგ ბრძოლის გაძლიერების შესახებ“.

ახალმა კანონმა პრინციპული და შეურიგებელი ბრძოლა გამოუცხადა იმ მანკიერებას, რაც ჭერ კიდევ მკვეთრად აფერხებს ჩვენი ქვეყნის თანამიმდევრულ და დაჩქარებულ წინსვლას, სოციალისტური სამართლიანობის პრინციპების დამკვიდრებას, სულიერად მდიდარი და იდეურად მტკიცე ადამიანების აღზრდას. შეიძლება გადაუჭარბებლად ითქვას, რომ იგი საეტაპო მნიშვნელობის აქტია და უდაოდ უნდა შეუწყოს ხელი იმ ამოცანების წარმატებით განხორციელებას, რომლებიც სკკპ XXVII ყრილობამ დაგვისახა.

უზრომელი შემოსავლის მიღების წინააღმდეგ ბრძოლის კანონი საყოველთაო-სახალხო განხილვის შემდეგ იქნა მიღებული. ამიტომ მასში ნათლად აისახა საბჭოთა ადამიანების უპირველესი ნება-სურვილი, რომ მართლაც უმკაცრესი და უშეღავათო ბრძოლა გამოეცხადოს იმ ნეგატიურ მოვლენებს, რომლებიც დიდ სოციალურ, ეკონომიკურ და პოლიტიკურ ზიანს აყენებენ საზოგადოებას.

უზრომელი შემოსავლის მიღების წინააღმდეგ ბრძოლის გაძლიერების ღონისძიებათა შესახებ საგანგებო დადგენილებები მიიღეს სკკპ ცენტრალურმა კომიტეტმა და სსრ კავშირის მინისტრთა საბჭომ. ამ დადგენილებებში ნათქვამია, რომ კანონებისა და საზოგადოებრივი აზრის მთელი ძალა მიმართული უნდა იყოს იმ პირთა წინააღმდეგ, რომლებიც უზრომელი შემოსავლით ცხოვრობენ. მექრთამეების, ქურდების, ხელმრუდეთა და საზოგადოების ხარკზე გამდიდრების სხვა მოყვარულთა მიმართ მხოლოდ საყოველთაო ზიზღის ატმოსფერო უნდა სუფევდეს.

28973

სკკპ ცენტრალური კომიტეტის და სსრ კავშირის მინისტრთა საბჭოს დადგენილებები და სსრ კავშირის უმაღლესი საბჭოს პრეზიდიუმის ბრძანებულება უზრომელი შემოსავლის წინააღმდეგ ბრძოლის გაძლიერების შესახებ, ჩვენი ქვეყნის ორგანიზაციული, სამართლებრივი, ეკონომიკური და აღმზრდელობითი ღონისძიებების კომპლექსური პროგრამაა, რომლის მთავარ და უპირველეს მიზანს წარმოადგენს საზოგადოების შემდგომი გაჯანსაღება. ეს უდიდესი ამოცანა გამომდინარეობს აგრეთვე სკკპ XXVII ყრილობის ისტორიული გადაწყვეტილებებიდან, რაც ცხადია, განსაზღვრავს კიდევ ჩვენი ქვეყნის მომავალს, საბჭოთა ადამიანების ხვალისდელ დღეს.

„ჩვენთვის სულაც არ არის სულ ერთი — თქვა სკკპ ცენტრალური კომიტეტის განეარალურმა მდივანმა მ. ს. გორბაჩოვმა პარტიის XXVII ურილობაზე — რა გზავითა და საუშალავებით უმჯობესდება მატერიალური და სულიერი ცხოვრება, რა სოციალური შედეგები მოსდევს ამას. თუ თავს იჩინებს კაჟომეხსაკუთრული, სხვისი მორიელოვის განწყობილვანი, ბათანაგრების ბენდენციები — მაჟასადამ, რაღაც შეგვსული ჩვენს მუშაობაში გვავინსა და საუშალავების არჩევის დროს და შეცდომა უნდა გამოვასწოროთ. საჟრილოგო დოკუმენტების განხილვისას კომუნისტები და უპარტიოები უმუშოთვებით ლაპარაკობდნენ ზრმისა და მოხმარების ოდენობისადმი კონტროლის შესუსტებაზე, სოციალისტური სამართლიანობის მოთხოვნათა დარღვევის ფაქტებზე, იმაზე, რომ უნდა გაძლიერდეს ბრძოლა უზრომელი შემოსავლის წინააღმდეგ. არ შეიძლება არ ვხედავდეთ თუ რა სერიოზული და მნიშვნელოვანია ეს საკითხი“.

კანონი, უზრომელი შემოსავლის მიღების წინააღმდეგ ბრძოლის გაძლიერების შესახებ, ახალი და გადაუდებელი ამოცანების წინაშე აყენებს რესპუბლიკის ადმინისტრაციულ ორგანოებს. თუ არა მათ, სხვამ ვინ უნდა განუმარტოს მოსახლეობას კანონმდებლის ჭეშმარიტი აზრი და მიზანი, თუ არა მათ, სხვამ ვინ უნდა განახორციელოს პრაქტიკულად იგი, რომ მთელი სიმკაცრით აგებინოს პასუხი. გჯასაცდენილ, გამოუსწორებელ ელემენტებს, არაფრად რომ



დაგვიდევინ საზოგადოებრივ აზრს და მხოლოდ საკუთარი, ჩარჩული ინტერესებით ცხოვრობენ.

ახალ კანონს უდიდესი მნიშვნელობა აქვს მთელი ჩვენი ქვეყნისათვის, სოციალისტური წყობილების განმტკიცებისა და გაძლიერებისათვის, წლების მანძილზე სამარცხვინოდ ფენოკიდებული უღარდლობისა და უპასუხისმგებლობის აღმოსაფხვრელად, მომავალი თაობის პატიოსან მოქალაქეებად აღზრდისათვის. პარტიამ ამ ბრძოლის საუკეთესო საშუალება მოგვცა, კანონის ძალა მიანიჭა მას და არავის აქვს უფლება გადაუხვიოს ამ გზიდან.

კანონმა თითქმის ამომწურავად განსაზღვრა უსრომელი შემოსავლის წყაროები. ეს წყაროებია: დატაცება, მექრთამეობა, სპეკულაცია, კერძო მეწარმეობა, კომერციული შუამავლობა, მყიდველისა და დამკვეთის მოტყუება, ქურდობა, გამორჩენის მიზნით სახელმწიფოს კუთვნილი სატრანსპორტო საშუალებების, ნედლეულისა და მასალების გამოყენება, მოქალაქეთა მიერ ბინების უკანონო გაქირავება და სხვა. პირდაპირ უნდა ითქვას, რომ ამგვარი ქმედობები ყოველთვის ითვლებოდა დანაშაულად, მაგრამ ასეთი გააზრებული და მიზანმიმართული ბრძოლა, როგორც დღეს შეიმჩნევა, მინც არ ყოფილა. საქართველოს სსრ იუსტიციის სამინისტრომ, საქართველოს სსრ შინაგან საქმეთა სამინისტრომ, რესპუბლიკის პროკურატურამ და უმაღლესმა სასამართლომ აქედანვე ისე უნდა წარმართონ თავიანთი მუშაობა, როგორც ამას ზემდგომი ორგანოები მოითხოვენ. საქირთა შემუშავდეს ისეთი კომპლექსური ღონისძიებები, რაც ხელს შეუწყობს საბჭოთა კანონების განუხრეკლ დაცვას ცხოვრების ყველა სფეროში, დაამკვიდრებს სოციალისტურ სამართლიანობას, მტკიცედ ამოუქოლავს საძრომებს სახელმწიფოსა და მოქალაქეთა ხარჯზე უკანონო გამდიდრების მაძიებლებს.

პარტიის ამ მიზანს მხურვალედ იწონებენ მთელი ქვეყნის მშრომელები და თავიანთ პარტიულ ორგანიზაციებში, შრომით კოლექტივებში, საცხოვრებელ ადგილებზე გამართულ კრებებზე ისინი ერთხლოვნად მოითხოვენ წესრიგისა და დისციპლინის განმტკიცებას, კეთილსინდისიერი შრომის ავტორიტეტის ამაღლებას, წამგლეჯელობისა და მომხვეჭელობის აღმოფხვრას. პასიური დამოკიდებულება და შემრიგებლური პოზიციის დაკავება ამ საქმეში, თითქმის დანაშაულს უთანაბრდება.

როგორც ცნობილია, უსრომელმა შემოსავალმა ბევრი აღამიანი დაამახინჯა ზნეობრივად და სულიერად. ბევრ საწარმოში, დაწესებულებაში და ორგანიზაციაში წესად იყო ქვეული წვრილმანი დატაცებებისადმი თვალის არიდება, ფაბრიკა-ქარხნებიდან ნაწარმის აშკარა გატანა, სახელმწიფო სახსრების უდიერად ფლანგვა და სხვ. ასეთი დატაცებები ხდებოდა ყველას თვალწინ, კონტროლის მოდუნებისა და დაწესებულების ხელმძღვანელთა უპასუხისმგებლობის შედეგად. ამან კი არა მარტო უდიდესი მატერიალური ზარალი მიაყენა სახელმწიფოს, არამედ მორალურიც.

მსგავსი რამ ჩვენთან უკვე აღარასოდეს განმეორდება. სამარცხვინო გამოვლინებებს, მომხვეჭელობასა და გამოძალვას თვითონ სახელმწიფომ გამოუცხადა უკომპრომისო ბრძოლა და მას კანონის ძალა მიანიჭა. აღამიანები, რომლებიც არაფრად ჩააგდებენ ამ მოთხოვნილებებს, ძველებურად გააგრძელებენ ცხოვრებას და ყურად არ იღებენ კეთილ სიტყვას, მკაცრად, მაგრამ სამართლიანად, დაისჯებიან.

სწორედ ამ საკითხებზე იყო მსჯელობა რესპუბლიკის პარტიული აქტივის კრებაზე, რომელიც 1988 წლის 28 ივლისს გაიმართა და სკკპ ცენტრალური კომიტეტის დადგენილების მოთხოვნათა შესაბამისად უსრომელი შემოსავლის წინააღმდეგ ბრძოლის გაძლიერების ამოცანებს მიეძღვნა. აქ პირუთვნელად, დაუფარავად ითქვა იმ სირთულეებზე, რაც უსრომელ შემოსავალთან ბრძოლას ახლავს თან, მაგრამ ყველას გამოსვლაში მინც იგრძნობოდა ერთი ძირითადი აზრი: რესპუბლიკის მშრომელები ძალ-ღონეს არ დაიშურებენ, რათა ყველა შრომით კოლექტივში შექმნან ჯანსაღი მორალურ-ფსიქოლოგიური კლიმატი, აღმოფხვრან ჩვენი საზოგადოებისათვის უცხო მოვლენები, მიაღწიონ წარმატებებს ცხოვრების ყველა სფეროში, ჯანუხრეკლად განამტკიცონ საბჭოთა კანონების, სოციალისტური სამართლიანობის მოთხოვნები.

ცხადია, ეს დიდი, გადაუდებელი სადღეისო ამოცანები უპირველესად სამართალდაცვითმა ორგანოებმა უნდა განახორციელონ. მართლაც, იურისტთა აქტიური მონაწილეობისა და თანდგომის გარეშე ალბათ არც შეიძლება ისეთი პრობლემების მოგვარება, როგორცაა უსრომელი შემოსავლის მიღების მიზეზების საბოლოო აღმოფხვრა. სწორედ ამ მოთხოვნილებათა სულისკვეთებით უნდა იმუშაონ საქართველოს სსრ იუსტიციისა და შინაგან საქმეთა სამინისტროების, რესპუბლიკის პროკურატურისა და უმაღლესი სასამართლოს მუშაკებმა, რომ კვლავაც ამაღლდეს და განმტკიცდეს მართლწესრიგი, სოციალისტური სამართალი, კანონიერება.



საპროკურორო ზედამხედველობის როლის აგაღწევისათვის

მანბანზ რაზმამძი,
საქართველოს სსრ პროკურორი

კომუნისტური პარტია, მთელი საბჭოთა ხალხი ახლა უდიდესი ენერგიითა და თანამიმდევრობით ახორციელებენ დიად აღმშენებლობითს პროგრამას, რომელიც სკკპ XXVII ყრილობამ დასახა. ყრილობის გადაწყვეტილებანი ღრმა და სულ უფრო მზარდ ზემოქმედებას ახდენენ ჩვენი ქვეყნის ცხოვრების ყველა მხარეზე. საქართველოს კომპარტიის ცენტრალური კომიტეტის, პარტიის საოლქო, საქალაქო და რაიონული კომიტეტების პლენუმებზე, პარტიულ-სამეურნეო აქტივის კრებებზე მხურვალედ და დაინტერესებით განიხილავენ იმ საკითხებს, თუ როგორ ამრავლონ წვლილი პარტიის მიერ დასახული რესპუბლიკის სოციალურ-ეკონომიკური განვითარების დაჩქარების პროგრამის შესრულებაში.

საქართველოს სსრ პროკურატურის ორგანოებშიც ეს პრობლემებია ყურადღების ცენტრში. ბევრი რამ უნდა გადავსინჯოთ, ახლებურად შევხედოთ ჩვენს საპროკურორო პრაქტიკას.

სსრ კავშირის გენერალურმა პროკურორმა ა. მ. რეკუნკოვმა თავის შინაარსიან, რეალისტურ და მეცნიერულად დასაბუთებულ სტატიაში „სკკპ XXVII ყრილობა და პროკურატურის ორგანოთა ამოცანები“, რომელიც უკრნალ „სოციალისტიჩესკაია ზაკონოსტში“ გამოქვეყნდა, დამაჯერებლად გვიჩვენა, თუ რას ნიშნავს საპროკურორო ზედამხედველობის როლის გადაჭრით ამადლება¹. პროკურატურის წინაშე მის მიერ დასახული ამოცანები განუხრელად განხორციელდება.

საქართველოს სსრ პროკურატურის ორგანოებს შეგნებული აქვთ თავიანთი პასუხისმგებლობა საბჭოთა მართლწესრიგის განმტკიცებისათვის, ჩვენი პარტიის XXVII ყრილობის მითითებათა შესრულებისათვის, იმისათვის, რომ სამართალდაცვითი ორგანოების მუშაკთა პროფესიული ცოდნა ეხამებოდეს მოქალაქეობრივ სიმამაცეს, მოუსყიდლობასა და სამართლიანობას, რომ თითოეული დანაშაულის გამოძიება ჯეროვნად წარმოებდეს და დამნაშავენი საკადრისად ისჯებოდნენ.

ეს ავალებს მათ გადაჭრით ებრძოდნენ დამნაშავეობას, საიმედოდ იცავდ-

¹ ა. რეკუნკოვი. სკკპ XXVII ყრილობა და პროკურატურის ორგანოთა როლი. „სოციალისტიჩესკაია ზაკონოსტ“, 1986, № 4, გვ. 3-10.

ნენ საბჭოთა ადამიანების სიცოცხლეს, სახელსა და ღირსებას, განამტკიცებდნენ კავშირს შრომითს კოლექტივებთან, მთელი თავიანთი საქმიანობით ხელს უწყობდნენ სამართალდარღვევათა თავიდან აცილებას, მოქალაქეებისათვის სამართლისა და კომუნისტური მორალის ნორმებისადმი პატივისცემის გრძნობის ჩანერგვას. მოქმედების საბრძოლო პროგრამად არის მიჩნეული პარტიის მოწოდება უფრო ენერგიულად გარდავემნათ მუშაობა დღევანდელობის მოთხოვნათა შესაბამისად, პრაქტიკულ საქმეებად ვაქციოთ პარტიის მითითებანი.

პროკურორებისა და გამომძიებელთა უმრავლესობის მუშაობის ანალიზი ცხადყოფს, თუ რა ბევრის გაკეთება შეიძლება კანონიერების განმტკიცების მიზნით, კონკრეტული შედეგების მისაღწევად, თუ იმუშავებ მიზანსწრაფულად, ოპტიმისტურად, გულანად. თავდაუზოგავად შრომობენ ქ. თბილისის საქარხნო და პირველი მაისის რაიონების პროკურორები ა. კალმახელიძე და ნ. ვაბრიჩიძე, ქ. ზუგდიდის — დ. კუხალაშვილი, სოხუმის — ზ. ბარციცი, აბაშის, ახალქალაქის, სამტრედიის რაიონების — ქ. შონია, ი. აბრამიანი, დ. იმნაიშვილი, ბათუმის ტრანსპორტის პროკურორი ვ. კლიუკოვსკი და სხვები.

საქართველოს სსრ პროკურატურის მრავალეროვან კოლექტივში შრომობენ გამოცდილი იურისტები: დ. ვაშაკიძე, ი. დავარაშვილი, ლ. ჩერქეზია, გ. ხუგაევი, ნ. შაშკინი, დ. ჩიტლოვი, ს. ნანიტაშვილი, ე. შონია, რომლებმაც ათეული წლები შესწირეს დანაშაულობასთან ბრძოლის საქმეს. მათ გვერდს უმშვენებენ ახალგაზრდა პერსპექტიული სპეციალისტები: ე. სვანიძე, ა. მირიანაშვილი, ვ. ხიონიდი, ლ. გზირიშვილი, ზ. ტოპჩიევი, დ. ტარნიშვილი, ს. ჩობანიანი.

დამნაშავეობის წინააღმდეგ ბრძოლა რესპუბლიკაში უფრო შემტევი და უკეთ ორგანიზებული გახდა, უწინარეს ყოვლისა, იმის შედეგად, რომ გაძლიერდა ამ საქმეში პროკურატურის, სასამართლოს, შინაგან საქმეთა, იუსტიციის ორგანოთა ურთიერთმოქმედება და მეცადინეობის კოორდინაცია. სამართალდარღვევათა პროფილაქტიკაში ამადღდა სახალხო დეპუტატთა ადგილობრივი საბჭოების, სახალხო კონტროლის კომიტეტების, შრომითი კოლექტივების როლი. პროკურატურის საქმიანობა მუდამ უკავშირდება პარტიული და საბჭოთა ორგანოების, საზოგადოებრივი ორგანიზაციების ღონისძიებებს.

ამ ღონისძიებათა განხორციელებისას რესპუბლიკის პროკურატურის ორგანოებს ფართოდ უჭერს მხარს საქართველოს კომპარტიის ცენტრალური კომიტეტი. ბოლო ხანს საპროკურორო ზედამხედველობისა და სამართალდარღვევათა პროფილაქტიკის ორგანიზაციაში დადებითი ტენდენციები დაისახა. მაგრამ დამნაშავეობის ყველაზე ეფექტიანი პროფილაქტიკაა დამნაშავეის მხილება და მისი სამართლიანი დასჯა, საპროკურორო ზედამხედველობის როლის გადაჭრით ამადღება, ყოველი ჩადენილი დანაშაულისათვის პასუხისმგებლობის აუციენლობის ლენინური პრინციპის განხორციელება.

განსაკუთრებით მწვავედ დაისვა ეს საკითხები სკკპ XXVII ყრილობაზე. „საჭიროდ ვცანით, — აღნიშნა პოლიტიკურ მოხსენებაში სკკპ ცენტრალური კომიტეტის გენერალურმა მდივანმა მ. ს. გორბაჩოვმა, — უკვე უახლოეს დროში განვახორციელოთ მუქთახორების, სოციალისტური საკუთრების დამტაცებლების, მექრთამეების, ყველა იმათ წინააღმდეგ მიმართული დამატებითი

ლონისძიებანი, ვინც დაადგა ჩვენი წყობილების შრომითი ბუნებისათვის უცხო გზას².

სწორედ ამ პრინციპს ემსახურება საქართველოს სსრ პროკურატურის ახლანდელი კურსი, რომლის შედეგად მხილებული არიან მთელი რიგი თანამდებობის პირნი, რომელთაც პასუხსაგები პოსტები ეკავათ რესპუბლიკაში. კანონსაწინააღმდეგო ქმედობისა და მექრთამეობისათვის სისხლის სამართლის პასუხისგებაში მიცემული არიან საქართველოს კომპარტიის ცენტრალური კომიტეტის ყოფილი მდივანი ს. ხაბეიშვილი, პარტიის სიღნაღის, მახარაძის რაიკომების ყოფილი პირველი მდივნები ნ. ბუჩუკური, თ. თენეიშვილი, მსჯავრი დაედოთ ყოფილ კულტურის მინისტრს თ. ბაღურაშვილს და ზოგიერთ სხვა პირს. ყველა ისინი ახლა „ყოფილი“ არიან, მაგრამ რა საგრძნობი ზიანი მიაცენეს ჩვენი რესპუბლიკის პრესტიჟს.

1986 წლის მაისში მიღებული სკკპ ცენტრალური კომიტეტისა და სსრ კავშირის მინისტრთა საბჭოს დადგენილებანი „უშრომელი შემოსავლის წინააღმდეგ ბრძოლის გაძლიერების ღონისძიებათა შესახებ“, აგრეთვე სსრ კავშირის უმაღლესი საბჭოს პრეზიდიუმის ბრძანებულება „უშრომელი შემოსავლის მიღების წინააღმდეგ ბრძოლის გაძლიერების შესახებ“ პროკურორებს ხელთ აძლევენ ბასრ იარაღს სახელმწიფო და საზოგადოებრივი ქონების დაცვების, მექრთამეობის, სპეკულაციისა და სხვა ანგარებითი დანაშაულობების წინააღმდეგ ბრძოლაში. მათ უნდა გამოიყენონ საბჭოთა კანონებისა და საზოგადოებრივი აზრის მთელი ძალა იმ პირთა წინააღმდეგ ბრძოლაში, ვინც უშრომელი შემოსავლით ცხოვრობს, ურეაგირებოდ არ დატოვონ უშრომელი შემოსავლის მიღებასთან დაკავშირებული არც ერთი ფაქტი; საქმე ისე წარმართონ, რომ მექრთამეების, ხაზინის ქურდების, ხელმრუდეთა და საზოგადოების ხარჯზე გამდიდრების სხვა მოყვარულთა მიმართ შექმნან საყოველთაო ზიზღის ატმოსფერო, რომ მათ იცოდნენ: არ ასცდებათ სასჯელი თანვიანთი ქმედობისათვის³.

ამ საქმეში რესპუბლიკის სამართალდაცვითი ორგანოების წარმატება პირდაპირ არის დამოკიდებული მათი საქმიანობის ორგანიზაციის და კოორდინაციის სრულყოფაზე, საპროკურორო ზედამხედველობის გარდაქმნის, პრაქტიკული მოქმედების რელსებზე მათი გადაყვანის დაჩქარების სტრატეგიის თანამიმდევრულ განხორციელებაზე. ეს კურსი ითვალისწინებს იმას, რომ გავატაროთ აქტიური სოციალური პოლიტიკა, თანამიმდევრულად დავამკვიდროთ სოციალური სამართლიანობის პრინციპი, სრულყოთ საზოგადოებრივი ურთიერთობა, განვსახლოთ პოლიტიკური და იდეოლოგიური ინსტიტუტების მუშაობის ფორმები და მეთოდები, გავალრმაოთ სოციალისტური დემოკრატია, გადაჭრით დავძლიოთ ინერცია, უძრაობა და კონსერვატიზმი.

პროკურატურის ორგანოების საქმიანობასთან მისადაგებით დაჩქარების სტრატეგიად უნდა გვესმოდეს ის, რომ უარი ვთქვათ ფორმალიზმზე, ქაღალდოვანობაზე, ერთი ადგილის ტყეპნაზე. ზოგიერთი პროკურატურის მუშაობაში არსებული ბიუროკრატიზმის მიზეზებია, უწინარეს ყოვლისა, უკონტროლობა, საქმიანობის შედეგებისათვის მომთხონველობის შენელება, ზო-

² გაზეთი „კომუნისტი“, 1986 წლის 26 თებერვალი.

³ გაზეთი „კომუნისტი“, 1986 წლის 28 მაისი.

გიერთი მისი ხელმძღვანელის უპასუხისმგებლობა. სწორედ პროკურორთა უმოქმედობამ შეუწყო ხელი დატაცებებისა და მექრთამეობის გავრცელებას მახარაძის, სიღნაღის, წალკის, თიანეთისა და მთელ რიგ სხვა რაიონებში. ამ რაიონების პროკურორები მოხსნილი არიან თანამდებობიდან.

თიანეთის რაიონში ასკილის შესყიდვის ფიქციური გაფორმების გზით დაიტაცეს 170 ათას მანეთზე მეტი, ხაშურის რაიონში — 100 ათას მანეთზე მეტი. წალკის რაიონში ათ დღეში ფიქციურად გააფორმეს ხუთი ათასი ტონა კარტოფილის დამზადება და 700 ათასი მანეთი მიითვისეს. ახალციხის რაიონში ასეთივე ხერხით დაიტაცეს 400 ათასი მანეთი.

მუშაობის ძირეული გარდაქმნის ორიენტირს რომ ვსახავთ, ამავე დროს ხაზგასმით უნდა აღვნიშნოთ, რომ გარდაქმნა თავისთავად არ მოხდება. მასში განსაკუთრებით მნიშვნელოვანია პროკურორის პირადი მაგალითის როლი. დასახული რეალობად რომ იქცეს, იგი მაქსიმალური სიმტკიცით უნდა განვახორციელოთ. ყველა მუშაკის ორგანიზებულობა და დისციპლინა, სრული უკუგებით მუშაობა, ინიციატივა და დიდი პასუხისმგებლობა — აი მთავარი პირობა იმისა, რომ განხორციელდეს პარტიის გეგმები, ყრილობის გადაწყვეტილებანი. პრაქტიკული საქმეები, შეუპოვარი მუშაობა დღევანდელი ძირითადი მოთხოვნაა. გარდაქმნა უნდა ხდებოდეს ყოველ სამუშაო ადგილას, ყოველ შრომითს კოლექტივში, პროკურატურის ორგანოების ყოველ რგოლში.

სსრ კავშირის გენერალური პროკურორი ა. მ. რეკუჩკოვი აღნიშნავს, რომ „გარდაქმნა მიმდინარეობს, მაგრამ ზოგჯერ მხოლოდ „ღონისძიებათა“ გაძლიერებისა და გაფორმების თვალსაზრისით. გარდაქმნა კი უწინარეს ყოვლისა უნდა მოხდეს მუშაობის სტილში, საქმისადმი თითოეული პროკურორისა და გამომძიებლის დამოკიდებულებაში. მხოლოდ ასე შევასრულებთ პარტიის XXVII ყრილობის გადაწყვეტილებებს, რომელმაც ხანგრძლივი ვადით განსაზღვრა ჩვენი ამოცანები“⁴.

ყრილობის მოთხოვნები ავალდებულებს პროკურატურის ორგანოებს თვითკრიტიკულად, პარტიული მომთხოვნელობით აფასებდნენ გაკეთებულს, მაქსიმალურად წარმართავდნენ მთელ მუშაობას საბოლოო შედეგების მისაღწევად. საჭიროა აქტიურად განვაგრძოთ მუშაობა საპროკურორო პრაქტიკის სრულყოფისათვის, ავითვისოთ მუშაობის ინტენსიური ხერხები, ძირეულად გავაუმჯობესოთ საპროკურორო შემოწმებისა და რეაგირების სისტემა და მეთოდები.

ვერც ერთი თათბირი, ვერც ერთი კარგი და გააზრებული მითითება ვერ შეედრება თავისი ზემოქმედების ძალით პროფესიულად უნარიან პრაქტიკულ საქმეებს, რომლებიც გვაძლევენ რეალურ შედეგს, მას კი მაშინ ვაღწევთ, როცა მიზანმიმართულად და თანამიმდევრულად ვმოქმედებთ, როცა პრობლემის გადაჭრისას კერძო, სანახევრო ღონისძიებებს კი არ ვჯერდებით, არამედ მტკიცედ და ენერგიულად მიგვყავს ბოლომდე საქმე.

სწორედ ასე მოქმედებდა რესპუბლიკის პროკურატურა, როცა ხელი მოჰკიდა დაუდგმელი მოწყობილობის პრობლემას. შარშან რესპუბლიკის საწარმოებში დაგროვდა 60 მილიონი მანეთის დაუდგმელი მოწყობილობა, მკვდარ ტვირთად იდო უძვირფასესი ჩარხები, ხელსაწყოები, დანადგარები. დიდი შრომის გაწევა დაგვირდა, შევათანხმეთ რაიონული პროკურორების

⁴ გაზეთი „იზვესტია“, 1986 წლის 2 ივნისი.

მოქმედება, გავაძლიერეთ სამინისტროებისა და უწყებების ხელმძღვანელების პასუხისმგებლობა, ზოგიერთი საკითხი გადავწყვიტეთ სსრ კავშირის პროკურატურისა და საკავშირო სამინისტროებისა და უწყებების დონეზე. ამჟამად ამ პრობლემის სიმწვავე რამდენადმე შენელებულია.

საბჭოთა კავშირში გავრცელდა ამიერკავკასიის სატრანსპორტო პროკურატურის გამოცდილება, რომლის ინიციატივიანმა მოქმედებამ ხელი შეუწყო სახალხო-სამეურნეო ტვირთის დაუცველობის შემცირებას გადაზიდვის დროს. მუშაობა ამ მიმართულებით გრძელდება. ამიერკავკასიის რკინიგზაზე სრულიად საკავშირო ინსტიტუტისა და პროკურატურის დახმარებით პირველად ქვეყანაში დაინერგა ტვირთის დატაცების მასალების განხილვისადმი კონტროლის ავტომატიზებული სისტემა. ამის შედეგად თითქმის ერთისამად და მეტად შემცირდა დანაკარგები.

არის სხვა მნიშვნელოვანი შედეგებიც. მიუხედავად ამისა, რესპუბლიკის პროკურატურა ითვალისწინებს, რომ ჯერ კიდევ წინ არის ძირითადი მუშაობა ნეგატიური მოვლენების დაძლევისათვის, მართლწესრიგის, დისციპლინისა და ორგანიზებულობის გადაჭრით განმტკიცებისათვის. რა გავაწუხებს განსაკუთრებით?

რესპუბლიკის სახალხო მეურნეობას უდიდეს ზიანს აყენებს უყიარაობა; დატაცებები, ბოროტმოქმედება, სახელმწიფო დისციპლინის მრავალი დარღვევა. მაგრამ კვლავინდებურად არადაამაკმაყოფილებელია კონკრეტულ დამნაშავეთა ხარჯზე დანაკარგების ანაზღაურების საქმე. ცოტა ვინმეს თუ ეკისრება პასუხისმგებლობა სახალხო მოხმარების გაუსავლიანი საქონლისათვის, რომლითაც ავსებულია საწყობები, ბაზები, მაღაზიები.

ზოგიერთი სამეურნეო ხელმძღვანელი ნაცვლად იმისა, რომ განახორციელოს ღონისძიებანი, რათა აზღვევინოს მატერიალურ ფასეულობათა დანაკლისით, გაფლანგვით, დატაცებით და გაფუჭებით მიყენებული ზარალი, ცდილობს მნიშვნელოვანი თანხები ჩამოწეროს წარმოების დანაკარგების ხარჯზე ისე, რომ საფუძვლიანად არ ამოწმებს ამ დანაკარგების წარმოქმნის მიზეზებს, ყოველთვის არ გადასცემს შესაბამის მასალებს სასამართლო და საგამოძიებო ორგანოებს. რესპუბლიკის სამინისტროები და უწყებები, ცალკეული პროკურორები არ ახდენენ ამაზე რეაგირებას როგორც საჭიროა, არ არკვევენ ასეთი მოვლენების წარმომშობ მიზეზებს, არ ავლენენ პირებს, რომლებსაც ბრალი მიუძღვით ამაში, იშვიათად აძლევენ მათ პასუხისგებაში.

საკვანძო ამოცანად კვლავ რჩება საპროკურორო ზედამხედველობის შემტევობისა და ქმედითობის გაძლიერება ეკონომიკის სფეროში, კანონიერების დარღვევის წინააღმდეგ ბრძოლაში. სახალხო მეურნეობის ყველა დარგის ეფექტიანობის გადიდებისათვის გამიზნული ყრილობის კურსი მოითხოვს, რომ ჯეროვანი წესრიგი დავამყაროთ წარმოებაში, კიდევ უფრო განვამტკიცოთ შრომისა და სახელმწიფო დისციპლინა, გადაჭრით აღმოვფხვრათ უყიარაობა, მფლანგველობა, უხარისხო პროდუქციის გამოშვება, სახელმწიფოს მოტყუების ყოველგვარი ფორმა და სოციალისტური საკუთრების ხელყოფა. მაგრამ ამ საქმეში კვლავინდებურად იჩენენ პასიურობას ქალაქ მარნეულის, დმანისის, ლენტეხისა და სხვა რაიონების პროკურორები, ზოგიერთი პროკურორი სუსტად ასრულებს თავის მოვალეობებს კანონიერების დარღვევების დროული და გადამჭრელი აღკვეთის და მათი მიზეზების აღმოფხვრის დარგში, ყოველთვის არ

ახდენს რეაგირებას სამეურნეო მართვის, უწყებრივი კონტროლის ორგანოების, სოციალისტური საკუთრების დატაცების წინააღმდეგ ბრძოლის სამსახურების უმოქმედობაზე, არ იჩენს პარტიულ პრინციპულობას, როცა ხედავს კუთხურობისა და კანონიერების დამრღვევთა ნებაზე მიშვების ფაქტებს, არ ითვალისწინებს საზოგადოებრივ აზრს, არ აყალიბებს საბჭოთა კანონებისადმი პატივისცემის და სამართლებრივი ნორმების ყოველი დარღვევის შეუწყნარებლობის სულისკვეთებას.

ამოცანა ის არის, რომ თითოეულ ქალაქსა და რაიონში კანონიერების მდგომარეობის ღრმა ანალიზის საფუძველზე გქმნიდეთ დანაშაულის თავიდან აცილების საიმედო და ეფექტიან სისტემას, რომ ერთობლივად შემუშავებული პროფილაქტიკური ღონისძიებები ფართო საჯაროობის პირობებში ხორციელდებოდეს პრაქტიკულად და საშუალებას გვაძლევდეს არა უბრალოდ მივსდეთ უკვე მომხდარი ამბის კვალს, არამედ თავიდან ავიცილოთ მძიმე დანაშაულად გადაცდომის გადაზრდა.

დამნაშავეობის შემცირების რეალურ რეზერვებს შეიცავს მისი მასაზრდოებელი ანტისაზოგადოებრივი მოვლენების და უწინარეს ყოვლისა, ლოთობისა და მუქთახორობის წინააღმდეგ ბრძოლის გაძლიერება. საჭიროა უმოკლეს ვადაში მივალწიოთ გარდატეხას მუქთახორობის ამოძირკვაში, მთელი მეცადინეობა მოვახმართ იმ პირთა დროულ გამოვლენას, რომლებიც თავს არიდებენ საზოგადოებრივად სასარგებლო შრომას, ვეწეოდეთ მათთან გულმოდგინე აღმზრდელობით მუშაობას, ვუწევდეთ შეუხელებელ კონტროლს, შრომის გზას აცდენილ პირებს უნდა დავეხმაროთ დამკვიდრდნენ შრომით კოლექტივებში, ხოლო ყველაზე გამოუსწორებელი მუქთახორების მიმართ, რომლებსაც ჯიუტად არ სურთ ეზიარონ საზოგადოებრივად სასარგებლო შრომას, სრულად უნდა გამოვიყენოთ კანონის ძალა.

ლოთობისა და ალკოჰოლიზმის წინააღმდეგ ბრძოლის საკანონმდებლო და სხვა ზომების მიღების შემდეგ რესპუბლიკაში მიღწეულია ერთგვარი დადებითი ძვრები. ლოთობა განიდევნა წარმოებიდან, ნაკლებად არის იგი საზოგადოებრივ ადგილებში, ჯანსაღდება ვითარება ოჯახებში, შემცირდა საწარმოო ტრავმატიზმი, განმტკიცდა წესრიგი, მაგრამ კვლავაც გვჭირდება დიდი, გულმოდგინე, მრავალფეროვანი მუშაობა. აქ არავითარი შეწყნარება არ უნდა იყოს. კიდევ ერთი მნიშვნელოვანი მიმართულებით — ბუნების დაცვისა და მისი რესურსების რაციონალური გამოყენების უზრუნველყოფაში გვჭირდება უფრო გადამჭრელი ზომები, მათ შორის — სამართლებრივი ხასიათისა. აქ ჭერჭერობით სათანადო ეფექტს არ იძლევა კანონმდებლობა და განსაკუთრებით მისი გამოყენების პრაქტიკა.

მუშაობის უმნიშვნელოვანესი მიმართულება ყველგან უნდა იყოს კორდინირებული, რომელთა განხორციელება საშუალებას მოგვცემს თავიდან ავიცილოთ ნარკომანია, რეციდივული დამნაშავეობა, მძიმე დანაშაულობანი საოჯახო-საყოფაცხოვრებო ნიადაგზე, აგრეთვე სამართალდარღვევები არასრულწლოვანთა შორის. მიუხედავად იმისა, რომ შემცირდა არასრულწლოვანთა მიერ ჩადენილ დანაშაულობათა რიცხვი, გამაფრთხილებელ მუშაობაში ჯერ კიდევ არ არის აღმოფხვრილი მთელი რიგი სერიოზული ხარვეზები. ბევრი ძნელად აღსაზრდელი მოზარდი რჩება სკოლებისა და სხვა სასწავლებლების

კოლექტივების, შრომითი კოლექტივებისა და სამართალდაცვითი ორგანოების კონტროლის გარეშე. მთელ რიგ ადგილებში მათთან დროულად არ ეწევიან ინდივიდუალურ აღმზრდელობითს მუშაობას, რომელიც თავიდან აგვაცილებდა უხეშ ანტისაზოგადოებრივ საქციელს.

დამნაშავეობის წინააღმდეგ ბრძოლაში დიდმნიშვნელოვანი როლი განეკუთვნება პროკურატურისა და შინაგან საქმეთა ორგანოების საგამოძიებო აპარატს. საგამოძიებო აპარატის ზუსტი და მიზანდასახული მუშაობა ცალკეულ კარგად მომუშავე გამოძიებელთა ძალების უბრალო შეკრება როდია. აქ გვემართება სწორად მოვაწყობთ მმართველობითი რგოლების — საქართველოს სსრ პროკურატურისა და შინაგან საქმეთა სამინისტროს საგამოძიებო სამმართველოების, ავტონომიური რესპუბლიკებისა და ოლქის პროკურორების მუშაობა. უწინარეს ყოვლისა ეს საჭიროა საქალაქო და რაიონულ რგოლში, რადგან სწორედ აქ წყდება დამნაშავეობის წინააღმდეგ ბრძოლის წარმატება.

ყურადღებია ქალაქ რუსთავისა და თბილისის საქარხნო რაიონის პროკურატურების მუშაობის გამოცდილება. აქ სისტემატურად ანალიზებენ მძიმე დანაშაულობათა წინააღმდეგ ბრძოლის მდგომარეობას, გამოძიების ხარისხს, რაც საშუალებას იძლევა დროულად შენიშნონ და გამოასწორონ შეცდომები და ნაკლოვანებანი. ამ პროკურატურებში კარგად არის ორგანიზებული გამოძიებელთა და მილიციის მუშაკთა ურთიერთმოქმედება დანაშაულობათა გახსნის დროს, უნარიანად იყენებენ მეცნიერულ-ტექნიკურ საშუალებებს. ამის შედეგად მეტი წილი დანაშაულობანი დროულად იხსნება.

რესპუბლიკის პროკურატურის საგამოძიებო სამმართველო ნიადაგ ეწევა მუშაობას იმ პირთა გამოვლენისა და პასუხისგებაში მიცემისათვის, რომლებსაც ბრალი მიუძღვით დანაშაულობათა ჩადენაში. ამის შედეგად, გასულ წელთან შედარებით, შემცირდა გაუხსნელ დანაშაულობათა რიცხვი.

გაუმჯობესდა წინა წლებში ჩადენილ დანაშაულობათა გახსნა. ამას მნიშვნელოვანწილად ხელი შეუწყო იმან, რომ რესპუბლიკის პროკურატურასა და მსხვილი ქალაქების პროკურატურებში შეიქმნა სპეციალიზებული საგამოძიებო-ოპერატიული ჯგუფები, რომლებსაც სათავეში უდგანან ყველაზე გამოცდილი გამოძიებლები. მათ შორის მრავლად არიან ნამდვილი ოსტატები, რომლებმაც უნარიანად გამოიკვილეს რამდენიმე წლის მანძილზე გაუხსნელად დარჩენილი მთელი რიგი განზრახ ჩადენილი მკვლელობანი.

მაგრამ ყველგან როდია დადებითი ძვრები გამოძიებისა და მოკვლევის მუშაობაში. როგორც ჩანს, საჭიროა სწრაფად და გადაჭრით აღმოვფხვრათ ნაკლოვანებანი გამოძიების ორგანიზაციაში. ამაში დადებითი როლი უნდა შეასრულოს გამოძიებისა და მოკვლევისადმი საპროკურორო ზედამხედველობამ. საჭიროა არა მარტო გვაუმჯობესოთ ხელმძღვანელობა გამოძიებისადმი, რათა უზრუნველყოთ დანაშაულობათა დროული გახსნა და გამოძიების მაღალი ხარისხი, არამედ გავამკაცროთ კიდევ მომთხოვნელობა მისი არაკეთილსინდისიერი და დაუდევარი წარმოებისათვის, საქმის გაჭიანურებისათვის, უინციანტივობისათვის, სამსახურებრივი მოვალეობის არასათანადო შესრულებისათვის.

თავისი ნაყოფი გამოიღო გულმოდგინე მუშაობამ, რომლის მიზანია ჩადენილ დანაშაულობათა შესახებ განცხადებებისა და შეტყობინებების განხილვის დროს კანონიერების დაცვისადმი ქმედითი ზედამხედველობის უზრუნველყოფა, დანაშაულობათა დაფარვის მანკიერი პრაქტიკის აღმოფხ-

გრა. ამის შედეგად დამნაშავეობის სტატისტიკა ახლა უფრო ობიექტურად ასახავს ნამდვილ ვითარებას. მაგრამ ყველგან გადაჭრით როდი მოუღეს ბოლო ამ ბოროტებას. აფხაზეთის, აჭარის ავტონომიურ საბჭოთა სოციალისტურ რესპუბლიკებში, თბილისსა და მთელ რიგ სხვა ადგილებში გამოვლინდა არაერთი ამგვარი ფაქტი, მძიმე დანაშაულობათა დაფარვის შემთხვევებიც კი. ეს მოწმობს რომ ზოგან ჭეშონად ვერ შეაფასეს დანაშაულობათა აღრიცხვა-სა და რეგისტრაციაში წესრიგის მტკიცედ დამყარების მთელი მნიშვნელობა, შესაბამისი ღონისძიებანი დროებით კამპანიად აღიქვეს.

დანაშაულობათა ზერელე და არასრული გამოძიება ბევრ უარყოფით შედეგს იწვევს. მაგრამ არნაკლებ ზიანს გვაყენებს საპროცესო ნორმების დარღვევები, რომლებზეც რეაგირება მწვავე და უკომპრომისო უნდა იყოს. ეს ნიშნავს, რომ სისხლის სამართლის დაუსაბუთებელი აღძვრის, პასუხისგებაში მოქალაქეთა უსაფუძვლო მიცემის, უკანონო დაკავებისა და დაპატიმრების არც ერთი ფაქტი არ უნდა დარჩეს დაუსჯელი, რადგან მოქალაქეების კონსტიტუციურ უფლებათა და თავისუფლებათა დაცვა ყველა სახელმწიფო ორგანოს, საზოგადოებრივი ორგანიზაციის, თანამდებობის პირისა და უწინარეს ყოვლისა პროკურატურის ორგანოების მოვალეობაა.

პროკურატურისა და შინაგან საქმეთა ორგანოებში გამოძიებისა და მოკვლევის წარმოების დროს კანონის დარღვევათა გადაჭრით აღკვეთა, ბუნებრივია, ბევრად არის დამოკიდებული საპროკურორო ზედამხედველობის ქმედითობაზე. იგი უნდა იყოს მუდმივი და შეიცავდეს ორგანიზაციული, მეთოდური და სხვა ღონისძიებების კომპლექსს. მაგრამ ეს ღონისძიებები არ უნდა ლახავდეს გამოძიებლის პროცესუალურ დამოუკიდებლობას, რომელიც დიდ და პასუხსაგებ ამოცანებს წყვეტს. მას ეკისრება უწინარეს ყოვლისა, პასუხისმგებლობა საგამოძიებო მოქმედების დასაბუთებისათვის. წარმატებით რომ ატარებდეს გამოძიებას, იგი მოვალეა იჩენდეს ინიციატივას, ოპერატიულობას, ეწეოდეს მტკიცებულებათა მიზანმიმართულ ძიებას. სწორედ ამიტომ არის, რომ საპროკურორო ზედამხედველობა არ უნდა გადაიქცეს წვრილმან მეურვეობად, შიშველ ადმინისტრირებად. პროკურორების უპირველესი მოვალეობაა უზრუნველყონ ამ დებულების რეალიზაცია.

მაგრამ განხორციელებული საორგანიზაციო ღონისძიებანი, მათ შორის ცხელ კვალზე მძიმე დანაშაულობათა გახსნისათვის საძიებო-ოპერატიული ჯგუფების შექმნა ჯერ კიდევ არ იძლევა სათანადო უკუუგებას. აფხაზეთის ასს რესპუბლიკაში, ქ. წყალტუბოში, ზოგიერთ სხვა ქალაქში, გარდაბნის, თეთრი წყაროს და მთელ რიგ სხვა რაიონებში ჯერ კიდევ ბევრია გაუხსნელი მძიმე დანაშაულები. ამის ძირითადი მიზეზებია სერიოზული ხარვეზები, ზოგჯერ გამომძიებელთა დაბალი პროფესიული მომზადება, არაოპერატიულობა და ნაკლოვანებანი თავდაპირველი საგამოძიებო მოქმედების განხორციელებაში, სუსტი ურთიერთმოქმედება მოკვლევის ორგანოებთან, მეცნიერულ-ტექნიკურ საშუალებათა არასაკმარისი გამოყენება.

შეუწყნარებელია შემთხვევები, როცა გამოძიებელი და პროკურორი თვითონ არ მიდიან მკვლელობის ადგილას, შემთხვევის ადგილის დათვალიერებას და გადაუღებელ საგამოძიებო მოქმედებას კი მოკვლევის ორგანოები ეწევიან არაკვალიფიციურად, რის შედეგადაც დანაშაულობანი გაუხსნელი რჩება. ამის გამო რესპუბლიკის პროკურატურის კოლეგიამ შეუძღვებლად ცნო თანამდე-

ბობებზე დაეტოვებინა ქ. წყალტუბოს ზონისა და ჩოხატაურის რაიონის პროკურორები ზ. მაჩიტაძე და ვ. ნიკოლაიშვილი.

უნდა მივიღოთ ზომები, რათა თითოეული გამომძიებელი ზედმიწევნით ფლობდეს დანაშაულობათა გახსნის თანამედროვე საშუალებებსა და ხერხებს და ამავე დროს მეტი მოვკითხოთ დანაშაულობათა გახსნისათვის პასუხისმგებელ თითოეულ მუშაკს, ავამაღლოთ რესპუბლიკის პროკურატურის საგამომძიებლო სამმართველოს როლი და უზრუნველვყოთ ხელმძღვანელთა შეუწელებელი ყურადღება ამ საქითხებისადმი.

თანამედროვე პირობებში უპირველეს გამაფრთხილებელ მნიშვნელობას იძენს დანაშაულის ჩამდენ პირთა მიმართ ზემოქმედების ზომის არჩევა. საჭიროა სასჯელის ზომის დანიშვნისადმი დიფერენცირებული მიდგომა და 1982-1985 წლებში მიღებული ახალი ნორმების მაქსიმალურად გამოყენება ყოველდღიურ პრაქტიკაში. საშიშ დამნაშავეთა მიმართ კანონის სიმკაცრე შეხამებული უნდა იყოს იმ ადამიანისადმი რწმენასთან, რომელსაც შემთხვევით დაუცდა ფეხი ცხოვრებაში.

სწორედ ასეთი მიდგომა ქმნის პირობებს, რათა გაძლიერდეს სასჯელის აღმზრდელი ზემოქმედება. უნდა ვხელმძღვანელობდეთ იმით, რომ პირველად ნაკლებსაშიში დანაშაულის ჩადენისათვის პირებს, რომლებიც საზოგადოებრივად სასარგებლო შრომას ეწევიან და მთლიანად დადებითად ხასიათდებიან სამუშაო და საცხოვრებელ ადგილას, არასრულწლოვანებს, ხანდაზმულებს, ბავშვიან ქალებს თავისუფლების აღკვეთა, როგორც წესი, არ შეეფარდოთ.

სკკპ XXVII ყრილობის მიერ სამართალდაცვითი ორგანოების წინაშე დასახული ამოცანები მასშტაბურია. მათი შესრულება მოითხოვს პროკურატურის, სასამართლოების, იუსტიციის, შინაგან საქმეთა ორგანოების, სახარბიტრაჟის, სხვა იურიდიული დაწესებულებების მუშაკთა მაქსიმალურ ძალისხმევას, სიმტკიცეს, მიზანმიმართულ და ეფექტიან საქმიანობას. პროკურატურის ორგანოებს მართებთ რეგულარულად, ღრმად და ყოველმხრივ ანალიზებდნენ კანონიერების მდგომარეობას, დამნაშავეობის დინამიკასა და სტრუქტურაში მომხდარ ცვლილებებს და ამის საფუძველზე ახორციელებდნენ საპროკურორო-საგამომძიებლო პრაქტიკის სრულყოფის ღონისძიებებს. შეუწელებელი ყურადღება უნდა ეთმობოდეს მოწინავეთა გამოცდილებას, პრაქტიკაში გამომდგარი ფორმებისა და მეთოდების გამოვლენასა და გავრცელებას.

მუშაობის სტილისა და მეთოდების სრულყოფა უნდა გამოიხატებოდეს უწინარეს ყოვლისა კადრებთან გულმოდგინე და დაკვირვებული მუშაობით. საჭიროა პასუხსაგებ პოსტებზე, განსაკუთრებით საქალაქო, რაიონულ და საოლქო რგოლში, ვაწინაურებდეთ მხოლოდ პრინციპულ, ენერგიულ ადამიანებს, რომლებსაც აქვთ ახლის გრძნობა და შესწევთ უნარი მიაღწიონ დადებით შედეგებს.

ამ და სხვა ღონისძიებათა განხორციელება ხელს შეუწყობს კანონიერებისა და მართლწესრიგის განმტკიცებას საქართველოს სს რესპუბლიკაში.



სკკპ XXVII ყრილობა და იუსტიციის ორგანოების და სასამართლოების ამოხანაუი

ალექსანდრე უზუნაშვილი,
საქართველოს სსრ იუსტიციის მინისტრი

სკკპ XXVII ყრილობამ ლენინური სიბრძნითა და სიღრმით გააანალიზა ჩვენი ქვეყნის საშინაო და საგარეო მდგომარეობა, განსაზღვრა პარტიის ეკონომიკური და სოციალური პოლიტიკის ძირითადი მიმართულებანი, შეაჯამა პარტიის პროგრამის ახალი რედაქციისა და წესდების ცვლილებათა განხილვის შედეგები და დაამტკიცა ეს უმნიშვნელოვანესი პარტიული დოკუმენტები.

ყრილობაზე დიდი ყურადღება დაეთმო საბჭოთა სახელმწიფოს სამართლებრივი საფუძვლების სრულყოფის, სოციალისტური კანონიერების განმტკიცების, სამართალდამცავი ორგანოების საქმიანობის შემდგომი გაუმჯობესების საკითხს.

ყრილობის პოლიტიკურ მოხსენებაში ამხანაგმა მ. ს. გორბაჩოვმა მაღალი შეფასება მისცა საზოგადოებრივი ცხოვრების ყველა სფეროში მართლწესრიგის განმტკიცებისათვის გაწეულ მუშაობას და მიუთითა, რომ მეცადინეობა ამ მიმართებით არ უნდა შევანელოთ, რომ „უცვლელ ამოცანად რჩება საბჭოთა კანონების მთელი ძალის გამოყენება დამნაშავეობისა და სხვა სამართალდარღვევათა წინააღმდეგ ბრძოლაში, რომ ადამიანები ყოველ დასახლებულ პუნქტში გრძნობდნენ სახელმწიფოს ზრუნვას მათი სიმშვიდისა და ხელშეუხებლობისათვის, დარწმუნებულნი იყვნენ, რომ ვერც ერთი სამართალდამრღვევი ვერ წაუვა საკადრის სასჯელს“¹.

ყველასათვის კარგადაა ცნობილი, თუ რა დიდი და პრინციპული ბრძოლა მიმდინარეობს რესპუბლიკაში მართლწესრიგის განმტკიცებისათვის, ცხოვრებისა და საქმიანობის ლენინური ნორმების აღდგენისა და დამკვიდრებისათვის, რომ „ჯერ კიდევ 1972 წელს დაწყებული რევოლუციური განწმენდის პროცესი ღღესაც ძლიერდება. ეს ბრძოლა მტკიცდება, და მისი განვითარების კვალობაზე გაძლიერდება უცხო იდეოლოგიისა და მორალის გამოვლინებების, ნეგატიური მოვლენების, უწინარესად, მექრთამეობის შეუწყნარებლობა. ეს კამპანია კი არა, რთული, ხანგრძლივი და თანმიმდევრული პროცესია“².

ამ ბრძოლაში დიდია იუსტიციის ორგანოებისა და სასამართლოების როლი, მაგრამ მათი საქმიანობა ყოველთვის როდი პასუხობს დროის მოთხოვნებს. ამხანაგმა ჯ. ი. პატიაშვილმა სამართლიანად გაუსვა ხაზი, რომ იუსტიციის სამინისტროს მართებს კვლავაც გაძლიეროს მომთხოვნელობა სახალხო სასამართლოებისა და იუსტიციის სხვა ორგანოების მუშაობისადმი.

სკკპ XXVII ყრილობაზე დიდი ადგილი დაეთმო საკანონმდებლო საქმიან-

1 მ. ს. გორბაჩოვი, სკკპ ცენტრალური კომიტეტის პოლიტიკური მოხსენება საბჭოთა კავშირის კომუნისტური პარტიის XXVII ყრილობას, „საბჭოთა საქართველო“, თბ., 1986, გვ. 104.
2 ჯ. ი. პატიაშვილი, საქართველოს კომპარტიის ცენტრალური კომიტეტის ანგარიში საქართველოს კომუნისტური პარტიის XXVII ყრილობას, გაზეთი „კომუნისტი“, 25 იანვარი, 1986 წელი.

ნობის საკითხებს, აღნიშნა, რომ კვლავაც უნდა გაუმჯობესდეს საბჭოთა კანონების ხარისხი, კანონმდებლობამ კიდევ უფრო აქტიურად უნდა შეუწყოს ხელი მართვის ეკონომიკური მეთოდების დანერგვას, შრომისა და მოხმარების ოდენობისადმი ქმედით კონტროლს, სოციალური სამართლიანობის პრინციპების განხორციელებას.

ამხანაგმა მ. ს. გორბახოვმა დააყენა ამოცანა დაჩქარდეს მომზადება სსრ კავშირის კონსტიტუციით გათვალისწინებული კანონებისა საყოველთაო-სახალხო განხილვისა და კენჭისყრის (რეფერენდუმის), აგრეთვე იმ თანამდებობის პირის მოქმედების სასამართლო წესით გასაჩივრების შესახებ, რომელიც არღვევს კანონს, ამეტებს უფლებამოსილებას და ბლაღავს მოქალაქეთა უფლებებს. უნდა მომზადდეს სპეციალური კანონი პროდუქციის ხარისხის შესახებ, გადაისინჯოს მოქმედი კანონმდებლობა იმ მიმართებით, რომ გაძლიერდეს პასუხისმგებლობა სოციალისტური საკუთრების დამტაცებლების, მექრთამეების, მუქთახორების, უშრომელი შემოსავლის მოყვარულების, ყველა იმათი, ვინც დაადგა ჩვენი წყობილების ბუნებისათვის უცხო გზას.

კანონმდებლობის სისტემატიზაციისა და სრულყოფის მიმართულებით, გასულ ხუთწლედში რესპუბლიკაში საკმაოდ დიდი და შრომატევადი სამუშაოა ჩატარებული. ხელახლა მომზადდა და გამოიცა რესპუბლიკის თითქმის ყველა კოდექსი. იბეჭდება და მალე გამოვა ადმინისტრაციულ სამართალდარღვევათა კოდექსი. დიდი მოწონება დაიმსახურა სამინისტროს მიერ მომზადებულმა ნორმატიული აქტების კრებულმა სახალხო დეპუტატთა ადგილობრივი საბჭოების შესახებ. მომზადდა და დასაბეჭდადაა გადაცემული ნორმატიული აქტების კრებულები ლოთობის წინააღმდეგ ბრძოლისა და სამამულო ომის ინვალიდთა შეღავათების შესახებ.

იუსტიციის სამინისტრო სისტემატურად სწავლობს მოქმედი კანონმდებლობის გამოყენების პრაქტიკას, მოკავშირე რესპუბლიკებისა და სხვა სახელმწიფოთა გამოცდილებას და საჭიროების შემთხვევაში შეაქვს წინადადებები საკანონმდებლო ცვლილებების შესახებ. სამინისტრომ მოამზადა კანონპროექტები ფიქტიური ქორწინებისა და ფიქტიური განქორწინების, აგრეთვე ვენახის უკანონოდ აჩეხვისათვის სისხლის სამართლის პასუხისმგებლობის დაწესების შესახებ, საგზაო მოძრაობის უსაფრთხოების წესების დარღვევებთან ბრძოლის გაძლიერების მიზნით სისხლის სამართლის კოდექსის შესაბამის მუხლებში შევიდა ცვლილებები, ამ დანაშაულის მთვრალ მდგომარეობაში ჩადენა გამოიყო ცალკე შემადგენლობად და დაწესდა უფრო მკაცრი სასჯელი. გარდა ამისა, კოდექსს დაემატა ახალი მუხლი, რომელიც ითვალისწინებს ავტომანქანის ჩამორთმევას მთვრალ მდგომარეობაში მართვისათვის.

იუსტიციის სამინისტრომ მონაწილეობა მიიღო ისეთი მნიშვნელოვანი კანონპროექტების მომზადებაში, როგორიცაა კანონები ატმოსფერული ჰაერის დაცვისა და ცხოველთა სამყაროს დაცვისა და გამოყენების შესახებ, დებულება იმ სისხლის სამართლებრივი სასჯელის აღსრულების წესისა და პირობების შესახებ, რომელიც დაკავშირებული არ არის მსჯავრდებულზე შრომადასწორებითი ზემოქმედების ღონისძიებებთან.

საანგარიშო პერიოდში სამინისტრომ მოამზადა რესპუბლიკის კანონთა წიგნი, რომლის პირველი ტომი უკვე გამოვიდა და დაეგზავნა ხელმომწერებს. კანონთა წიგნი შედგება შვიდი ტომისაგან. მასში შეტანილი იქნება ათასზე მეტი საკანონმდებლო და სხვა ნორმატიული აქტი. ყოველ ტომს ერთვის შეტანილი



აქტების ქრონოლოგიური ნუსხა, ანბანურ-საგნობრივი საძიებელი და სხვა საცნობარო აპარატი. წიგნი იბეჭდება ქართულ და რუსულ ენებზე საქართველოს სსრ უმაღლესი საბჭოს პრეზიდიუმისა და საქართველოს სსრ მინისტრთა საბჭოს ოფიციალური გამოცემის სახით. კანონთა წიგნის მომზადებისას მოხდა კანონმდებლობის ფართო განახლება, კანონმდებლობაში არსებული წინააღმდეგობების აღმოფხვრა და ხარვეზების შევსება, ახალი ნორმატიული აქტების შექმნა და მოძველებულთა გაუქმება. ამჟამად კანონთა წიგნის ყველა ტომი მომზადებულია და გადაცემულია დასაბეჭდად. გეგმის თანახმად კანონთა წიგნის გამოცემა უნდა დამთავრდეს 1987 წელს.

სოციალისტური კანონიერებისა და მართლმსაჯულების განმტკიცების საქმეში დიდია სასამართლოების როლი. მართლმსაჯულების კანონის შესაბამისად განხორციელება, კონკრეტულ საქმეებზე კანონიერი და სამართლიანი განაჩენისა და გადაწყვეტილების დადგენა ამაღლებს ხალხის მართლშეგნებას, ხელს უწყობს სამართალდარღვევათა აღმოფხვრას, კანონიერების განხორციელებისათვის ბრძოლაში საზოგადოებრივი ძალების გააქტიურებას. უმკაცრესად უნდა ვიცავდეთ მართლმსაჯულების, კანონის წინაშე მოქალაქეთა თანასწორობის დემოკრატიულ პრინციპებს, სხვა გარანტიებს, რომლებიც უზრუნველყოფს სახელმწიფოსა და თითოეული მოქალაქის ინტერესების დაცვას, — აღნიშნა სკკპ XXVII ყრილობაზე ამხანაგმა მ. ს. გორბაჩოვმა.

გატარებული ღონისძიებების შედეგად ბოლო წლებში მნიშვნელოვნად გაუმჯობესდა სასამართლოების საქმიანობა. სასამართლოები უფრო მკაცრად სჯიან სოციალისტური საკუთრების დამტაცებლებს, მექრთამეებს, სპეკულანტებს, ნარკომანებს, ქურდებს, ხულიგნებს და სხვა საშიშ დამნაშავეებს. სასამართლო საქმეთა განხილვისას უფრო ღრმად და კვალიფიციურად ხდება დანაშაულისა თუ სხვა სამართალდარღვევის კონკრეტული მიზეზებისა და ხელშემწყობი პირობების გამოვლენა, კანონით გათვალისწინებული ზომების გამოყენება მათ აღსაკვეთად და აღმოსაფხვრელად.

მიუხედავად ამისა, სასამართლოების საქმიანობაში ჯერ კიდევ ადგილი აქვს უხეშ შეცდომებს, საშიშ დამნაშავეთა მიმართ ყოველად გაუმართლებელი ლობიერების გამოჩენის ფაქტებს. ზოგჯერ სასამართლოები თავისუფლების აღკვეთას უფარდებენ ისეთ პირებს, რომლებმაც პირველად ჩაიდინეს მცირე მნიშვნელობის დანაშაული, არ წარმოადგენენ დიდ საზოგადოებრივ საშიშროებას და ადვილად შეიძლება გამოსწორდნენ საზოგადოებიდან იზოლაციის გარეშე.

სამტრედიის რაიონის სახალხო სასამართლომ (მოსამართლე გ. შენგელია) ადრე ბოროტი ხულიგნობისათვის მსჯავრდებულ ლომოვს, რომელიც თავს არიდებდა საზოგადოებრივად სასარგებლო შრომას, მოქალაქეთა პრაქტიკულ ნების ქურდობისა და ნარკოტიკულ ნივთიერებათა გასაღებისათვის მიუსაჯა შვიდი წლით თავისუფლების აღკვეთა. საქართველოს სსრ უმაღლესმა სასამართლომ აღნიშნული განაჩენი გააუქმა სასჯელის აშკარა ლობიერების გამო. საქმის ხელახალი განხილვისას ლომოვს შეეფარდა ათი წლით თავისუფლების აღკვეთა.

ზესტაფონის რაიონის სახალხო სასამართლომ (მოსამართლე ლ. კუპატაძე) ადრე მკვლელობისა და სახელმწიფო ქონების დატაცებისათვის ნასამართლევ ნუტუბიძეს მოქალაქეთა პირადი ქონების გამოძალვისათვის მიუსაჯა ორი წლით

თავისუფლების აღკვეთა, რაც შეუცვალა პირობით შრომაში სავალდებულო ჩაბმით. სასჯელის ღმობიერების გამო განაჩენი გაუქმდა და საქმის ხელახალი განხილვისას ნუცუბიძეს მიესაჯა სამი წლითა და ექვსი თვით თავისუფლების აღკვეთა.

ბოგდანოვიკის რაიონის სახალხო სასამართლომ (მოსამართლე ა. ვართანიანი) გოგოლიანს, რომელმაც მთვრალ მდგომარეობაში მოახდინა ავტოავარია, რასაც დაზარალებულის დაღუპვა მოჰყვა, პირობითი სასჯელი აკმარა. საქმის ხელახალი განხილვისას დამნაშავეს ხუთი წლით თავისუფლების აღკვეთა შეეფარდა.

გასაგებია, რომ მართლმსაჯულების ასეთი განხორციელება, დამნაშავეთა მიმართ ასეთი ბრძოლა, ვერ განაწყობს მოსახლეობას სასამართლოებისადმი ნდობითა და პატივისცემით.

სახალხო სასამართლოების საქმიანობას, როგორც წესი, ვაფასებთ გაუქმებული და შეცვლილი განაჩენებისა თუ გადაწყვეტილებების რაოდენობით. ეს ასეც უნდა იყოს თუ ყველა განაჩენი და გადაწყვეტილება მოწმდება სწორად, კვალიფიციურად და არ ხდება ამ პროცესის ხელოვნური მართვა. ბოლო ხუთი წლის მანძილზე რესპუბლიკაში თითქმის ერთისამად შემცირდა გაუქმებული და შეცვლილი განაჩენების რიცხვი, მაგრამ ძალიან საეჭვოა, რომ ეს გამოწვეული იყოს სახალხო სასამართლოების საქმიანობის ძირეული გაუმჯობესებით. გასულ წელს სასჯელის აშკარა ღმობიერების მოტივით განაჩენი გაუქმდა მხოლოდ ცხრა პირის მიმართ, აქედან ოთხი პირის მიმართ იუსტიციის სამინისტროს წარდგინების საფუძველზე. აბა, რა დასაჯერებელია, რომ სასამართლოებმა მხოლოდ აღნიშნული პირების მიმართ გამოიჩინეს აშკარა ღმობიერება. ზემდგომი ინსტანციის სასამართლოები ხშირად უკანონოდ და უსაფუძვლოდ აუქმებენ და ცვლიან განაჩენებს, ამახიჩვებენ სასამართლო პრაქტიკას, ახდენენ სახალხო სასამართლოების დეზორიენტაციას.

თბილისის საქარხნო რაიონის სასამართლომ გამასწორებელი სამუშაოები მიუსაჯა ლაბაძეს, რომელიც ავტოშემკვებელად მუშაობდა და მომხმარებელს ზედმეტად გადაახდევინა ათი მანეთი. თბილისის საქალაქო სასამართლოს სისხლის სამართლის საქმეთა სასამართლო კოლეგიამ (მომხსენებელი ზ. ხელაშვილი) ეს სასჯელი რატომღაც მკაცრად მიიჩნია და ჯარიმით შეცვალა.

საგარეჯოს რაიონის სახალხო სასამართლომ ელიზბარაშვილს, რომელმაც სხვა პირთან ერთად ტექნიკური საშუალების გამოყენებით მოიპარა კოლმეურნეობის ძროხა, შეუფარდა ორნახევარი წლით თავისუფლების აღკვეთა, რაც მსჯავრდებული პიროვნებისა და ოჯახური მდგომარეობის გათვალისწინებით შეუცვალა პირობით შრომაში სავალდებულო ჩაბმით. ეს ისედაც ღმობიერი სასჯელი რესპუბლიკის უმაღლესი სასამართლოს სისხლის სამართლის საქმეთა სასამართლო კოლეგიამ (მომხსენებელი ი. ყორდანი) მკაცრად მიიჩნია და შეცვალა გამასწორებელი სამუშაოებით.

ზუგდიდის რაიონის სახალხო სასამართლომ ძეძუთა ბავშვის მარტოხელა დედას ჯალალონიას, რომელიც გამყიდველად მუშაობდა, ორი ათასი მანეთის დანაკლისი აღმოაჩინდა და იგი მაშინვე დაფარა, მიუსაჯა ერთი წლითა და ექვსი თვით თავისუფლების აღკვეთა. ზემდგომმა სასამართლო ინსტანციებმა ყურად არ იღეს მსჯავრდებულის თხოვნა და მხოლოდ რესპუბლიკის უმაღლესი საბჭოს პრეზიდიუმმა გაათავისუფლა იგი სასჯელის მოხდისაგან პატიების წესით.

გასაგებია, რომ ასეთი ზემდგომი სასამართლო ზედამხედველობა ვერ გამოდგება სახალხო სასამართლოების საქმიანობის შეფასების კრიტერიუმად. საერთოდ, უნდა ითქვას, რომ რესპუბლიკის ზემდგომი სასამართლოები ფორმალური მაჩვენებლების მიხედვითაც კი თითქმის ყველაზე ცუდად გამოიყურებიან კავშირის მასშტაბით. მარტო გასულ წელს თვითონ მათ მიერ დადგენილი განაჩენების ჩვიდმეტი პროცენტი გაუქმდა ან შეიცვალა.

გასულ ხუთწლეულში საგრძნობლად გაუმჯობესდა სასამართლოებში საქმეთა განხილვის ვადების დაცვის მდგომარეობა. თუ 1980 წელს სისხლის სამართლის საქმეთა 12 პროცენტი იყო განხილული ვადის დარღვევით, 1985 წელს ამ მაჩვენებელმა მხოლოდ 4,4 პროცენტი შეადგინა. თბილისის საქარხნო რაიონის, ქ. ზუგდიდის, მახარაძის, კასპის, საგარეჯოს, ჩხოროწყუსა და მთელი რიგი სხვა რაიონების სახალხო სასამართლოებში ყველა სისხლის სამართლის საქმე დროულად იხილება. უხეშად ირღვევა საქმეთა განხილვის ვადები ახმეტის, წალკის, მესტიის, გორის რაიონის სახალხო სასამართლოებში.

საქმეთა განხილვის ვადების დარღვევის ძირითადი მიზეზია მოსამართლეთა უპასუხისმგებლობა, პროცესის მოუმზადებლობა, ამ საკითხის სხდომის მდივნებზე გადაკისრება, პროცესის მონაწილეთა გამოცხადების უზრუნველსაყოფად კანონით გათვალისწინებული ღონისძიებების გამოუყენებლობა.

სოციალისტური კანონიერების განმტკიცების საქმეში დიდი როლი ენიჭება სასამართლოების პროფილაქტიკური საქმიანობის დონისა და ეფექტიანობის ამაღლებას.

სტატისტიკის მიხედვით, ყოველ მესამე სისხლის სამართლის საქმეზე სასამართლოებს გამოაქვთ კერძო განჩინება, ყოველი მეოთხე საქმე იხილება გამსვლელ სესიაზე, ყოველი მეექვსე საქმის განხილვაში მონაწილეობას ღებულობენ საზოგადოებრიობის წარმომადგენლები. ამ საქმიანობაში განსაკუთრებით გამოიჩინეს თავი რუსთავის, ადიგენის, ახალციხის, ბორჯომის, ვანის, მაიაკოვსკის, ჩოხატაურის, წალენჯიხის, გეგეჭკორის და სხვა ქალაქებისა და რაიონების სახალხო სასამართლოებმა. სამწუხაროდ, პროფილაქტიკურ საქმიანობას ყველგან ჯეროვანი ყურადღება არ ეთმობა. მიმდინარე წლის პირველ კვარტალში არცერთი საქმე არ განუხილავთ გამსვლელ სხდომაზე ახმეტისა და თერჯოლის რაიონების სახალხო სასამართლოებს. გასულ წელს არც ერთი საქმის განხილვაში მონაწილეობა არ მიუღიათ საზოგადოებრიობის წარმომადგენლებს ახალქალაქის და ქარელის რაიონის სახალხო სასამართლოებში, არც ერთი განაჩენი არ გაუშუქებიათ მასობრივი ინფორმაციის საშუალებებით გორის, მახარაძის და სიღნაღის რაიონების სახალხო სასამართლოებს.

რასაკვირველია, სასამართლოთა პროფილაქტიკური საქმიანობის ეფექტიანობას მხოლოდ რაოდენობრივი მაჩვენებელი არ განსაზღვრავს. მთავარია ამ ღონისძიებათა ხარისხი, როგორ პასუხობენ ისინი მართლმსაჯულების ამოცანებს, რამდენად უწყობენ ხელს მოსახლეობის სამართლებრივ აღზრდას, სოციალისტური კანონიერებისა და მართლწესრიგის მტკიცე და განუხრელი დაცვის სულისკვეთების ჩამოყალიბებას. ამ მხრივ კი ცოტა ნაკლოვანებები როდი შეინიშნება. ადგილი აქვს პროფილაქტიკური საქმიანობისადმი ფორმალური ბიუროკრატიულ მიდგომას. სახალხო სასამართლოთა გამსვლელი სხდომები კვლავ ხშირად ტარდება ისეთ ორგანიზაციებში, რომელსაც არავითარი კავშირი არა აქვს განსახილველ საქმესთან, გამსვლელ სესიაზე იხილება ისეთი საქ-

მეები, რომლებიც არ იწვევენ დიდ საზოგადოებრივ ინტერესს. არც თუ იშვიათად გამსვლელი სესიები ტარდება მოუშნადებლად, პროცესუალური და ეთიკური ნორმების უხეში დარღვევით.

სასამართლოს კერძო განჩინებათა უმრავლესობა ინფორმაციული ხასიათისაა და ფაქტობრივად არის შეტყობინება კოლექტივისადმი, რომ მათმა მუშაკმა ჩაიდინა დანაშაული და საჭიროა კოლექტივში გაიზარდოს აღმზრდელობითი მუშაობა.

პროფილაქტიკური ღონისძიებების ჩატარება თვითმიზანი არ არის, მთავარია არა ღონისძიებათა რაოდენობა, არამედ მათი ხარისხი და ეფექტიანობა, კონკრეტული შედეგები.

სკკპ XXVII ყრილობაზე ბევრი ითქვა სოციალისტური საკუთრების დაცვის შესახებ. ამასთან დაკავშირებით დიდი მნიშვნელობა აქვს არამართო სოციალისტური საკუთრების დამტაცებელთა სამართლიან დასჯას, არამედ აგრეთვე დანაშაულით მიყენებული ზარალის სრულად ანაზღაურებას. ამ მიმართულებით სასამართლოები გარკვეულ მუშაობას ეწევიან. გასულ წელს განსაკუთრებით გამოიჩინა თავი ქუთაისის ავტოქარხნის რაიონის სახალხო სასამართლოს აღმასრულებელმა გ. მოსეშვილმა, რომელმაც მთლიანად ამოიღო დამნაშავე პირთაგან სახელმწიფო ორგანიზაციებისადმი მიყენებული ზარალი და გაიმარჯვა რესპუბლიკის საუკეთესო აღმასრულებლის წოდებისათვის გამართულ კონკურს-დათვალიერებაში. კარგად იმუშავეს აგრეთვე თბილისის კიროვის რაიონის სახალხო სასამართლოს აღმასრულებელმა ი. ბენაშვილმა და ამბროლაურის რაიონის სახალხო სასამართლოს აღმასრულებელმა ლ. ველიაშვილმა, რომელთაც შესაბამისად მეორე და მესამე ადგილები მიეკუთვნათ. სამწუხაროდ, ამ საქმიანობას ყველა სასამართლოში არ ექცევა სათანადო ყურადღება. ცუდად მუშაობენ ახმეტის, ასპინძის, ახალქალაქის, ბოლნისის, გეგეჭკორის, ორონიკიძის და წითელწყაროს რაიონების სახალხო სასამართლოები.

სკკპ XXVII ყრილობის პოლიტიკურ მოხსენებაში და მიღებულ რეზოლუციაში აღნიშნულია, რომ უნდა გაუმჯობესდეს მოსახლეობის სამართლებრივი აღზრდა. ამ საყრილობო მოთხოვნათა შესაბამისად სამართლებრივი პროპაგანდისა და აღზრდის მოქმედი სისტემა მოითხოვს შემდგომ დახვეწასა და სრულყოფას. გადაჭრით უნდა გაუმჯობესდეს სამართლებრივი კურსის სწავლება საშუალო და პროფტექნიკურ სასწავლებლებში. ამ ათი წლის წინათ შედგენილი სასწავლო პროგრამები და სახელმძღვანელოები აშკარად ვერ აკმაყოფილებს დღევანდელ მოთხოვნებს.

მოსახლეობის სამართლებრივი სწავლების ყველაზე ქმედით ფორმას სამართლებრივი ცოდნის სახალხო უნივერსიტეტი წარმოადგენს. ასეთი უნივერსიტეტები ამჟამად ყველა ქალაქში და რაიონშია შექმნილი, მაგრამ ეს სრულიად არ არის საკმარისი. უნივერსიტეტებში, როგორც წესი, ჩაბმული არიან სახალხო მსაჯულები და სახალხო რაზმელები. მოსახლეობის დიდი ნაწილი სამართლებრივი სწავლების გარეშეა დატოვებული. რაც ყველაზე სამწუხაროა, ზოგან უნივერსიტეტი მხოლოდ ქალაქებში არსებობს და მთელი მისი საქმიანობა პირველი და შემაჯამებელი მეცადინეობის ჩატარებით ამოწურება. მოსახლეობის სამართლებრივი აღზრდის საქმეში ჯერ კიდევ ეფექტიანად ვერ ვიყენებთ ლექციურ პროპაგანდას, პრესის, რადიოსა და ტელევიზიის შესაძლებლობებს.

სკკ XXVII ყრილობამ დასახა ქვეყნის სოციალურ-ეკონომიკური განვითარების დაჩქარების ახალი სტრატეგიული კურსი, რაც საგრძნობლად ზრდის სამართლებრივი საშუალებების როლს ეკონომიკურ ამოცანათა გადაწყვეტის და სამეურნეო მექანიზმის სრულყოფაში. ბევრი უწყება ჯერ კიდევ სუსტად იყენებს იურიდიული სამსახურის შესაძლებლობებს ეკონომიკური მაჩვენებლების გასაუმჯობესებლად, შრომისა და სამეურნეო დისციპლინის განსამტკიცებლად. დიდი დახმარების გაწევა შეუძლია იურიდიულ სამსახურს პროდუქციის ხარისხის გაუმჯობესებისათვის ბრძოლაში, რასაც განსაკუთრებით გაესვა ხაზი სკკ XXVII ყრილობაზე. დასამალი არ არის, რომ უხარისხო პროდუქციის გამოშვებით მიყენებული ზარალის ჩამოწერა ამეყამად, როგორც წესი, ხდება წარმოების ხარჯზე, კონკრეტული დამნაშავე კი დაუსჯელი რჩება. ანალოგიური მდგომარეობაა სახელმეურნეო ვალდებულებათა შეუსრულებლობით გამოწვეული ზარალის ანაზღაურების საკითხშიც. უნდა ამდლდეს იურისკონსულტთა პასუხისმგებლობა, მათი გარკვეული ნაწილი ჯეროვნად ვერ ასრულებს სამსახურებრივ მოვალეობას, ვერ ერკვევა ან ცუდად ერკვევა სამეურნეო კანონმდებლობაში, არ იცნობს თავისი საწარმოს ეკონომიკურ მდგომარეობას.

განსაკუთრებულ ყურადღებას მოითხოვს აგროსამრეწველო გაერთიანებაში იურიდიული სამსახურის სწორი ორგანიზაცია. კოლმეურნეობებსა და საბჭოთა მეურნეობებში სამართლებრივი მუშაობის შესწავლა გვიჩვენებს, რომ სამეურნეობათა შორის იურიდიული ჯგუფების არსებობა ვერ პასუხობს სოფლის მეურნეობის მართვის დღევანდელ პრინციპებს. აგროსამრეწველო გაერთიანებათა ფუნქციონირების პირობებში გაცილებით მაღალეფექტურია უშუალოდ კოლმეურნეობებში და საბჭოთა მეურნეობებში იურისკონსულტთა საქმე-ტატო ერთეულის შემოღება.

სკკ XXVII ყრილობაზე დიდი ადგილი დაეთმო საბჭოთა მოქალაქეების მომსახურების სფეროს სრულყოფას, აღინიშნა, რომ უმოკლეს ვადაში უნდა შეიქმნას თანამედროვე მომსახურების სფერო, განხორციელდეს გადაწყვეტილების დონის ძიებანი, რათა აღმოიფხვრას მკვეთრი დისპროპორცია მომსახურებაზე მოთხოვნასა და მის გაწევას შორის.

ამ მითითებათა შესაბამისად გადაჭრით უნდა გაუმჯობესდეს მოქალაქეთა სამართლებრივი მომსახურება ადვოკატურის, ნოტარიატისა და მმჩის ორგანოებში. ამ ორგანოთა სამუშაო პირობების გაუმჯობესება და მატერიალურ-ტექნიკური ბაზის განმტკიცება, რის თაობაზეც საქართველოს სსრ მინისტრთა საბჭომ გასული წლის დეკემბერში მიიღო სპეციალური დადგენილება, ხელს შეუწყობს მოსახლეობის სამართლებრივი მომსახურების დონის ამაღლებას.

იუსტიციის ორგანოებისა და სასამართლოების ავტორიტეტს, საბოლოო ანგარიშით: განსაზღვრავენ კადრები, მათდამი ხელმძღვანელობის სტილი და მეთოდები. კადრებთან მუშაობის გაუმჯობესების აუცილებლობაზე საგანგებოდ იყო ლაპარაკი საქართველოს კომპარტიის XXVII ყრილობაზე: „სახელმწიფო, სამეურნეო და კულტურული მშენებლობის ხელმძღვანელობის დონის ამაღლებას პარტია განუყრელად უკავშირებს კადრებთან მუშაობის შემდგომ გაუმჯობესებას. ამ საპროგრამო მოთხვნის პრაქტიკული განხორციელებისათვის აუცილებელია, რომ ყველგან, თავიდან ბოლომდე, განუხრელად სრულდებოდეს კადრების შერჩევისა და განაწილების; — მათი პოლიტიკური, საქმიანი და შორალური ნიშნების მიხედვით განაწილების ლენინური პრინციპები“ — აღ-

ნიშნა ყრილობაზე ამხანაგმა ჯ. ი. პატიაშვილმა.³

იუსტიციის სამინისტრო დიდ მუშაობას ეწევა სწორი საკადრო პოლიტიკის განხორციელებისათვის, ჩამოყალიბდა კადრებთან მუშაობის, მათი შესწავლისა და სწავლების გარკვეული სისტემა. უფრო კონკრეტული და მიზნობრივი გახდა კადრების სწავლებისა და აღზრდის ისეთი ფორმები, როგორც არის სემინარები, ზონალური თათბირები, კონფერენციები, სტაჟირება, დამრიგებლობა, მოწინავეთა გამოცდილების განზოგადება და ა. შ. დიდ მუშაობას ეწევა სამინისტროსთან არსებული იუსტიციის ორგანოების მუშაკთა კვალიფიკაციის ამაღლების კურსები, რომელიც ერთ-ერთ საუკეთესოდ ითვლება კავშირის მასშტაბით.

რამდენიმე წლის წინათ დაწესდა დიდი ქართველი მოაზროვნის ილია ჭავჭავაძის სახელობის დიპლომი, რომელიც წლის შედეგების მიხედვით გადაეცემა საუკეთესო სახალხო მოსამართლეს. ეს საპატიო ჯილდო მოიპოვეს თბილისის საქარზნო რაიონის სახალხო სასამართლოს თავმჯდომარემ თ. ნამიჭიშვილმა, მახარაძის რაიონის სახალხო სასამართლოს თავმჯდომარემ რ. გობრონიძემ და სოხუმის სახალხო სასამართლოს თავმჯდომარემ შ. არშბამ. ყოველწლიურად ტარდება კონკურს-დათვალიერებები საუკეთესო სანოტარო კანტორის, სასამართლოს კანცელარიის, იურიდიული კონსულტაციის და მმაჩის ორგანოს გამოსავლინებლად.

მიუხედავად გატარებული ღონისძიებებისა, საკადრო საქმიანობაში ჯერ კიდევ ბევრი ნაკლი და ხარვეზია. კადრების აღზრდისა და სწავლების ხაზით განხორციელებულ ღონისძიებებს ყოველთვის არ მოსდევს სასურველი შედეგები, რადგან ისინი ზოგჯერ არ არის კონკრეტული და მიზანმიმართული. სათანადოდ არ ვსწავლობთ კადრებს, თითოეულ მუშაკს, მის ცხოვრებისეულ პოზიციასა და პრინციპებს. გასულ წელს მუშაობაში არსებული სერიოზული ნაკლოვანებებისათვის ვადაზე ადრე გამოვიწვიეთ ორი სახალხო მოსამართლე, დაკავებული თანამდებობიდან გავათავისუფლეთ ექვსი სასამართლოს აღმასრულებელი, ხუთი სახელმწიფო ნოტარიუსი და ა. შ. ალბათ, ამ უკიდურესი ღონისძიების გამოყენება არ დაგვჭირდებოდა, კადრების განაწილებისა და სწავლების ჩვენი სისტემა რომ უფრო ეფექტიანად მუშაობდეს.

მუშაკებისადმი მეტი ზრუნვის გამოჩენაა საჭირო. გულგრილობა, უყუარადღებობა, ღირსეულთა შეუმჩნეველობა და უღირსთა დაწინაურება თუ წახალისება უდიდეს ზიანს აყენებს ჩვენს საკადრო მუშაობას. ისე უნდა მოვაწყოთ საქმე, რომ თითოეული მუშაკის საქმიანობა მუდმივად იყოს ჩვენი თვალსაწიერის ფარგლებში, არც ცუდი და არც კარგი არ რჩებოდეს სამართლიანი შეფასებისა და რეაგირების გარეშე.

სკკპ XXVII ყრილობის მიერ დასახული ამოცანების წარმატებით განხორციელება მოითხოვს დიდ შრომასა და ენერგიას, კონკრეტულ და კვალიფიციურ საქმიანობას, მუშაობის სტილისა და მეთოდების დახვეწას, გარდაქმნასა და სრულყოფას. რესპუბლიკის სასამართლოებისა და იუსტიციის ორგანოების მუშაკები ყველაფერს გააკეთებენ ამ პასუხსაგები და საპატიო მისიის შესასრულებლად, საზოგადოებრივი ცხოვრების ყველა სფეროში მტკიცე კანონიერების დასამკვიდრებლად და განსამტკიცებლად.

³ ჯ. ი. პატიაშვილი, საქართველოს კომპარტიის ცენტრალური კომიტეტის ანგარიში საქართველოს კომპარტიის XXVII ყრილობას, გაზეთი „კომუნისტი“, 25 იანვარი, 1986 წ.

პარტლენსრიგის განმტკიცების მოთხარკი და სანიჟლო ბარანტია

შოთა ზორგოძე,
საქართველოს სსრ შინაგან საქმეთა მინისტრი

პარტიისა და ხალხის ერთგული საქართველოს საბჭოთა მილიცია ყოველთვის უშეღავათო ბრძოლას ეწეოდა დამნაშავეობისა და სოციალისტური ყოფისათვის მიუღებელი ანტისაზოგადოებრივი გამოვლინებების წინააღმდეგ, მკარამ ბოლო წლებში ამ ბრძოლას მაინც აკლდა სიმძაფრე და თანმიმდევრულობა. თუმცა, ეს მარტო შინაგან საქმეთა ორგანოების მუშაობაზე, ან მარტო ჩვენი რესპუბლიკის მაგალითზე არ ითქმის.

სკკპ XXVII ყრილობამ დაუფარავად ამხილა ეს ნაკლოვანებანი, წარმოაჩინა მათი გამომწვევი მიზეზები და შეიმუშავა სოციალისტური საზოგადოების დაჩქარებული განვითარების მეცნიერულად დასაბუთებული პროგრამა.

დაჩქარების სტრატეგია, რასაც შედეგად უნდა მოჰყვეს ეროვნული შემოსავლის გაორკეცება და საბჭოთა ხალხის მატერიალურ-კულტურული ცხოვრების დონის შემდგომი ამაღლება, ჩვენს წინაშე ამჟამად მდგარი ყველა ეკონომიკური; სოციალური, პოლიტიკური და იდეოლოგიური პრობლემების გასაღებია, ხოლო სანიმუშო საზოგადოებრივი წესრიგი და დისციპლინა, ამ სტრატეგიის ცხოვრებაში პრაქტიკულად გატარების ერთ-ერთი აუცილებელი პირობა.

მეთორმეტე ხუთწლედის გრანდიოზულ მიზანდასახულობათა ხორცშესხმა აუცილებლად ითხოვს და დღის წესრიგში აყენებს მუშაობის მოძველებული ფორმებისა და დრომოჭმული მეთოდების უარყოფას, საქმისადმი ახლებურ მიდგომას და ყველა იმ ნაკლოვანებათა უსწრაფესად აღმოფხვრას, რომლებიც ხელს უშლიან წინსვლას.

ერთხელ და სამუდამოდ უნდა მოეღოს ბოლო პარადულობასა და მოჩვენებითობას, ეგრეთ წოდებულ „მიწერებს“, თითქმის ყველგან რომ იჩინა თავი და ნაყოფიერი ნიადაგი შეუქმნა სხვადასხვა ნეგატიურ მოვლენებს. ამ სენს ვერც შინაგან საქმეთა ორგანოები ასცდნენ. ზოგიერთ საქალაქო თუ რაიონულ განყოფილებაში დამკვიდრებული დანაშაულის მიჩქმალვის მავნე პრაქტიკაც ხომ იგივე „მიწერა“ და ოპერატიული ვითარების ხელოვნური შელამიზების ცდაა. თუმცა, მხოლოდ ეს არ იყო შინაგან საქმეთა ორგანოების მუშაობის შესუსტების მიზეზი, აქ სხვა ბევრი ნაკლიც შეიმჩნეოდა.

საზოგადოებრივი ცხოვრების რთული მექანიზმი კი ისეა მოწყობილი, რომ შეუძლებელია იზოლირებულად, სხვათა დამოუკიდებლად მივალწიოთ ადმინისტრაციული, კერძოდ კი შინაგან საქმეთა ორგანოების მუშაობის უმაღლეს ეფექტურობას, იდეალურ წესრიგს. ამიტომ საზოგადოებრივი ცხოვრების ყველა სფეროში ერთდროულად უნდა წარიმართოს ნამდვილად უშეღავათო, უკომპრომისო ბრძოლა თვითგანწმენდისა და მორალურ-ზნეობრივი კლიმატის გაჯანსაღებისათვის.

გამომდინარე აქედან, შინაგან საქმეთა ორგანოების სიწმინდისათვის ზრუნვა ჩვენს უპირველეს, გადაუდებელ საქმედ მიგვაჩნია, რადგან უამისოდ მართლწესრიგის განმტკიცების ამოცანები თანამედროვე მოთხოვნების დონეზე ვერ გადაწყდება.

კადრების სწორი შერჩევისა და ამალღების მიზნით უკვე გადაიდგა პირველი ნაბიჯები სამინისტროს აპარატში, მაგრამ ამ მხრივ, ჯერ კიდევ ბევრი რამ არის გასაკეთებელი ძირეულ რგოლებში, შინაგან საქმეთა რაიონულ და საქალაქო განყოფილებებში.


ჩვენ დაუნდობლად ვააშკარავებთ და ორგანოდან ვითხოვთ მილიციაში შემთხვევით მოხვედრილ, ნდობადაკარგულ თანამშრომლებს, რომლებმაც სახელი გაიტეხეს. ამავე დროს ვცდილობთ ისეთი ახალგაზრდებით შევავსოთ მილიციის რიგები, რომლებსაც პროფესიულ ცოდნასთან ერთად დადებითი პიროვნული თვისებებიც გააჩნიათ, როგორც იტყვიან, გული შესტკივათ სიმართლისა და სიკეთისათვის. დიდ მნიშვნელობას ვანიჭებთ აგრეთვე პირადი შემადგენლობის მაღალ-ზნეობრივი და იდეურ-პოლიტიკური თვისებებით აღზრდას. ამ მხრივ მეტად საჭირო და ნაყოფიერ მუშაობას ეწევა შინაგან საქმეთა სამინისტროს პოლიტ-განყოფილება.

შინაგან საქმეთა ორგანოების ბრძოლისუნარიანობის ამალღების კიდევ ერთ მნიშვნელოვან რეზერვად მიგვაჩნია პირადი შემადგენლობის პროფესიული ცოდნისა და ოსტატობის სრულყოფა. პროფესიონალიზმი ტევადი მცნებაა, იგი მარტოდენ მუშაობის სპეციფიკურ თვისებებურებათა ცოდნას კი არა, იდეურ-პოლიტიკურ სიმწიფესა და მაღალ ზნეობრივ თვისებებსაც გულისხმობს. პროფესიონალიზმს საქმისადმი უზომო სიყვარული შობს, ხოლო ვისაც საქმე უყვარს, იგი იოლად ვერ შეეღევა საკუთარ ღირსებას და კოლექტივს სახელსაც თვალის ჩინივით უფრთხილდება.

იგივე შეიძლება ითქვას დისციპლინის როლისა და მნიშვნელობის შესახებაც. შეგნებული შრომითი დისციპლინის განმტკიცება სამინისტროს კოლეგიის, პოლიტგანყოფილებისა და პარტიული კომიტეტის ერთობლივი ზრუნვის საგანია. პრაქტიკა გვარწმუნებს, რომ სოციალისტური კანონიერების დარღვევები და სხვა ნეგატიური გამოვლინებები სწორედ იქ იჩენენ თავს, სადაც დისციპლინა მოიკოჭლებს. დამნაშავეთა წინააღმდეგ ბრძოლა კი თავისი სპეციფიკურობის გამო, პირადი შემადგენლობის მაღალორგანიზებულობას, მობილურობასა და ფიზიკური თუ სულიერი ენერჯის უკიდურეს დაძაბვას მოითხოვს.

დიდ იმედებს ვამყარებთ მოსახლეობის აქტიურ პოზიციასა და მხარდაჭერაზე. ამ შემთხვევაში მარტო დამნაშავეთა წინააღმდეგ ბრძოლაში თანადგომას როდი ვგულისხმობთ, მხედველობაში გვაქვს აგრეთვე მშრომელთა სიგნალები და კრიტიკული შენიშვნებიც. საზოგადოებრივი აზრი ჩვენთვის მუდამ იქნება მილიციის მუშაობის სასინჯი ქვა და ჯეროვან შეფასებასაც მივცემთ მას.

როდესაც მუშაობის ახლებურად გარდაქმნის მიზნით ჩვენს მიერ დასახული ორგანიზაციული ხასიათის ღონისძიებანი ყოველდღიური, პრაქტიკული საქმიანობის ნორმად იქცევა, შინაგან საქმეთა ორგანოების ბრძოლისუნარიანობაც მნიშვნელოვნად ამალღდება.



განვიხილო პერიოდში ბრძოლის მახვილი ძირითადად მიმართული იყო ქურდობისა და ქურდული ელემენტების წინააღმდეგ. საყოველთაოდ ცნობილია, თუ რა გამბრწყინებელი ზეგავლენას ახდენენ ე. წ. „კანონიერი ქურდები“ ახალგაზრდობის ერთ ნაწილზე. ამას გარკვეული მიზეზებიც აქვს. ჩვენ ხშირად გვსმენია: როგორ გინდა დაარწმუნო ახალგაზრდა, მოუწოდო წესიერებისაკენ, როცა ხედავს ქურდები უკეთ ცხოვრობენ ვიდრე პატიოსანი ადამიანები.

სწორედ აქ იმალება ყალბი რომანტიკის საიდუმლო, ხოლო ჩვენ წლებს მანძილზე ვერ შევძელით „კანონიერი ქურდების“ წინააღმდეგ ბრძოლისათვის პრინციპული, შემტევი და შეუქცევადი ხასიათი მიგვეცა. ამჟამად ვითარება მკვეთრად შეიცვალა. სხვადასხვა დანაშაულისათვის უკვე დაპატიმრებულია ათობით ე. წ. „კანონიერი ქურდი“. მათი აბსოლუტური უმრავლესობა სასჯელის მოსახდელად გაიგზავნა რესპუბლიკის ფარგლებს გარეთ, ჩვენი ქვეყნის ჩრდილოეთ და აღმოსავლეთ რაიონებში. ამ საკითხში ჩვენ კვლავ მკაცრი, შეურიგებელი პოზიცია გვიჭირავს. ადრეც გვითქვამს და ახლაც გავიმეორებთ: იქ, სადაც ქურდები დაუსჯელად დაპარაშობენ, მილიციის უფროსს არაფერი ეთქმის, ალბათ იგი არც თავის თანამდებობაზე უნდა იყოს.

ქურდული ტრადიციების წინააღმდეგ ბრძოლის საკითხი მჭიდროდ არის დაკავშირებული შრომა-გასწორების დაწესებულებების მუშაობის ავ-კარგთან. იყო დრო, როცა აქ მსჯავრდებულთა აღზრდა-გამოსწორება მხოლოდ შინაგან საქმეთა კომპეტენციად, მათ „შინაურ საქმედ“ ითვლებოდა. მინდა მადლიერების გრძნობით ვთქვა, რომ ამხ. ნუგზარ ფოფხაძის წერილებმა, რომლებიც გაზეთ „კომუნისტში“ გამოქვეყნდა (1982, 1985 წ.წ.), ამ „საჩოთირო თემას“ ტაბუ ახსნა და ფართო საზოგადოების სამსჯავროზე გამოიტანა.

რაგინდ მტკივნეულიც არ უნდა იყოს შრომა-გასწორების კოლონიებში არსებულ მრავალ დარღვევათა და გადაუჭრელ პრობლემათა სააშკარაოზე გამოტანა, მაინც მოხარული ვართ, რომ საზოგადოება დაინტერესდა, თუ როგორ ცხოვრობენ იქ ჩვენი „ცოდვილი ძმები“, რომლებიც ადრე თუ გვიან კვლავ უნდა დაუბრუნდნენ თავიანთ ოჯახებს. ამ საკითხის საჯარო განხილვით საქმემ მხოლოდ მოიგო.

აღმზრდელობითი მუშაობის ეფექტურობას შრომა-გასწორების დაწესებულებებში ხელს უშლიდნენ იქ მოკალათებული „კანონიერი ქურდები“. მომსახურე პერსონალთა დანაშაულებრივი წაყრუებით მათ მოახერხეს კიდევ თავიანთთვის პრივილეგირებული პირობების შექმნა და ლამის ხელში აიღეს მთელი ძალაუფლება.

დღეს უკვე თამამად შეიძლება ითქვას, რომ გატარებული ღონისძიებების შედეგად ეს ტრადიციები დაირღვა და თითქმის მთლიანად გაიწმინდა შრომა-გასწორებითი დაწესებულებები ასეთი პირებისაგან. ზოგიერთმა დროულად შეიგნო თავისი უსუსურობა და გამოსწორების გზას დაადგა, ხოლო სხვები, როგორც უკვე ითქვა, სასჯელის მოსახდელად რესპუბლიკის ფარგლებს გარეთ არიან გაყვანილნი.

შრომა-გასწორების დაწესებულებები საქართველოს კომუნისტური პარტიის ცენტრალური კომიტეტისა და რესპუბლიკის მთავრობის მუდმივი ყურადღებისა და მზრუნველობის ცენტრშია. დასახულია ღონისძიებათა მთელი კომ-

პლექსი, როგორც მსჯავრდადებულთა შრომით საქმიანობაში ჩასაბმელად, ასევე მათი საყოფაცხოვრებო პირობებისა და სამედიცინო მომსახურების გასაუმჯობესებლად. აღმზრდელი და კულტურულ-საგანმანათლებლო მუშაობის გარდასაქმნელად.

ვფიქრობთ, ამას გადაწყვეტი მნიშვნელობა აქვს რესპუბლიკაში ოპერატიული ვითარების შემდგომი გაჯანსაღებისა და რეციდიულ დანაშაულობათა თავიდან აცილების თვალსაზრისით.

ქურდული ტრადიციებისადმი ერთგულების დამღუპველ პრაქტიკასთან მჭიდრო კავშირშია აგრეთვე ისეთი საშიში სოციალური სენი, როგორც ნარკომანია. სწორედ ქურდები და უშრომელი შემოსავლით გაღატაკებული დანაშაულები არიან ნარკოტიკების უპირველესი მომხმარებლები. ეს მართლ იმიტომ კი არ ხდება, რომ იოლად მიუწვდებათ ხელი „შავ ბაზარზე“ ძვირადღირებული სასიკვდილო შხამისადმი, არამედ უფრო იმიტომ, რომ სოციალურად გადაგვარებულნი არიან, მათთვის უცხოა ყოველგვარი ადამიანური გაცდა და სინაზული, „ბედნიერებას“ მხოლოდ და მხოლოდ ამ ავადმყოფურ „სიამოვნებაში“ ჰპოვებენ. ახალგაზრდობის ის ნაწილი კი, რომელთაც სკოლამ და ოჯახმა ცხოვრების სწორი გეზი ვერ მისცა, „ქურდული რომანტიკისადმი“ ერთგულების ნიშნად სწორედ ნარკოტიკულ ნივთიერებებს ეტანებიან.

ამიტომ ვართ დარწმუნებულნი, რომ ქურდობისა და საერთოდ, ყოველგვარი არაშრომითი შემოსავლის წინააღმდეგ ბრძოლის საქმეში მოპოვებული წარმატებები ნარკომანიის საშიში სენის დაძლევაშიც დაგვეხმარება.

ბოლო დროს ნარკომანიის წინააღმდეგ ბრძოლა მეცნიერულ რეკონსტრუქციულად დადგა. ამას მოწმობს ამასწინათ ჩვენს დედაქალაქში გამართული საკავშირო თათბირ-სემინარი, რომელიც ამ საკითხებს მიეძღვნა. თუ ადრე ნარკომანიის წინააღმდეგ ბრძოლა ლოკალურად, ცალკეულ რეგიონებში მიმდინარეობდა, დღეს უკვე თვალნათლივ შეიმჩნევა მოკავშირე რესპუბლიკების შინაგან საქმეთა სამინისტროების ღონისძიებათა ურთიერთკოორდინაცია. გვჯერა, რომ ეს მუშაობა უთუოდ გამოიღებს დადებით შედეგებს.

დანაშაულობათა აღკვეთა-აცილების და პროფილაქტიკის გაუმჯობესებისათვის დიდი მნიშვნელობა ჰქონდა საბჭოთა კავშირის კომუნისტური პარტიის ცენტრალური კომიტეტისა და სსრ კავშირის მინისტრთა საბჭოს ცნობილ დადგენილებას ლოთობისა და ალკოჰოლიზმის წინააღმდეგ ბრძოლის ღონისძიებათა გაძლიერების შესახებ. ფაქტები ცხადყოფენ, რომ მომხდარ დანაშაულობათა უმეტესობა სწორედ სიმთვრალეშია ჩადენილი. მართალია, სტატისტიკის მიხედვით უკანასკნელ პერიოდში რამდენადმე შემცირდა ამ კატეგორიის დამნაშავე პირთა ხვედრითი წილი, მაგრამ რესპუბლიკის მთელ რიგ რაიონებში ჯერ კიდევ მაინც ვერ მოხერხდა გარდატეხის შეტანა ლოთობის წინააღმდეგ ბრძოლის საქმეში. იგივე შეიძლება ითქვას მუქთახორობასა და უმუშევრობაზე, რაც ლოთობასა და ალკოჰოლიზმთან ერთად, დანაშაულობათა ერთ-ერთი ძირითადი მასაზრდოებელია. ყოველივე ეს ცხადია, პროფილაქტიკური მუშაობის ნაკლოვანებებზე მიგვანიშნებს.

უნდა ითქვას, რომ საამისოდ ჩვენ ჯერ კიდევ სრულად ვერ ვიყენებთ უბ-



ნის ინსპექტორებს. როგორც ჩანს მათ მუშაობას ნამდვილად აკლია მიზანდასახულობა და სიმწვავე. ეს შეიძლება ნაწილობრივ იმითაც იყოს განპირობებული, რომ ბოლო წლებში, ექსპერიმენტის მიზნით, რამოდენიმეჯერ შეიცვალა უბნის ინსპექტორთა სამსახურებრივი დაქვემდებარება და ორგანიზაციული სტრუქტურა.

მეტად საპასუხისმგებლო და გაზრდილი ამოცანების წინაშე აყენებს შინაგან საქმეთა ორგანოებს სსრ კავშირის უმაღლესი საბჭოს პრეზიდიუმის ბრძანებულება „უშრომელი შემოსავლის მიღების წინააღმდეგ ბრძოლის გაძლიერების შესახებ“. ამ დიდმნიშვნელოვანი, სახელმწიფოებრივი ამოცანის წარმატებით გადაჭრა უშუალოდ არის დაკავშირებული სოციალისტური საკუთრების დატაცებისა და სპეკულაციის წინააღმდეგ ბრძოლის და არასაუწყებლო დაცვის სამსახურების მუშაობის ეფექტურობის შემდგომ ამაღლებასთან.

ბევრი რამ უკვე გაკეთდა ამ მიმართებით. არ დარჩენილა რესპუბლიკის თითქმის არც ერთი რეგიონი, სადაც არ გამოგვევლინებინოს სახელმწიფო ქონების დიდი ოდენობით დატაცების, მექრთამეობისა და სხვა მძიმე დანაშაულობათა ფაქტები. მიუხედავად ამისა, ბევრი რამ მაინც არ შეცვლილა. სამწუხაროდ, მთელ რიგ საწარმოებსა და ორგანიზაციაში კვლავ არიან მოკალათებულნი საქმოსნები და დაუსჯელად განაგრძობენ თავიანთ ბნელ საქმიანობას.

განსაკუთრებით არის დაზიანებული ამ მხრივ ობიექტები ადგილობრივი მრეწველობის, მსუბუქი მრეწველობის, საყოფაცხოვრებო მომსახურების, სოციალური უზრუნველყოფის და ვაჭრობის სამინისტროებში, აგრეთვე სხვა სფეროებში. რეგიონების მიხედვით მათ რიცხვს განეკუთვნება თბილისი, ქუთაისი, სოხუმი, ბათუმი, გორი, ზუგდიდი, ტყიბული, მაიაკოვსკი, თერჯოლა, ხაშური, თელავი, ქობულეთი, ჭიათურა, ბორჯომი, წულუკიძე და სხვ.

სოციალისტური საკუთრების დატაცების ყველაზე გავრცელებული ფორმაა ტექნოლოგიური პროცესების დარღვევით მასალების და ნედლეულის ხარჯვის ნორმების ხელოვნური გაზრდა, „ჭარბი პროდუქციის“ შექმნა, უსაქონლო ოპერაციები ე. წ. „მიწერები“ და სხვ. დანაშაული უმეტესად იქ ხდება, სადაც მოშლილია კონტროლი, არ იცავენ სტანდარტულ მოთხოვნებს, ირღვევა ბუღალტრული აღრიცხვის წესები, სათანადოდ არ არის დაცული სასაქონლო-მატერიალური ფასეულობანი, მოშლილია საშვთა სისტემა, მატერიალურ პასუხისმგებელ თანამდებობაზე იღებენ ნდობადაკარგულ პირებს და ა. შ.

მიუხედავად ბრძოლის გააქტიურებისა, ამ მხრივ ჯერ კიდევ სცოდავენ მთელი რიგი სამინისტროებისა და უწყებების ხელმძღვანელები. ზოგიერთს დღესაც ჰგონია, რომ სოციალისტური საკუთრების დაცვა მხოლოდ შინაგან საქმეთა ორგანოების ვალია. სინამდვილეში კი ყოველი უწყება მოვალეა თავად უზრუნველყოს ჯეროვანი წესრიგი დაქვემდებარებულ ობიექტებში. საამისოდ მათ საკმაო მაკონტროლებელი სამსახურებიც გააჩნიათ, მაგრამ ენერგიულ მოქმედებას ჯერჯერობით მხოლოდ მაღალფარდოვანი სიტყვები და დაპირებები ცვლის.

„დაე იცოდეს თითოეულმა ხელმძღვანელმა, — თქვა საქართველოს კომპარტიის ცენტრალური კომიტეტის პირველმა მდივანმა ჯ. ი. პატიაშვილმა ამასწინათ გამართულ პლენუმზე, — რომ დღეს, თუნდაც ყველაზე მაღალი ტრიბუნიდან გადმოსროლილი ვერავითარი დადებითი ეპითეტებით ვერ დაიფარავენ მათ ხვალ, თავიანთი საქმეების გამო პასუხისმგებლობისაგან.“

ჩვენი მიზანი სრულებითაც არ არის დასჯა, მთავარია გადავარჩინოთ ადა-

მიანი, ავაცილოთ იგი დანაშაულის მოლიბულ გზას, შევუნარჩუნოთ ოჯახს, საზოგადოებას. აქ კი ვადამწყვეტი სიტყვა შრომიტმა კოლექტივებმა, პარტიულმა და სამეურნეო ხელმძღვანელმა მუშაკებმა უნდა თქვან. ამისათვის საჭიროა მკვეთრად გარდაიქმნას მუშაობა, აგრეთვე, შინაგან საქმეთა სამინისტროს არასაუწყებო დაცვის სამსახურმა, საერთოდ, მკვეთრად გააქტიურდეს სისტემაში უშრომელი შემოსავლის წინააღმდეგ ბრძოლა.

ფაქტები მოწმობენ, რომ წვრილმან დატაცებათა შედეგად, სახალხო მეურნეობა ყოველწლიურად განიცდის მნიშვნელოვან ზარალს. 1985 წელს რესპუბლიკის 831 ობიექტზე წვრილმან დატაცებათა 8940 შემთხვევა გამოვლინდა. ზარალმა უზარმაზარი თანხა შეადგინა. დანაშაულს სხვებზე უფრო ხშირად აქვს ადგილი კვების მრეწველობის სისტემაში, აგროსამრეწველო კომპლექსში, ხორცისა და რძის, სამტრესტის, პურპროდუქტების საწარმოებში და სხვა უწყებათა ობიექტებში. ხშირია შემთხვევა, როდესაც დატაცება ხდება დაცვის მუშაკთა ხელშეწყობით, ზოგჯერ მათი მონაწილეობითაც კი.

აღბათ საფუძვლიანად უნდა გარდაიქმნას სახელმწიფო ავტონისპექციის მუშაობა. არ იქნა და ჯერ კიდევ არ აღიკვეთა ნასვამ მდგომარეობაში ავტომანქანის მართვის ფაქტები, რასაც მეტად მძიმე ტრაგიკული შედეგები მოსდევს. კვლავ მთელი სიმწვავეთ დგას საკითხი ავტონისპექციის მუშაკთა მორალურ-ზნეობრივი სიწმინდისა და პირადი შემადგენლობის კულტურული დონის ამაღლების შესახებ.

ყოველდღიურად მზარდი ავტომობილიზაციის პერიოდში, როცა ქუჩებისა და ტრასების გამტარუნარიანობა მკვეთრად ჩამორჩება მათი რეკონსტრუქციის ტემპებს, მოძრაობის უსაფრთხოება მხოლოდ დადგენილი წესების უმკაცრესი დაცვით უნდა განხორციელდეს. აქ თანაბრად ეკისრებათ პასუხისმგებლობა, როგორც მძღოლებსა და ფეხით მოსიარულეებს, ასევე ავტონისპექციის მუშაკებსა და ყველა დაინტერესებულ ორგანიზაცია-დაწესებულებებს.

საზოგადოებრივი წესრიგის განმტკიცების თანამედროვე ამოცანები ადმინისტრაციული ორგანოებისაგან მოითხოვს უფრო მჭიდრო, საქმიან კონტაქტებსა და ღონისიებათა ურთიერთკოორდინაციას, დროა რადიკალური გარდატეხა მოხდეს დანაშაულთან ბრძოლის საქმეში, სადაც ჩვენი ყველაზე საიმედო მოკავშირე და დასაყრდენი მშრომელი მოსახლეობა უნდა იყოს.

აღბათ მასობრივი ინფორმაციის საშუალებები, ლიტერატურისა და ხელოვნების მუშაკები კვლავაც იტყვიან თავიანთ კომპეტენტურ სიტყვას. დღეს ჩვენ გვჭირდება ჭეშმარიტად მაღალმხატვრული პროდუქცია, სადაც ქურდის, ნარკომანის, მკვლელის, მექრთამისა და მომხვეჭელის ზნეობრივი გადაგვარება და სულიერი სიღატაკე იქნება წარმოჩენილი. ამ საქმეში დიდ იმედს ვამყარებთ აგრეთვე ეურნალ „საბჭოთა სამართალზე“, რომელიც მიმდინარე წლის აგვისტოდან შინაგან საქმეთა სამინისტროს ორგანოც გახდა.

მართლწესრიგის განმტკიცების მთავარი და საიმედო გარანტია მაინც ის უდიდესი გარდაქმნები და სიახლეებისადმი დაუოკებელი სწრაფვაა, რასაც სკკა XXVII ყრილობამ დაუდო სათავე და რაც უკვე, იქცა კიდევ ყველა პატიოსანი კაცის ღვიძლ საქმედ.



საზოგადოებრივი კატეგორიის და უკატეგორიო მანეთების შესახებ

მიმდინარე წლის 2 ივნისს გაზეთმა „იზვესტია“ დაგეგმა სსრ კავშირის გენერალური პროკურის პ. რეკუპრაციის ინტერვიუ ამავე გაზეთის კორესპონდენტ ი. ფომინთან. საზოგადოებრივი კატეგორიის მტად ანტიკატეგორიული საკითხი — უკატეგორიო უკატეგორიის წინააღმდეგ ბრძოლის პრობლემებს და სსრ კავშირის უმაღლესი საბჭოს პრეზიდიუმის მიერ მიღებულ ახალ კანონმდებლობას.

მიმდინარე მთლიანად ვთავაზობთ „იზვესტიაში“ გამოქვეყნებულ ინტერვიუს.

— ახალი კანონები და კანონქვემდებარე აქტები უფრო ზუსტად აწესრიგებენ იმ სამართლებრივ თეორიებს, რომლებიც დავასა და ლაპარაკს იწვევენ. უწინარეს ყოვლისა პატივი მულო აღეკისნა, გვსურდა გავრკვეულიყო, თუ რა რა არის. გარდა „შრომითი-უკატეგორიული“ შემოსავლისა ხომ არის კიდევ წყვილი: „კანონიერი-უკატეგორიული“. ვთქვით, ლატარიით მოგება — შრომითი შემოსავალია? თითქოსდა არა, მაგრამ იგი სავსებით კანონიერია. ეს უბრალო ცნობისმოყვარეობა როდია. ჩანს, ცნებათა ზუსტ განსაზღვრას მნიშვნელობა აქვს სამართლებრივ ცნებებით, როგორც იურისტები ამბობენ, პრაქტიკისათვის. მნიშვნელოვანია მორალური შეფასებანიც. გაურკვევლობის გამო შეიძლება ვინმე მიადგეს პატიოსან კაცს, უკატეგორიო კი თავი დააღწიოს საზოგადოებრივი აზრის სამსჯავროს. მაგალითად, ცხოვრობს კაცი „ხელგაშლილად“, პაპის ანაბრების სავსებით კანონიერი პროცენტების ან ნათესავების საჩუქრების ხარჯზე. როგორ უნდა ვეკიდებოდეთ ასეთ კაცს?

თქვენი კითხვა გვიჩვენებს, თუ რაოდენ რთული და მრავალმხრივია ეს მოვლენა — უკატეგორიო შემოსავალი. თითქოსდა ყველაფერი მარტივია. სოციალიზმის ძირითადი პრინციპი თითოეულისაგან — უნარის მიხედვით, თითოეულს — შრომის მიხედვით! — ურყევია, კეთილსინდისიერი, ნაყოფიერი შრომა თითოეული ოჯახის კეთილდღეობის მთავარი წყაროა, მაგრამ აღამიანები ისწრაფვიან უკეთ ჩაიციან, დაიხურონ, შეიძინონ ძვირფასი ნივთები და ზოგიერთი იწყებს კიდევ შემოვლითი გზების ძებნას. უკატეგორიო შემოსავალი სერიოზულ პრობლემად გადაიქცა იმის შედეგად, რომ შესუსტდა საზოგადოებრივი დისციპლინა, რაც 70-იანი და 80-იანი წლების დამდეგს შეიმჩნეოდა.

ახლა კონკრეტულად. მეცნიერები სხვადასხვაგვარად განმარტავენ „უკატეგორიო შემოსავალს“. რა თქმა უნდა, ჯერ — ერთი, ცხადია, — ეს არის შემოსავალი ყოველი მართლსაწინააღმდეგო მოქმედებისაგან, და, მეორეც, ისეთი შემოსავალი, რომელიც მიღებულია ან საკუთარი შრომის გაუქვლად ან არსებითად აღებატება პირად შრომით დანახარჯებს. ხოლო ლატარიით მოგება, განძის პოვნა, ქონების მემკვიდრეობით მიღება, ჩუქება — ეს, დამეთანხმებით, კერძო შემთხვევებია, მათ კანონმდებლობა აწესრიგებს და მათზე არ არის ლაპარაკი.

უკატეგორიო შემოსავლის ძირითადი წყარო — ეს პირდაპირ და მკაფიოდ უნდა ითქვას — არის დანაშაულებრივი საქმიანობა: დატაცება, მექრთამეობა, სპეკულაცია, ფულის შეწერა და ა. შ.

ჩანდა ხაზი გავუსვა, ახალი კანონები მიღებულია პრაქტიკის, „მტკიცუნელი“ წერტილების ღრმა შესწავლის საფუძველზე. ესე იგი კანონები მიღებულია არა იმიტომ, რომ ვიღაცას ასე

მოესურვა, არამედ იმიტომ, რომ ისინი გამოწვეულია საზოგადოებრივი აუცილებლობით. მაგალითად, წელიწადში ვლინდება 250 ათასი შემთხვევა, როცა სახელმწიფო და საზოგადოებრივ სტრანსპორტო საშუალებებს იყენებენ არადანიშნულებისამებრ, ყველაზე ხშირად — ანგარებითი მიზნით. მეცნიერთა მონაცემებით, საბაღე სახლების დაახლოებით 40 პროცენტი აშენებულია სახელმწიფო ტექნიკის არალეგალური გამოყენებით. ავტომანქანის, ბულდოზერის, მარცხენა მუშაობის ერთ საათში გამოარჩენა შეადგენს საშუალოდ 50 მანეთს. სსრ კავშირის მეცნიერებათა აკადემიის ეკონომიკის ინსტიტუტის გაანგარიშებით, მარტო რუსეთის სფს რესპუბლიკაში წლის მანძილზე პირუტყვის აკმევენ 2,5 მილიონ ტონა პურს, იგი ჩვენში იაფია. იპარავენ ელექტროენერჯიას, გაზს, უკანონოდ იძენენ საშენ მასალებს, გავრცელდა აზარტული თამაშები. საზოგადოება ვერ შეურიგდება ამას.

ახალი ნორმების პრინციპული ხასიათი იმაშიც გამოიხატება, რომ ძლიერდება სახელმწიფო და საზოგადოებრივი კონტროლი შრომისა და მოხმარების ოდენობისადმი. ერთი შეხედვით, რა დამოკიდებულება უნდა ჰქონდეს უშრომელ შემოსავალთან ყბადაღებულ „გათანაბრებას“, წამატებებს, მთლიან ანაზღაურებას წუნისათვის და ა. შ.? არადა, ეს ხომ არამი ფულის წყაროა. რა თქმა უნდა, აქ გადამწყვეტ მნიშვნელობას იძენს არა სამართლებრივი საწყობები, არამედ სამეურნეო მექანიზმის სრულყოფა. მაგრამ ეს უკვე სხვა თემაა.

ზოგიერთისათვის, ვისაც „სარფიანი“ ადგილი უკავია, შემოსავლის ცნობილი წყაროა ფულის შეწერა, მექრთამეობა. არც ისე დიდხნის წინათ მღებულ იქნა სისხლის სამართლის კოდექსის შესაბამისი მუხლი. პირველ ხანებში „სასტუმროს ფანჯრებთან მსხდომი ქალი-შვილები“ და „რესტორნის კარებთან მდგომი ჭენტლმენები“, დღეიცაბის მფლობელები რაღაც შოკს განიცდიდნენ. მაგრამ მალე დამშვიდდნენ. ახალი სამართლებრივი ნორმები, თუ შეიძლება ასე ითქვას, მჭიდროდ უკავშირდება მექრთამეთა წინააღმდეგ მიმართულ საწყობებს. ხოლო თუ ის კანონი საკმაოდ ეფექტიანად არ მოქმედებს, იქნებ, ახლაც მხოლოდ ხმაურს ავტებთ?

წინათ არასოდეს ასე არ გამოკატრებულა ბრძოლა მექრთამეობის წინააღმდეგ. უზბეკეთსა და მოსკოვში, საქართველოსა და როსტოვში, ბევრ სხვა ადგილას ამხილეს მექრთამეები, რა მდგომარეობაც უნდა ჰქონოდათ მათ. ამ საშიშ დამანაშავეებს შეწყალება არა აქვთ და არც ექნებათ. ახალი კანონი აძლიერებს პასუხისმგებლობას მექრთამეებისას, რომლებსაც პასუხსაგები მდგომარეობა ეკავათ ან აიღეს ქრთამი განსაკუთრებით დიდი ოდენობით.

ფულის შეწერის საქმე, თუ გნებავთ, უფრო რთულია. ვერ ვიტყვი, რომ კანონმდებლობა საერთოდ არ მოქმედებს. არის, რა თქმა უნდა, საქმეები. მაგრამ პირდაპირ ვიტყვი — ერთეულები. და სულაც არა იმიტომ, რომ სამართალდაცვითი ორგანოები ჭეროვნად არ აფასებენ ბოროტების საშიშროებას. ყველაფერი გაცილებით მარტივია: ფულის შეწერის შესახებ ადამიანები თითქმის არ აცხადებენ. შეეჩვივნენ, ფიქრობენ, რომ სხვაგვარად ვერ იყიდი „დღეიცაბს“, ვერ შეაკეთებ ავტომანქანას, ვერ მიიღებ საჭირო წამალს. თითოეულ „ამღებს“, მით უმეტეს „მიმიცემს“, როგორც იტყვიან, ვერ მიუჩენ მილიციულს, აქ საჭიროა პირდაპირ თითოეულის შეურიგებლობა. სწორედ ამიტომ სკვპ ცენტრალურმა კომიტეტმა უმნიშვნელოვანეს ამოცანად დასახა დავრზმით პარტია და ხალხი ამ ბოროტების წინააღმდეგ საბრძოლველად. სპეკულანტების, მექრთამეების გარშემო უნდა შეიქმნას საყოველთაო ზიზღის ვითარება, სამართალდაცვითი ორგანოები კი უზრუნველყოფენ სასჯელის აუტდენლობას. საჯაროობაც საჭიროა ამ საქმეში. აი მაშინ უსაფუძვლო იქნება კამპანიურობის, ან, როგორც თქვენ ბრძანეთ, „ხმაურის“ შიში. მიაქციეთ, სხვათა შორის, ყურადღება. სკვპ ცენტრალური კომიტეტის დადგენილებაში წინააღმდეგ მიეცათ მთელ რიგ საკავშირო სამინისტროებსა და უწყებებს სსრ კავშირის მეცნიერებათა აკადემიისთან ერთად მოაწყონ უშრომელი შემოსავლის წინააღმდეგ ბრძოლის სოციალური, ეკონომიკური, სამართლებრივი და სხვა ასპექტების გაღრმავებული შესწავლა, გააფართოონ ამ საქმეში შრომითი კოლექტივების უფლებამოსილებანი, საჭიროების შემთხვევაში კი კვლავაც სრულყო კანონმდებლობა. როგორც ხედავთ კამპანიურობის ნასახიც კი არ არის.

— დაახ, ყველაფერი ეს სერიოზულად არის, მაგრამ, პატივცემულო აღიქვანდრე, თქვენ გენერალური პროკურორი ბრძანდებით, დაკისრებული გაქვთ უმაღლესი ზედამხედველობა კანონიერებისადმი. და იცით, რომ ყოველგვარ კონფლიქტურ საქმეში შესაძლებელია ნაკლოვანებები და გადახრები; ამას კი შეუძლია მხოლოდ სახელი გაუტეხოს კანონის მოქმედებას. ჩვენმა კორესპონდენტმა ამ ცოტა ხნის წინათ მოგაწოდა ინფორმაცია ასეთი „ბრძოლის ფორმის“ შესახებ. ქალაქში გამოკიდეს ყუთი (თუ ყუთები) და წინადადებით მიმართეს მო-

ქალაქებს ჩეშვათ იქ ბარათები ცნობებითურთ იმათ შესახებ, ვინც ხელგაშლილად ცხოვრობს. მართალია, წამოწევა შეწყვეტეს. მაგრამ რა შეიძლება მომხდარიყო, იგი რომ მოეწონებინათ? ვარდა იმისა, რომ დაბეზლება ჩირქს მოსცხებდა პატიოსან ადამიანებს, იგი გააუკუღმრთებდა ნამდვილი გაიძვერების წინააღმდეგ აშკარა, პატიოსანი, სამართლიანი ბრძოლის იდეას. ალბათ, სწორედ საპროკურორო ზედამხედველობა უნდა დაუპირისპირდეს ამგვარ „ზედმეტობებს“. რაც უნდა იყოს „უდანაშაულობის პრეზუმციის“ პრინციპი ურყევი რჩება.

— რა თქმა უნდა, ყოველგვარი „შავი ყუთები“, მოწოდებანი საყოველთაო შემოწმებებისათვის და სხვა ამგვარი რამ დაუშვებელია. მართალი ბრძანდებით, ბრძოლა უშრომელი შემოსავლის წინააღმდეგ უნდა წარმოებდეს კანონიერების უმკაცრესი დაცვით. „...უშრომელი შემოსავლის აღკვეთისას არ უნდა დავუშვათ, რომ ჩრდილი ადგებოდეს იმათ, ვინც პატიოსანი შრომით იღებს დამატებით შემოსავალს“, — ასე ჩამოყალიბდა ამოცანა XXVII ყრილობაზე. პოლიტიკურ მოხსენებაში. და საპროკურორო ზედამხედველობა, რომელიც ხორციელდება, მიუხედავად რაიმე ადგილობრივი თუ უწყებრივი გაგლენისა, უნდა იყოს მოქალაქეთა უფლებების დარღვევის, პატიოსანი ადამიანებისათვის სახელის გატეხის თავიდან აცილებისა და აღკვეთის მტკიცე გარანტია.

არც ისე დიდი ხნის წინათ ყველა მოკავშირე რესპუბლიკაში გაძლიერდა სისხლისსამართლებრივი პასუხისმგებლობა ცილისწამებისათვის. ყოველი სიგნალი, ყოველი განცხადება უშრომელი შემოსავლის შესახებ მოწმდება კანონით დადგენილი წესით. თუ საქმე ეხება უშრომელ შემოსავალს, კომპეტენტურმა ორგანოებმა უნდა გაარკვიონ მოქალაქის ბრალი, მხოლოდ ამის შემდეგ შეიძლება დადგეს სამართლებრივი შედეგები. პროკურორები ვალდებული არიან უზრუნველყონ კანონიერების უმკაცრესი დაცვა უშრომელი შემოსავლის წინააღმდეგ ბრძოლის გაძლიერების ღონისძიებითა განხორციელების დროს. აქ, რა თქმა უნდა, საჭიროა განუხრებლად ვიცავდეთ „უდანაშაულობის პრეზუმციის“ პრინციპსაც და გადაჭრით აღკვეთავდეთ ყოველგვარ ბიუროკრატიულ დამახინჯებასაც.

— ახალი კანონები დევნიან უშრომელ შემოსავალს. მაგრამ ხომ არავის ეკრძალება ბევრი ფული გამოიმუშავოს: კი არ გამოძალოს, კი არ წაგლიჯოს, არამედ სწორედ რომ გამოიმუშავოს პატიოსანი მანქით. დიდი ფულით თავისთავად კანონის წინაშე სამრახისი არ არის. ასეა ხომ? და მაინც, მაგალითად, თვალშისაცემად მორთულ-მოკაზმული, სვეტებიანი სახლი, საოცრად მოვლილი ნაკვეთი აღმაცერად ყურებას იწვევს — „კულაკი ცხოვრობსო“. აღმაცერად ყურებიდან კი შორს არ არის „აზრამდე“, იქ კი — „ზომების შიღებადღეც“. არის აგრეთვე ფაქტები, როცა ადგილობრივი ხელისუფალნი სახელს უტეხავენ არსებითად გამარჯვ, მუყაით ადამიანებს. როგორც ჩანს, აქაც პროკურორმა უნდა დააცხროს ვნებათაღელვა, თორემ მოქალაქეს მართო მოუწევს ბრძოლა თავისი უფლებისათვის. და ყოველთვის როდი გამოდის ამ ბრძოლიდან გამარჯვებული.

— ვუშვებთ, რომ ასეთი შემთხვევები არის ხოლმე. მაგრამ ჩვენ ვლაპარაკობთ უფლებებზე და არა ფაქტზე. უფლება კი ამბობს: არაფერი სამარცხვინო და მით უმეტეს კანონსაწინააღმდეგო არ არის იმაში, რომ კაცი ბევრ ფულს გამოიმუშავებს, რომ წარმოებაში კეთილსინდისიერი მუშაობის შემდეგ ნაკვეთში შრომობს, დამატებით შემოსავალს იღებს.

მუშავდება კანონი ინდივიდუალური შრომითი საქმიანობის შესახებ. მისი არსი ის კი არ არის, რომ აკრძალოს ეს საქმიანობა, არამედ, პირიქით, განავითაროს იგი. კანონი იმიტომ გეჭირდება, რომ დღემდე ბევრი რამ აქ მოუწესრიგებელია, არ არის ჭეղოვანი კონტროლი. სარგებლობს რა ამით, ზოგიერთი პირი უზომოდ დიდ ფასს ადებს მომსახურებას. საჭიროა ასეთ პირთა აღრიცხვის ზუსტი წესი, დაბეგვრის სისტემა. ვადასახალი და კონტროლი ხელს შეუწყობს ინდივიდუალურ შრომითს საქმიანობას. გავიმეორებ: ყველა გაუგებრობა და დარღვევა, რომელთა შესახებ თქვენ ლაპარაკობთ, გამოწვეულია არა კანონის სიმკაცრით, არამედ კუთხურობის, ბიუროკრატიზმის, ზოგჯერ კი თვითნებობის გამოვლინებით, რომლებიც ჭერ კიდევ გვხვდება.

— ხომ არ ეხება ეს აგრეთვე საკარმიდამო ნაკვეთს, მებაღეობის კოოპერატივებს და ა. შ.? წარმოვიდგინოთ ასეთი სურათი: მავანმა თავისი მესხედები ნამდვილ სამრეწველო საწარმოდ გადააქცია; სათხურებში ყვავილები მოჭყავს და ბაზარზე ვაჭრობს. ვიცი შემთხვევა, როცა ფხიანი მოქალაქე რაღაც ბალახს ზრდიდა, ცოცხებს აკეთებდა და სახელმწიფო საწარმოს აბარებდა — ბევრ ფულს იღებდა, ესეც აღმაცერად ყურებას იწვევს. მაგრამ შემოსავალი ხომ შრომითია, თითქოსდა კანონიერი?

— სიგნალები, რომ მოქალაქენი თავიანთ პირად დამხმარე მეურნეობას არსებითად სა-საქონლო წარმოებად აქცევენ და დიდ შემოსავალს იღებენ, პროკურატურის ორგანოებშიც მოდის. იყო წინადადებანი შეზღუდვის შესახებ. დასასაბუთებლად მოჰყავდათ, მაგალითად, მონაცემები, რომ ზოგიერთ მფლობელს სასოფლო-სამეურნეო კულტურები მოჰყავს არა თავისი მოთხოვნებისათვის, არამედ ბაზარში გასატანად. კერძოდ, საქმე ეხებოდა კვალ-სათბურებსა და სათბურებს, ყვავილებსა და სორგოს, ხენდროსა და კიტრს. იმოწმებდნენ იმას, რომ იგივე კიტრის რეალოზაციას მეტი შემოსავალი მოაქვს, ვიდრე ქარხანაში თუ კოლ-მეურნეობაში მუშაობას.

მაინც მინდა ხაზგასმით აღვნიშნო: დამხმარე მეურნეობის პროდუქციის მოყვანას საფუძ-ვლად უღვევს შრომა, თანაც მძიმე სამუშაოსაგან თავისუფალ დროს, ოჯახის წევრთა მონა-წილეობით, პირადი სახსრების გამოყენებით. ამიტომ, არა მგონია, მიზანშეწონილი იყოს შიშველი აკრძალვები. სხვა საქმეა, რომ არიან ნაკვეთების მფლობელები, რომლებიც თავს ანებებენ წარმოებას ან ეწყობიან სამუშაოზე თვალის ასახვევად. ეს დაუშვებელია, კანონით გათვალისწინებულია, რომ მიწის ნაკვეთები მოქალაქეებს სარგებლობისათვის ეძლევათ, რო-გორც წესი, საზოგადოებრივ წარმოებაში მათი მონაწილეობის გათვალისწინებით. ამიტომ პირველად მიწათმოსარებლებს (კოლმეურნეობები, საბჭოთა მეურნეობები), ადგილობრივი საბჭოების აღმასკომებს უფლება აქვთ ასეთ შემთხვევებში ჩამოართვან ნაკვეთი. სათბურების, სხვა მსგავსი ნაგებობების ოდენობა და გამოყენების წესი რეგულირებულია მოკავშირე რეს-პუბლიკების კანონმდებლობით. ასე რომ, სამართლებრივი ზემოქმედების ბერკეტები, ჩემი აზ-რით, საკმაოდ არის.

გარდა ამისა, არ შეიძლება არ აღინიშნოს, რომ საკოლმეურნეო ბაზრებში აშკარად გაზ-რდილი ფასებით პროდუქციის მყიდველებს ხშირად სთავაზობენ არა მისი მწარმოებლები, არამედ გადაამყიდველ-სპეკულანტები. მათ წინააღმდეგ ბრძოლა ძლიერდება. დადგენილია სა-კოლმეურნეო ბაზრებში პროდუქციის რეალოზაციით დასაქმებულ პირთა აღრიცხვის წესი, გაფართოვდა ბაზრების აღმინისტრაციის უფლებანი და გაძლიერდა მისი პასუხისმგებლობა სპეკულაციის, უშრომელი შემოსავლის მიღების სხვა ფორმების თავიდან აცილებისა და აღკ-ვეთის საქმეში. გათვალისწინებულია აგრეთვე ღონისძიებანი, რათა გაფართოვდეს ვაჭრობა ბაზრებში, რომელსაც ეწყვიან კოლმეურნეობები, საბჭოთა მეურნეობები და სამომხმარებლო კოოპერაცია.

— ერთნი იმათაგან, ვინც ბევრ ფულს გამოიმუშავენ, „მოშაბაშენი“ არიან. მსმენია ასეთი ლაპარაკი: აი დააკანონებენ ამ დროებით სამშენებლო ბრიგადებს, დაადგინენ ხელშეკ-რულებათა დადების, ანაზღაურების, მუშაობის რეჟიმის ისეთ წესს, რომ დაიკარგება ბევრი ფულის გამოიმუშავების შესაძლებლობა. ერთი სიტყვით, პატივცემული ალექსანდრე, ისე ხომ არ მოხდება, რომ აღამიანები დაკარგავენ ინტერესს „თავისუფალი დაქირავებით“ მუშაობი-სადმი?

— პირდაპირ გეტყვით, გარესაშოვარზე მოსიარულების, როგორც თქვენ ამბობთ, „მო-შაბაშეების“ ბრიგადები ხშირად შევლიან ხოლმე კოლმეურნეობებსა და საბჭოთა მეურ-ნეობებს სამშენებლო სამუშაოებში, მოსავლის აღებასა და სხვა შემთხვევებში. ბუნებრივია, აღამიანები ცდილობენ ბევრი ფული გამოიმუშაონ. ისინი ობიექტებს აბარებენ სავსებით გამ-ზადებულს, ხელფასი საბოლოო შედეგის მიხედვით ეძლევათ, ესე იგი აკორდულად. არაფერ არ აპირებს შეზღუდოს მათი შრომა და ანაზღაურება. დროებითი სამშენებლო ბრიგადების მუ-შაობის მოწესრიგების აუცილებლობა დაკავშირებულია სხვა გარემოებებთან. უბედურება ის არის, რომ ამ საქმეში სტიქიურობითა და ანარქიით ხშირად სარგებლობენ საქმოსნები უშ-რომელი შემოსავლის მიღებისათვის, კერძომეწარმეობითი საქმიანობისათვის. ისინი ქრთამით აღწევდნენ შრომის ანაზღაურების აშკარად უკანონო პირობებს, ფონდირებული მასალების გაცემას, სწადიოდნენ სხვადასხვა ბოროტმოქმედებას. სუმის ოლქში ერთ-ერთ ასეთ ბრიგა-დას სათავეში ჩაუდგნენ ნამდვილი დამნაშავენი, რომლებსაც ნიჩაბიცი კი არ სუკრიათ ხელში. სამუშაოთა მოცულობის ხელოვნურად გაბერვის გზით იტაცებდნენ ფულად სახსრებს; შეიქ-მნა სპეციალური ფონდი ქრთამის მისაცემად დეფიციტური და ფონდირებული მასალების გაცემისათვის. დანაშაულში ჩაითრიეს ათობით კაცი. მითხარით, შეიძლება განა შეეპურიგდეთ ასეთ რამეს? უნდა გამოვირიცხოთ მსგავსი ბოროტმოქმედება. მაგრამ ამავე დროს ყოველ-გვარი თვითნებობისა და ექვიანობისაგან უნდა დავიცვათ ისინი, ვინც გადაწყვიტა თავისი შეგებულების დროს შეავსოს ოჯახის ბიუჯეტი.

— სასურველი იქნებოდა დაგვეზუსტებინა, რანაირად წარადგინენ დეკლარაციას შემოსავლის შესახებ. და რაც მთავარია, ვინ და როგორ განახორციელებს კონტროლს ცნობების სისწორისადმი? ხომ არ შეეჭმნით კიდევ მთელ მრავალრიცხოვან აპარატს? ხმები დეკლარაციების შესახებ უკვე დიდი ხანია გავრცელდა. და ისმის კითხვა: ხომ არ იბღალღება ამით მოქალაქეთა უფლებანი? სიტყვები — „პატიოსან კაცს არ უნდა ეშინოდესო“ — სწორია, რა თქმა უნდა. მაგრამ მაინც ეს ემოციური შეფასებაა. რას ეფუძნება ასეთი ღონისძიების სამართლიანობა სამართლის თვალსაზრისით?

— სსრ კავშირის მინისტრთა საბჭოს დადგენილებით „უშრომელი შემოსავლის წინააღმდეგ ბრძოლის გაძლიერების ღონისძიებათა შესახებ“ დაწესებულია, რომ მოქალაქენი, რომლებიც ღებენ 10 ათას მანეთზე მეტი თანხის გარიგებებს, აგრეთვე აშენებენ 20 ათას მანეთისაზე მეტი ღირებულების საცხოვრებელ სახლს (აგარაკს), ვალდებული არიან საფინანსო ორგანოს წარუდგინონ დეკლარაცია სახსრების წყაროების შესახებ. ეს უნდა კეთდებოდეს აგრეთვე აღმასკომის ან პროკურორის მოთხოვნით. არის წინადადება, რომ მოქალაქეთა ინდივიდუალური შრომითი საქმიანობის შესახებ კანონში, რომელიც ახლა მუშავდება, გათვალისწინებულ იყოს აგრეთვე დეკლარაცია შემოსავლის შესახებ. დაწესებულია ადმინისტრაციული და სისხლისსამართლებრივი პასუხისმგებლობა შემოსავლის დაფარვისათვის ან არასარწმუნო ცნობების წარმოდგენისათვის.

მოსახლეობის შემოსავლისადმი სახელმწიფო კონტროლის ასეთი ფორმა ჩვენს ქვეყანაში პირველად იქნება გამოყენებული. მაგრამ იგი საერთოდ ახალი არ არის, და მთელ რიგ სოციალისტურ ქვეყნებში ფართოდ გამოიყენება. და ეს არანაირად არ არის დაკავშირებული მოქალაქეთა რაიმე უფლების შეზღუდვასთან. ხომ არავინ არ რჩება ნაწყენი, როცა მის ხელფასს აღრიცხავენ და ბეგრავენ საშემოსავლო გადასახადით. არავითარი სპეციალური აპარატი დეკლარაციის უტყუარობის შესამოწმებლად არ შეიქმნება. საფინანსო და სამართალდაცვითი ორგანოები დაეკუბები შემთხვევაში შემოწმებას განახორციელებენ კანონით დადგენილი წესით.

— ახალ კანონში ნათქვამია, თუ როდენ საჭიროა მატერიალურ ფასეულობათა პირველადი აღრიცხვა, აგრეთვე კონტროლის კარგი დაყენება. მაგრამ ზოგჯერ რას ხედავს კაცი. უამრავ ზედნადებებს, ანგარიშებს, გატარებას, ჩანაწერებს დავთრებსა და უურნალებში; დაუსრულებელ ანგარიშგებლობას. მატერიალური ფასეულობანი კი მშვიდად მიედიანებიან განზე. ხდება, როცა საწარმოს თუ კოლმეურნეობას არსებითი ზარალი ადგება, დამნაშავეები კი ადვილად დაიძვრენ ხალხე თავს. კონტროლიორები და კომისიები ხომ მრავლის უმრავლესია. კიდევაც რომ გამოვიცხვით მათი შესაძლო უპატიოსნობა, სულ ერთია — მოგვიტანს კი სარგებლობას კონტროლიორთა სიმრავლე?

— ერთ-ერთი უმნიშვნელოვანესი საკითხი, რომელზეც დამოკიდებულია უშრომელი შემოსავლის წინააღმდეგ ბრძოლის წარმატება, არის აღრიცხვა და კონტროლი. ბოლო წლებში იხვეწებოდა საუწყებო და არასაუწყებო კონტროლის სამსახურების: სტრუქტურა, ხელფასი მოემატათ მათ მუშაკებს, ხორციელდებოდა სხვა ღონისძიებანი. მაგრამ სათანადო უკუგება ჯერ-ჯერობით არ არის. კვლავინდებურად მრავალი რევიზია და შემოწმება ზერელედ ტარდება, დანაკარგებს, დატაცებებსაც კი თითქოსდა „ვერ ამჩნევენ“. ყვილ-ორდის ოლქის საბჭოთა მეურნეობა „ტარტუგაისკის“ სარქალს მახანოვს ათჯერ დაუთვალეს ცხვრის სულადობა, მაგრამ 114 სული პირუტყვის დანაკლისი მაინც ვერ აღმოუჩინეს. სასაცილოა: კონტროლიორებსა და რევიზორებს ასამდე დათვლა არ შეუძლიათ.

სსრ კავშირის მინისტრთა საბჭო ახორციელებს ღონისძიებებს, რათა რაც შეიძლება მალე დაინერგოს პირველადი სააღრიცხვო დოკუმენტაციის ტიპობრივი ფორმები, რომელიც უზრუნველყოფს ნედლეულის, მასალებისა და სათბობის უფრო სარწმუნო აღრიცხვას. ეს მუშაობა შექმნის წინამძღვრებს იმისთვისაც, რომ გაძლიერდეს კონტროლი. მაგრამ მართო ეს არ კმარა. ამ მუშაობაში საჭიროა შეთანხმებულობა, მეცადინეობის კოორდინაცია. ახლა უკვე დაგროვილია გარკვეული გამოცდილება. კერძოდ, სსრ კავშირის პროკურატურამ მაკონტროლებელი უწყებების ხელმძღვანელ მუშაკებთან ერთად გამართა საკოორდინაციო თათბირები კომპლექსურ ღონისძიებათა შესამუშავებლად. მაგრამ ეს მხოლოდ პირველი ნაბიჯებია. ყველა სახელმწიფო ორგანოს საკონტროლო საქმიანობის კოორდინაციის საკითხი მომწიფდა. სამართლიან საყვედურს იწვევს შემოწმებათა მრავალრიცხოვნობა, დუბლირება, ბევრი ადამიანის

მოწყვეტა საქუთოსაგან შემოწმებულათვის ცნობების შესადგენად. ასეთი ვითარება არ შეიძლება არ გვაწუხებდეს. სსრ კავშირის პროკურატურა და ქვემდგომი პროკურორები მოწოდებული არიან უპირველეს ყოვლისა თვალყურს ადევნებდნენ კანონების განუხრებელ შესრულებას სახელმწიფო კონტროლის ორგანოთა საქმიანობაში.

ამასთან დაკავშირებულია ზარალის ანაზღაურების პრობლემაც. სამწუხაროდ, ახლა ის ზარალიც კი, რომელსაც დანაშაულებანი გვაყენებენ, სრულად როდი ნაზღაურდება. სსრ კავშირის ცენტრალური სტატისტიკური სამმართველოს მონაცემებით, ერთ წელიწადში წარმოების დანახარჯებზე ჩამოიწერა 70 მილიონ მანეთზე მეტი ზარალი, რომლის ზღვევინება წინათ ბრალეულ პირებს ჰქონდათ დაკისრებული. ზოგიერთ დარგში ჩამოიწერება ოთხ მეხუთედამდე ზარალი. ამასთან დაკავშირებით მოქმედი კანონმდებლობა განიცდის არსებით ცვლილებებს, მკაცრდება მატერიალურ ფასეულობათა ჩამოწერის წესი, იზრდება თანამდებობის პირთა პასუხისმგებლობა ამ საკითხზე მიღებული გადაწყვეტილებებისათვის.

ზოგიერთ წარმოებაში უპატიოსნო ადამიანებისათვის „ხელსაყრელი“ დაკლებული ფასეულობები ანაზღაურონ საცალო ფასით, შემდეგ კი მამასისხლად გაყიდონ. ამ ნიადაგზე ხდება ავტომობილების სათადარიგო ნაწილების დატაცება. გარდა პირდაპირი ზარალისა, ეს ფუჭვას მიწოდებს. ამის გამო ცდება ტექნიკა და მოწყობილობა. ამიტომ სამართლიანია, რომ ახლა დამტაცებლებს მთელ რიგ შემთხვევებში დაეკისრებათ გადიდებული მატერიალური პასუხისმგებლობა, მოუწიეთ ზარალი ანაზღაურონ ჯერადი ოდენობით. უნდა მოგახსენოთ, ბოლო დროს პროკურატურამ შესამჩნევად გააქტიურა თავისი მეცადინეობა ამ მიმართულებით. ნ წელიწადში ზარალის ანაზღაურების შესახებ პროკურორთა სარჩელების რიცხვი ერთიორად გაიზარდა.

— ეგრეთ წოდებული ხელმრუდენი არსებით ვნებას გვაყენებენ. ცხადია, სანქციების გაძლიერება კარგ დღეს არ დააყრის იოლი გამდიდრების მოყვარულთ. მაგრამ ზოგიერთები უფრო ვაჭაფულად იმოქმედებენ. საიდუმლო არ არის, რომ ბევრნი პირს კრავენ დაცვათან. გვა ნათელია: სამართალდაცვითს ორგანოებს კავშირი უნდა ჰქონდეთ დამყარებული კოლექტივებთან, ამხანაგურ სასამართლოებთან, რაზმელებთან, სახალხო კონტროლიორებთან. მაგრამ იცით, პატივცემულო ალექსანდრე, ამბობენ, საქმეში პრინციპის გამოყენება თვით პრინციპზე უფრო მნიშვნელოვანიაო. როგორ წარმოადგენიათ ასეთი კავშირის პრაქტიკული განხორციელება?

— წვრილმანი დატაცებანი განსაკუთრებით ფართოდ გავრცელდა სოფლის მეურნეობაში, მსუბუქე, კვების, ხორცისა და რძის მრეწველობაში, სამშენებლო ორგანიზაციებში. მიზნები უწინარეს ყოვლისა იმაში უნდა ვეძებოთ, რომ მიშვევთლია აღრიცხვა. ადგილი აქვს წაყრუებასაც. ხელმრუდი უბრალო ანგარიშით მოქმედებს: დამიჭერენ (თუ დიჭირეს), დამტუქსავენ, დიდი-დიდი ოციოდე მანეთით დამაჯარიმონო. გასული წლის ნოემბერში ტალინის საკონდიტრო ფაბრიკა „კალევიში“ წვრილმანი დატაცებისათვის დააკავეს გამმართველი ისაკი: გამოირკვა, რომ იგი თურმე დატაცებებს ეწოდა... 14 წელიწადს! იტაცებდა შოკოლადს, სპირტს, კონიაკს, საღებურებს, ერთი სიტყვით, ყველაფერს, რაც ცუდად იღო. გაჩხრკისას მას ჩამოართვეს 100 ათასი მანეთის ნაქურდალი ფასეულობანი. საკითხავია, სადღა იყვნენ ხელმძღვანელები, საზოგადოებრივი ორგანიზაციები, საუწყებო კონტროლი, დაცვა, თანამოსაქმე ამხანაგები?

ნუ გავივებთ ამ კითხვას როგორც რიტორიკულს. საჭიროა სამართალდაცვითი ორგანოების, შრომითი კოლექტივების, საზოგადოებრივი ორგანიზაციების უღარესად მჭიდრო კონტაქტი. პროკურორებსა და გამომძიებლებს მიზნად ვუსახავთ იმას, რომ მათ, როგორც წესი, შემოწმებისა და გამომძიების შედეგები გამოჰქონდეთ, შრომითი კოლექტივების განსახილველად. ასეთი პრაქტიკა მკვიდრდება. რაც შეეხება წვრილმანი დატაცებათა წინააღმდეგ ბრძოლის სამართლებრივ საშუალებებს, ახალი კანონმდებლობით გათვალისწინებულია 200 მანეთამდე ჯარიმა, აგრეთვე ის, რომ, ამასთან ერთად, ბრალეულ პირებს არ მიეცემათ არც ერთი სახეობის პრემია, ჯილდო წლიური მუშაობის შედეგების მიხედვით და სხვა შეღავათები. საჭიროა, რომ გამაფრთხილებელი, აღმზრდელობითი და სამართლებრივი ღონისძიებების მთელი სისტემა მოქმედებდეს საიმედოდ და შეუფერხებლად.

— უშრომელი შემოსავლის წინაღმდეგ ბრძოლის პასუხსაგები ამოცანები აქვთ დასახული სამართალდაცვითს ორგანოებს, საპროკურორო ზედამხედველობას. ნაწილობრივ თქვენ ამის შესახებ უკვე ილაპარაკეთ. და მაინც, როგორ მიმდინარებს საპროკურორო ზედამხედველობის როლისა და ეფექტიანობის გადაჭრით ამაღლების შესახებ ყრილობის გადაწყვეტილებათა შესაბამისად მუშაობის გარდაქმნა, რით გამოიხატება მისი მიზანმიმართულობა?

— ახლა მთავარი ის ვახლავთ, რომ მოქალაქეებს შევავნებინოთ მიღებული დოკუმენტების მთელი მნიშვნელობა და არსი. დადგა აქტიური, შეტევითი მოქმედების დრო. კერძოდ, ასევე უნდა ვიმოქმედოთ უშრომელი შემოსავლით მცხოვრებ პირთა წინააღმდეგ ბრძოლის დროს საბჭოთა კანონების მთელი ძალით გამოყენებაში, მექრთამეების, ხაზინის ქურდების დასჯის აუცილებლობის პრინციპის განხორციელებაში. ყოველივე ეს მოითხოვს თვისებრივად ახალ დონეზე პროკურატურის მუშაობის აყვანას.

დღის წესრიგში მწვავედ დადგა სოციალური სამართლიანობის, კანონთა ერთიანობის, კანონიერების საყოველთაო აუცილებლობის, მოქალაქეთა კონსტიტუციური უფლებებისა და მოვალეობების ურყევობის საკითხები. ეს პრობლემები თავისი არსით შეადგენს სწორედ პროკურატურის საქმიანობის ძირითად საგანს. მოქალაქენი სამართლიანად მიაპყრობენ ყურადღებას იმას, რომ სუსტად წარმოებს ბრძოლა კუთხურობისა და უწყებრიობის წინააღმდეგ, რომ ზოგიერთი პროკურორი გაუბედაობას იჩენს საერთო-სახელმწიფო ინტერესების დაცვაში. ბევრი რამ იცვლება უკეთესობისაკენ, უფრო სრულად გამოიყენება პროკურატურის უმაღლესი ზედამხედველობის შესაძლებლობანი. ხომ მოხერხდა მთელ რიგ ადგილებში წესრიგი დამყარებულიყო საწვავ-საპოხი მასალების ხარჯვაში; შედეგიანი იყო მუშაობა, ვთქვათ, ვოლგის საავტომობილო ქარხანაში, სადაც შეძლეს მნიშვნელოვნად შეემცირებინათ დატაცების, უყაირათობის, ბორცტოქმედების შემთხვევათა რიცხვი. ამისათვის საჭირო გახდა უარის თქმა სვეულ სქემებზე, სტერიოტიპულ მიდგომაზე.

გარდაქმნა მიმდინარეობს. მაგრამ ზოგჯერ მხოლოდ „ღონისძიებათა“ გაძლიერებისა და გაფართოების თვალსაზრისით. გარდაქმნა კი უწინარეს ყოვლისა უნდა მოხდეს მუშაობის სტილში, საქმისადმი თითოეული პროკურორისა და გამოძიებლის დამოკიდებულებაში. მხოლოდ ასეთნაირად შევასრულებთ პარტიის XXVII ყრილობის გადაწყვეტილებებს, რომელმაც ხანგრძლივი პერიოდისათვის განსაზღვრა ჩვენი ამოცანები.

ბაზ. „იზვესტია“, 1986 წლის 2 ივნისი

ნიურნბერგის დაპინჯება არ შეიძლება

აკაკი აბრანაძე,

საქართველოს სსრ უმაღლესი სასამართლოს თავმჯდომარე

1985 წლის 23-24 ნოემბერს ნიურნბერგში (გერ) ჩატარდა საერთაშორისო კონფერენცია „ნიურნბერგის პროცესის 40 წელი“, რომელშიც მსოფლიოს მრავალი ქვეყნის 400-ზე მეტმა დელეგატმა მიიღო მონაწილეობა. აქ იყვნენ ცნობილი პოლიტიკური, სახელმწიფო და საზოგადო მოღვაწეები, მინისტრები, თვალსაჩინო იურისტები, მსოფლიოს წამყვანი საინფორმაციო სააგენტოების პოლიტიკური მიმომხილველები.

ამ მოვლენას მკაფიო ისტორიული კოლორიტი და მემკვიდრეობითობის დამახასიათებელი ელფერი შესძინა კონფერენციის მსვლელობაში ნიურნბერგის პროცესის უშუალო მონაწილეთა: ამერიკის შეერთებული შტატების მთავარი ბრალმდებლის მოადგილის რობერტ კემპნერის, ამერიკის დელეგაციის იურიდიული მრჩევლის ჯონ ფრიდის და დიდი ბრიტანეთის მეფის მრჩევლის ჯონ პლატს-მილზის აქტიურმა მუშაობამ.

საბჭოთა დელეგაციის შემადგენლობაში, რომელსაც სსრ კავშირის გენერალური პროკურორის მოადგილე ს. შიშკოვი მეთაურობდა ამ სტრუქტურების ავტორიც გახლდათ.

კონფერენციის დარბაზში იყვნენ აგრეთვე ფაშისტური საკონცენტრაციო ბანაკების ყოფილი ტუსაღები, ევროპის სხვადასხვა ქვეყნების წინააღმდეგობის მოძრაობის მონაწილენი, ნაციზმის დროს დევნილ პირთა გაერთიანებებისა და ორგანიზაციების წარმომადგენლები, მშვიდობისათვის, განიარაღებისა და ხალხთა მეგობრობისათვის მებრძოლი ახალგაზრდული პაციფისტური ორგანიზაციების აქტივისტები.

კონფერენციას იმ რეაქციული ძალების წარმომადგენლებიც ესწრებოდნენ, რომლებიც მილიტარიზმისა და რევანშიზმის, ომისშემდგომი ევროპის პოლიტიკურ რეალობათა არცნობის პოზიციებს ადგანან. მათ ყოველნაირად, მაგრამ ამაოდ, სცადეს დაემახინჯებინათ ნიურნბერგის პროცესის შედეგების ისტორიული მნიშვნელობა და მისი საერთაშორისო სამართლებრივი როლი.

ცნობილია, რომ იმპერიალისტური, უწინარეს ყოვლისა, დასავლეთ-გერმანული პროპაგანდა დიდი ხანია ცდილობს გააყალბოს მეორე მსოფლიო ომისა და განსაკუთრებით მისი დასკვნითი აქტის — ნიურნბერგის საერთაშორისო სამხედრო ტრიბუნალის ისტორია. ამ მოვლენის 40 წლისთავისადმი მიძღვნილ კონფერენციაზე ახალი ძალით განახლდა ნიურნბერგის ვაკვეთილების დამახინჯების ცდები. კვლავ შთაბერეს სული და აამოქმედეს ადრე მხილებული გაცვეთილი პროვოკაციული ცრუ თეორიები, რომლებიც სავსებით გარკვეულ მიზანს ისახავენ — გააუქმდართონ მეორე მსოფლიო ომის ისტორია და

მისი შედეგები, გაამართლონ, რამდენადაც ეს შესაძლებელია, ფაშიზმისა და ნაციზმის პოლიტიკა და იდეოლოგია მათი აღორძინების იმ ახლანდელი ცდების ინტერესებისათვის, რასაც აშკარად მიმართავენ ზოგიერთ იმპერიალისტურ სახელმწიფოში. კონფერენციაზე წამოყენებული ერთ-ერთი მთავარი „ანტიფე-ზისი“ განისაზღვრებოდა ცდებით, რათა დაემტკიცებინათ, თითქოს ნიურნბერგის პროცესი იყო მხოლოდ გამარჯვებულების შურისძიების აქტი დამარცხებული გერმანელი ხალხის მიმართ, რომ მოკავშირეთა ტრიბუნალს არ ჰქონდა გერმანელთა გასამართლების მორალური უფლება.

ცილილობდნენ დაემტკიცებინათ, რომ საერთაშორისო სამხედრო ტრიბუნალმა გასამართლა არა სამხედრო დამნაშავენი, არამედ ფაქტობრივად მთელი გერმანელი ხალხი. თითქოს საბჭოთა კავშირი ლამობდა „იურიდიულად გაემართლებინა თავისი დანაშაული გერმანელი ხალხის წინაშე — 13 მილიონი გერმანელის აყრა გერმანიის აღმოსავლეთი მიწებიდან“. ასე უწოდებდნენ ჰიტლერული რაიხის მიერ დაპყრობილი მიწების დაბრუნებას მათი ოდინდელი მფლობელების — პოლონელი და ჩეხოსლოვაკიელი ხალხებისათვის.

კონფერენციის ზოგიერთი მონაწილე ჯიუტად ქადაგებდა ასეთ თეზისსაც: ნიურნბერგის სამხედრო ტრიბუნალის გადაწყვეტილებებს, პრინციპებს, რომლებიც მან დაუდო საფუძვლად განაჩენს, მხოლოდ ერთჯერადი მნიშვნელობა ჰქონდა და „ქალაქის ნახევად“ დარჩა, რადგან შემდგომში აღარ გამოუყენებიათ მეორე მსოფლიო ომის დამთავრების შემდეგ მომხდარი აგრესიისა და ომის გაჩაღების მრავალრიცხოვანი ფაქტების დასჯის მიზნით.

ამრიგად, საერთაშორისო საზოგადოებრიობის პროგრესული და მშვიდობისმოყვარე ძალების წარმომადგენელთა წინაშე იდგა უაღრესი მნიშვნელობის პასუხსაგები ამოცანა: არ დაეშვათ ნიურნბერგის პროცესის მიერ გამოცხადებული იდეებისა და პრინციპების ხელყოფა, დაეცვათ ისინი რევანშიზმისა და ნეონაციზმის პოზიციებიდან რევიზიისა და დამახინჯების ცდებისაგან; დაედასტურებინათ საერთაშორისო სამხედრო ტრიბუნალის იდეების არა მარტო წარუვალი ისტორიული მნიშვნელობა, არამედ განსაკუთრებული აქტუალურობაც მსოფლიოში მოვლენათა თანამედროვე განვითარებისათვის, მათი უდიდესი, ფუძემდებლური როლი საერთაშორისო ურთიერთობის იმ უმნიშვნელოვანესი პრინციპების ფორმირებაში, რომელთა მიზანია აგრესიული პოლიტიკის თავიდან აცილება და აღკვეთა, ხალხთა სუვერენიტეტისა და თვითგამორკვევის, თავისუფლებისა და დამოუკიდებლობისათვის ბრძოლის უფლების დარღვევათა აღმოფხვრა.

დარწმუნებით შეიძლება ითქვას, რომ ეს ამოცანები ნიურნბერგის კონფერენციაზე წარმატებით გადაწყდა. ამასთან საგანგებოდ უნდა გაესვას ხაზი ფრიად საგულისხმო და მრავლისმთქმელ მოვლენას, რომელმაც კიდევ უფრო რელიეფურად წარმოაჩინა კონფერენციის მთელი მნიშვნელობა: პირველად გერმანიის ფედერაციული რესპუბლიკის პოლიტიკურ და საზოგადოებრივ ცხოვრებაში, გერმანელი ხალხისათვის ესოდენ მტკივნეულ საკითხში მიღწეული იყო სულ სხვადასხვა მიმართულებისა და ყაიდის პოლიტიკური და საზოგადოებრივი ორგანიზაციების, კავშირებისა და პარტიების თუ სრული ერთსულოვნება არა, ერთობ პოზიტიური თანამშრომლობა მაინც.

პრინციპულ საკითხებში ერთიან პოზიციებზე იყვნენ გერმანიის ფედე-

რაციული რესპუბლიკისა და დასავლეთ ბერლინის იურისტ-დემოკრატთა გაერთიანებანი, ნაციზმის დროს დევნილ პირთა გაერთიანება, ანტიფაშისტთა კავშირი, იურისტ სოციალ-დემოკრატთა გაერთიანება, ორგანიზაცია „ჰინემანის ინიციატივა“, ადვოკატთა რესპუბლიკური კავშირი და მთელი რიგი სხვა ორგანიზაციები. კონფერენციის მომზადება-ჩატარებაში აქტიური მონაწილეობა მიიღეს გერმანელთა კომუნისტური პარტიის ორგანიზაციებმა, უწინარეს ყოვლისა ნიურნბერგის ორგანიზაციამ, მთელმა რიგმა ახალგაზრდულმა ორგანიზაციებმა და კავშირებმა.


კონფერენციაზე მშვიდობის მოწინააღმდეგენი ყოველნაირად ცდილობდნენ სადავო გაეხადათ ძირითადი საერთაშორისო-სამართლებრივი პრინციპები და იდეები, რომლებიც საფუძვლად დაედო ნიურნბერგის პროცესზე გამოტანილ განაჩენს..

საერთაშორისო სამხედრო ტრიბუნალის წესდებაში გამოცხადებული მნიშვნელოვანი პრინციპი, რომელმაც ნიურნბერგის საიუბილეო კონფერენციის მონაწილეთა განსაკუთრებით დიდი ყურადღება მიიპყრო, გახდა დებულება მშვიდობის წინააღმდეგ ჩადენილი ყველა დანაშაულისათვის, სამხედრო დანაშაულისა და კაცობრიობის წინააღმდეგ მიმართული დანაშაულობებისათვის ინდივიდუალური, პირადი პასუხისმგებლობის შესახებ. ამასთან, ეს ეხება ყველას, განურჩევლად იმისა თუ რა თანამდებობრივი მდგომარეობა უკავია დანაშაულის სუბიექტს, მათ შორის სახელმწიფოთა მეთაურებს.

საერთაშორისო სამართლის ამ პრინციპულად ახალ ელემენტს უაღრესად დიდი მნიშვნელობა აქვს მშვიდობისა და კაცობრიობის წინააღმდეგ მიმართული დანაშაულობებისათვის სასჯელის აუცილებლობის პრინციპის დასამკვიდრებლად, ვინაიდან იგი აუქმებს წინა პერიოდში სამოქმედოდ შემოდებული თეორიებს, როდესაც აგრესორი სახელმწიფოს მთავრობის წევრები და უმაღლესი თანამდებობის პირები თავისუფლდებოდნენ დანაშაულებრივი მოქმედებისათვის პასუხისმგებლობისა და სასჯელისაგან, თუ ასეთ მოქმედებას საფუძვლად ედო შესაბამისი სახელმწიფოს ნორმატიული აქტები.

საერთაშორისო სამხედრო ტრიბუნალის წესდების კიდევ ერთი უაღრესად მნიშვნელოვანი პრინციპი, რომელიც მემარჯვენე და რეაქციული წრეების ყველაზე გააფთრებულ წინააღმდეგობას წააწყდა კონფერენციაზე, არის ის დებულება, რომ განსასჯელი არ თავისუფლდება პასუხისმგებლობისაგან დანაშაულებრივი ქმედებისათვის, რომელიც ჩაიდინა მთავრობის განკარგულებით ან უფროსის ბრძანებით. ამრიგად, ნიურნბერგის ტრიბუნალზე ყოველმხრივი სამართლებრივი დასაბუთება ჰპოვა აშკარად დანაშაულებრივი განკარგულებისა თუ ბრძანების შესრულებისათვის პირადი პასუხისმგებლობის აუცილებლობამ და მართლზომიერებამ.

ამით მხილებული და უარყოფილი იქნა მილიტარისტული პრინციპი ყოველი ბრძანებისადმი ბრმად დამორჩილების შესახებ, რაც სრულიადაც არ ხელყოფს სამხედრო დისციპლინის უმკაცრესი დაცვის აუცილებლობას, ურომლისოდაც შეუძლებელია რომელიც გნებავთ არმიის არსებობა. საერთაშორისო სამხედრო ტრიბუნალის განაჩენით განისაზღვრა, რომ ყოველი სამხედრო მოსამსახურისათვის სავალდებულოა სამხედრო წესდებების შესაბამისად გაცემული სამხედრო ბრძანება. ასეთ ბრძანებებს ვერ მივაკუთვნებთ იმით, რომლებსაც იმოწმებდნენ და ასრულებდნენ ნაცისტი სამხედრო დამნაშავენი და



რაც უდავოდ დამტკიცდა ნიურნბერგის პროცესზე ფაშისტური სამხედრო მანქანის მიერ ჩადენილი ათასობით საზარელი ბოროტმოქმედების ფაქტების საფუძველზე.

ნიურნბერგის პროცესზე ამხილეს გერმანიის მილიტარიზმიც, რომელიც იყო გერმანიის აგრესიული პოლიტიკის წინამორბედი, შემდეგ კი მისი ძირითადი ბაზა, ფაშიზმის მასაზრობელი ნიადაგი. გერმანიის მილიტარიზმის არსის იყო, რომ შეიმუშავა და მიიღო მთელი რიგი სამხედრო-სტრატეგიული დოქტრინები, რომლებსაც შემდგომში უნდა გაემართლებინათ ომის წარმოების ყველაზე ავანაჟური მეთოდები. ამ მეთოდებს საფუძვლად ედო მხოლოდ სამხედრო აუცილებლობის მილიტარისტული დოქტრინა, რომელიც არსებითად ნიშნავს საერთაშორისო მართლწესრიგისა და სამართლის უარყოფას.

ნიურნბერგის პროცესის უდიდესი ისტორიული როლი იმითაც გამოვლინდა, რომ აქ მთავარი განსასჯელი და მსჯავრდადებული აღმოჩნდა გერმანიის ფაშიზმი, მისი რეაქციული, კაცთმოძულე იდეოლოგია. თუმცა ოფიციალურად ნიურნბერგის საერთაშორისო სამხედრო ტრიბუნალის წინაშე არ მდგარა ამოცანა ემხილებინა პროცესზე გერმანიის ფაშიზმის დანაშაულებრივი, ანტიჰუმანური არსი, მაგრამ პროცესის თვით ისტორიულმა ლოგიკამ, მასზე განხილული საკითხებისა და მასალების ხასიათმა თვალნათლივ დაანახვა მთელ მსოფლიოს ნაციზმის მხეცური არსი, მისი ძირითადი იდეოლოგიური და პოლიტიკურ კონცეფციების არაადამიანურობა.

ნაცისტურ თეორიათაგან უმეტეს საშიშროებას წარმოადგენდა რასიზმი, რომელიც გადაქცეული იყო მთელი ხალხების აგრესიული დაპყრობის, დამონებისა და შემდგომი მასობრივი მოსპობის მთავარ თეორიულ და პროპაგანდისტულ დასაბუთებად. და ნიურნბერგის პროცესმა მთელ კაცობრიობას დაანახვა „სასიცოცხლო სივრცის უზრუნველყოფის“ ნაცისტური დოქტრინის ნამდვილი მიზნები და საშინელი საფრთხე, რომელსაც იგი უქმნიდა მას.

საიუბილეო კონფერენციაზე დიდი ყურადღება დაეთმო აგრეთვე ნამდვილად ფასდაუდებელ, უდიდეს გავლენას, რომელიც ნიურნბერგის პროცესმა მოახდინა საერთაშორისო სამართლის უმნიშვნელოვანესი დარგების შემდგომ პროგრესულ განვითარებაზე.

კონფერენციის მონაწილეთა გამოსვლებში უწინარეს ყოვლისა დამაჯერებლად იყო ნაჩვენები, რომ სწორედ საერთაშორისო ტრიბუნალის წესდებამ და თვით განაჩენმა შეასრულა უდიდესი და, შეიძლება ითქვას, გადამწყვეტი როლი აგრესიული ომის კრიმინალიზაციის ხანგრძლივი ისტორიული პროცესის დამთავრებასა და მის უმძიმეს საერთაშორისო დანაშაულად გამოცხადებაში. საერთაშორისო სამართალში, როგორც ზემოთ აღინიშნა, დამკვიდრდა აგრეთვე კაცობრიობის წინააღმდეგ დანაშაულობებისათვის ინდივიდუალური პასუხისმგებლობის პრინციპი. ყოველივე ამან ეს დანაშაულობანი გახადა ისეთებად, რომლებიც ისჯება სისხლის სამართლის წესით, ესე იგი სისხლის სამართლის დანაშაულობათა რიგში ჩააყენა სახელმწიფო ლიდერების ისეთი საქმიანობა, რომელიც საფრთხეს უქმნის მშვიდობასა და ხალხთა უშიშროებას თანამედროვე პირობებში. მთელ რიგ სახელმწიფოთა პოლიტიკა და ზოგიერთი საგარეო-პოლიტიკური პრობლემის გადაჭრის პრაქტიკა საერთაშორისო სამხედრო ტრიბუნალის ამ დებულებას უაღრესად აქტუალურს ხდის.

დიდი როლი შეასრულა ნიურნბერგის პროცესმა ომის საწინააღმდეგო სამართლის განვითარებაში, განსაკუთრებით აგრესიის განსაზღვრაში. საქმე ის არის, რომ ერთა ლიგის წესდებაში, აგრეთვე ბრიან-კელოგის 1928 წლის პაქტში, რომლებშიც გამოცხადებულია ომებზე საჯარო უარის თქმა და აგრესიული ომი აღიარებულია დანაშაულად, ჩამოყალიბებული არ არის მისი ნიშნები. მართალია, თავად საერთაშორისო სამხედრო ტრიბუნალის წესდებაშიც კი არ არის მოყვანილი თვით აგრესიის განსაზღვრება, თუმცა მასში აგრესია კვალიფიცირებულია უმძიმეს საერთაშორისო დანაშაულად და ვრცლად არის დახასიათებული ყველა მისი სტადია, დაგეგმვა და მომზადება (მუხლი 6-ა), ამასთან მშვიდობის წინააღმდეგ დანაშაულად გამოცხადებულია არა მხოლოდ აგრესიული ომის წარმოება. ეს მოხდა იმპერიალისტურ სახელმწიფოთა მიზეზით, რომელთა წარმომადგენლებმა საერთაშორისო სამხედრო ტრიბუნალის წესდების შემუშავებისას ხელი შეუშალეს საბჭოთა მხარის იმ დაუინებელი მოთხოვნის დაკმაყოფილებას, რომ მიეღოთ და დამტკიცებინათ აგრესიის უნივერსალური განსაზღვრება. გაერთიანებული ერების ორგანიზაციის წესდებამ განამტკიცა ძალის გამოყენების მართლის წინააღმდეგ ხასიათი, ხოლო 1974 წლის 7 დეკემბერს საბჭოთა კავშირისა და სოციალისტური თანამეგობრობის სხვა ქვეყნების მრავალი წლის მეცადინეობა დაგვირგინდა წარმატებით. ამ დღეს გაერთიანებული ერების ორგანიზაციის გენერალურმა ასამბლეამ მიიღო აგრესიის განსაზღვრება, რომლის სტრუქტურაში თავისი კანონზომიერი ასახვა ჰპოვა მეორე მსოფლიო ომისა და ნიურნბერგის პროცესის გამოცდილებამ.

უკვე აგრესიის განსაზღვრების პრეამბულაში აღნიშნულია, რომ აგრესია ძალის უკანონო გამოყენების ყველაზე სერიოზული და საშიში ფორმაა და შეიცავს მსოფლიო კონფლიქტისა და მისი კატასტროფული შედეგების შესაძლო საფრთხეს. ამრიგად, მეორდება ნიურნბერგის განაჩენის იმ ნაწილში მოყვანილი ანალოგიური აზრი, რომელშიც ზოგადად არის დახასიათებული გერმანიის ფაშიზმის აგრესიული შეთქმულება. გენერალური ასამბლეის გადაწყვეტილებაში გამოცხადებული იყო აგრეთვე, რომ „პოლიტიკური, ეკონომიკური, სამხედრო და სხვა ხასიათის ვერავითარი გარემოება ვერ გამართლებს აგრესიას“.

აგრესიის განსაზღვრებისათვის მწვავე პოლიტიკური მიმართულების მისანიჭებლად განსაკუთრებული მნიშვნელობა აქვს შემდეგ კონკრეტულ მითითებას: აგრესიის აქტის დადასტურებაა ის, თუ სახელმწიფომ, წინააღმდეგ გაერთიანებული ერების ორგანიზაციის წესდებისა, პირველმა იხმარა შეიარაღებული ძალა. ეს დებულებაც ისტორიული დამსახურებაა საერთაშორისო სამხედრო ტრიბუნალისა, რომელმაც უკუაგდო მთავარ ნაცისტ სამხედრო დამნაშავეთა ცდები, საქმე ისე წარმოედგინათ, თითქოს მათ მიერ ჩადენილი აგრესიის ყოველი აქტი ყოფილიყო პრევენტიული ომი, დაწყებული იმ მიზნით, რომ თავიდან აეცილებინათ სხვა ქვეყნების თავდასხმის საფრთხე, რომელიც ვითომდა გერმანიას ემუქრებოდა. საერთაშორისო სამხედრო ტრიბუნალმა სრულიად კატეგორიულად და ერთმნიშვნელოვნად გაუსვა ხაზი: სახელმწიფოს მიერ შეიარაღებული ძალის პირველად გამოყენება იმის კრიტერიუმია, რომ მისი მოქმედება განისაზღვროს როგორც აგრესია. ეს ფაქტორი ადგენს აგ-

რეთვე პრინციპულ განსხვავებას კანონიერ თავდაცვასა და პრევენტიულ ომს შორის. აქედან ნათლად სჩანს, როგორ უნდა იქნეს კვალიფიცირებული ისრაელის ომი ლიბანში, აშშ-ს ჯარების შეჭრა გრენადაში, ლიბიის ქალაქების დაბომბვა მიმდინარე წლის აპრილში.

კონფერენციაზე განსაკუთრებული ყურადღება დაეთმო იმ საკითხთა ფართო განხილვას, რომლებიც უცილობლად ადასტურებენ, რომ ნიურნბერგის პრინციპებმა ფაქტობრივად წარმოქმნეს საფუძველი ადამიანის უფლებათა საერთაშორისო დაცვის სისტემის შესაქმნელად. სწორედ ამ პრინციპების განსავითარებლად გაერთიანებული ერების ორგანიზაციამ შემდგომში მიიღო რამდენიმე ფუძემდებელი სამართლებრივი აქტი ამ უმნიშვნელოვანესი პრარბლემების გამო. უწინარეს ყოვლისა ეს არის 1948 წლის 9 დეკემბრის კონვენცია გენოციდის დანაშაულობათა თავიდან აცილებისა და დასჯის შესახებ. ამ დოკუმენტების წყებაში ცენტრალური ადგილი უკავია ადამიანის უფლებათა საყოველთაო დეკლარაციას, რომელიც 1948 წლის 10 დეკემბერს დაამტკიცა გაერთიანებული ერების ორგანიზაციის გენერალურმა ასამბლეამ. ნიურნბერგის პრინციპებთან ამ დეკლარაციის კავშირი ვლინდება, როგორც მის შესავალ ნაწილში, ისე მასში ჩამოყალიბებულ ადამიანის უფლებათა ნუსხაშიც.

საერთაშორისო სამხედრო ტრიბუნალის შედეგების ფართო ზემოქმედებას ასახავს აგრეთვე 1949 წლის 12 აგვისტოს ქენევაში მიღებული ოთხი კონვენცია ომის მსხვერპლთა დაცვის შესახებ. იმავე დროს მიღებულ გაერთიანებული ერების ორგანიზაციის ათ რეზოლუციასთან ერთად ამ კონვენციებმა ფაქტობრივად მოახდინეს ომის მსხვერპლთა დაცვის საერთაშორისო სამართლის კოდიფიკაცია. უნდა ვახსენოთ აგრეთვე თავისი შინაარსითა და საერთაშორისო მნიშვნელობით ფრიად არსებითი კონვენცია—1968 წლის 26 ნოემბრის კონვენცია მშვიდობისა და კაცობრიობის წინააღმდეგ დანაშაულობათა მიმართ ხანდაზმულობის ვადების გამოუყენებლობის თაობაზე: მისი პრეამბულის პირველი პარაგრაფი შეიცავს შეხსენებას, რომ გენერალურმა ასამბლეამ დაამტკიცა ნიურნბერგის პრინციპების სავალდებულო ხასიათი, რადგან ისინი საერთაშორისო სამართლის ნაწილად მიიჩნია.

ნიურნბერგის წარუვალი მნიშვნელობა უდიდეს პრაქტიკულ ზემოქმედებას ახდენს თანამედროვეობის სხვა უმწვევავს საერთაშორისო პრობლემათა გადაჭრაზეც. მაგალითად, ბირთვული ომის მომზადებისა და გაჩაღების იმპერიალისტური პოლიტიკის აღკვეთის მიზნით გაერთიანებული ერების ორგანიზაციის გენერალურმა ასამბლეამ კვლავ დაადასტურა მშვიდობისა და კაცობრიობის წინააღმდეგ მიმართულ დანაშაულობათა დასჯადობის პრინციპი. სსრ კავშირის წინადადებით 1981 წელს მან მიიღო ბირთვული კატასტროფის თავიდან აცილების დეკლარაცია, რომელშიც მკაფიოდ არის დადგენილი, რომ 1) სახელმწიფოები და სახელმწიფო მოღვაწენი, რომლებიც პირველები მიმართავენ ბირთვული იარაღის გამოყენებას, ითვლებიან დამნაშავეებად კაცობრიობის წინააღმდეგ უმძიმეს დანაშაულობათა ჩადენაში; 2) არასოდეს არც გამართლება, არც პატიება არ ექნებათ იმ სახელმწიფო მოღვაწეებს, რომლებიც მიიღებენ გადაწყვეტილებას პირველებმა გამოიყენონ ბირთვული იარაღი.

1983 წელს საბჭოთა კავშირის ინიციატივით გენერალურმა ასამბლეამ მიიღო რეზოლუცია, რომლითაც დაგმობილია ბირთვული ომი, რადგან იგი

ეწინააღმდეგება სინდისსა და გონებას, ყველაზე საზარელი დანაშაულია ხალხთა წინააღმდეგ და ადამიანის უპირველესი უფლების — სიცოცხლის უფლების ხელყოფა.

სსრ კავშირის ეს მტკიცე პოზიცია განსაკუთრებით მკაფიოდ გამოიხატა საბჭოთა კავშირის კომუნისტური პარტიის XXVII ყრილობაზე „...თანამედროვე მსოფლიო მეტად პატარა და სუსტი გახდა ომებისა და ძალისმიერი პოლიტიკისათვის, — განაცხადა ამხანაგმა მ. ს. გორბაჩოვმა — მისი ხსნა და შენარჩუნება შეუძლებელია, თუ არ უკუვაგდებთ — მტკიცედ და საბოლოოდ — იმ აზრებსა და მოქმედებას, რომლებსაც საუკუნეთა მანძილზე საფუძვლად ედო ის, რომ ომები და შეიარაღებული კონფლიქტები მისაღები და დასაშვებია.“

ეს კი ნიშნავს შევიგნოთ, რომ გამალებული შეიარაღების, ისევე როგორც თვით ბირთვული ომის, მოგება უკვე შეუძლებელია. ასეთი გამალებული შეიარაღების განგრძობა დედამიწაზე, და მით უმეტეს მისი გავრცელება კოსმოსში, დააჩქარებს ბირთვული იარაღის დაგროვებისა და სრულყოფის ისედაც კრიზისულად სწრაფ ტემპს. მსოფლიოში ვითარებამ შეიძლება ისეთი ხასიათი შეიძინოს, როცა იგი აღარ იქნება დამოკიდებული პოლიტიკოსთა გონებასა თუ ნებაზე. იგი ტექნიკის, სამხედრო-ტექნოკრატიული ლოგიკის ტყვეობაში აღმოჩნდება. მაშასადამე, არა მარტო თვით ბირთვული ომი არამედ ამისათვის მზადებაც კი, ესე იგი გამალებული შეიარაღება, სამხედრო უპირატესობისადმი სწრაფვა, ობიექტურად ვერავის ვერ მოუტანს პოლიტიკურ მოგებას¹“.

ზოგადსაკაცობრიო მნიშვნელობის მქონე ამ პრობლემების განხილვა ნიურნბერგის პროცესის 40 წლისთავისადმი მიძღვნილ საერთაშორისო კონფერენციაზე მიმდინარეობდა სულ სხვადასხვა პოლიტიკური მიმართულების წარმომადგენელთა დაინტერესებითა და აქტიური მონაწილეობით. ეს მოწმობს, რომ ნიურნბერგის გაკვეთილები დღესაც საჭირობოროტო და აქტუალურია, მოუწოდებს პლანეტის ხალხებს გამოიჩინონ სიფხიზლე, უკომპრომისოდ ებრძოლონ თანამედროვე ომის გამჩალებელთა ყოველნაირ ხრიკებს.

—•—

1 მ. ს. გორბაჩოვი, სკკპ ცენტრალური კომიტეტის პოლიტიკური მოხსენება საბჭოთა კავშირის კომუნისტური პარტიის XXVII ყრილობას, თბ., 1986 წ., გვ. 111.

პირველი საბჭოთა კონსტიტუცია

გრიგოლ არამიზი,

საქართველოს სსრ მეცნიერების დამსახურებული მოღვაწე, პროფესორი.

სკკპ XXVII ყრილობამ, სხვა დიდმნიშვნელოვან საკითხებთან ერთად, ყურადღება გაამახვილა აგრეთვე სოციალისტური კანონიერების დაცვასა და საკანონმდებლო საქმიანობის შემდგომ გაუმჯობესებაზე.

საბჭოთა კავშირის კომუნისტური პარტიის ცენტრალური კომიტეტის გენერალურმა მდივანმა, მ. ს. გორბაჩოვმა, პარტიის ცენტრალური კომიტეტის პოლიტიკურ მოხსენებაში თქვა: „ბოლო დროს დიდი მუშაობა გავწიეთ საზოგადოების ცხოვრების ყველა სფეროში მართლწესრიგის განმტკიცებისათვის, მაგრამ მეცადინეობა ამ მიმართულებით არავითარ შემთხვევაში არ უნდა შევანელოთ. კვლავაც უნდა გავაუმჯობესოთ საბჭოთა კანონების ხარისხი“¹.

პარტიის ეს მოთხოვნა მთლიანად შეესაბამება ჩვენი ქვეყნის სამეურნეო და სოციალურ-კულტურული მშენებლობის დაჩქარების კურსს.

ჩვენი ქვეყნის ეკონომიკური, პოლიტიკური და სოციალური საფუძვლების განმტკიცების პარალელურად აუცილებელია აგრეთვე საბჭოთა სახელმწიფოს და საზოგადოებრივი ცხოვრების სამართლებრივი საფუძვლის განმტკიცებაც.

სსრ კავშირის მოქმედი კონსტიტუცია მოითხოვს მთელ რიგ კანონთა მიღებას, რომელთაგან ბევრი მათგანი უკვე მიღებულიცაა (სსრ კავშირის უმაღლესი საბჭოს რეგლამენტი, კანონი სსრ კავშირის მინისტრთა საბჭოს შესახებ, სსრ კავშირის მოქალაქეობის, პროკურატურის, ადვოკატურის, ნოტარიატის შესახებ და სხვა).

კანონებს ჩვენ მომავალშიც მივიღებთ, რადგან საკანონმდებლო აქტების განახლება და შეცვლა ჩვეულებრივი მოვლენაა. საერთოდ კი, საკანონმდებლო აქტების მიღების საწყისად 1918 წლის 10 ივლისი ითვლება, როდესაც რსფსრ საბჭოების V ყრილობამ დაამტკიცა პირველი საბჭოთა კონსტიტუცია.

პრინციპები, რაც ამ კონსტიტუციით დაკანონდა, დღესაც მოქმედებს. სსრ კავშირის 1977 წლის კონსტიტუციის პრეამბულაში პირდაპირ არის მითითებული, რომ იგი იცავს „...1918 წლის პირველი საბჭოთა კონსტიტუციის, 1924 წლის სსრ კავშირის კონსტიტუციისა და 1936 წლის სსრ კავშირის კონსტიტუციის იდეებისა და პრინციპების მემკვიდრეობითობას“.

¹ მ. ს. გორბაჩოვი, სკკპ ცენტრალური კომიტეტის პოლიტიკური მოხსენება სკკპ XXVII ყრილობას, 1986 წ. გვ. 104.

დიდი ოქტომბრის სოციალისტური რევოლუციის გამარჯვების შედეგად პროლეტარიატის დიქტატურის დამკვიდრებამ ახალი კანონებისა და კონსტიტუციის მიღება მოითხოვა. ეს იმას ნიშნავდა რომ მშრომელთა ნებასურვილი კანონის ენით ამეტყველებულიყო და მას უმაღლესი იურიდიული ძალა მინიჭებოდა.

ახალი ტიპის (პროლეტარიატის დიქტატურის) სახელმწიფოს კი საბჭოთა რესპუბლიკის შესატყვისი ძირითადი კანონი ესაჭიროებოდა და იგი კომუნისტური პარტიის ხელმძღვანელობით, უშუალოდ ვ. ი. ლენინის მონაწილეობით, შემუშავდა. ეს იყო პირველი საბჭოთა კონსტიტუცია, რომელიც საბჭოთა სახელმწიფოს შექმნიდან რვა თვის შემდეგ დამტკიცდა. სწორედ ამ პერიოდში ჩამოყალიბდა საბჭოთა სახელმწიფო აპარატი, შეივსო მისი სისტემა, გამოქვეყნდა უამრავი დეკრეტი.

საბჭოთა სახელმწიფო აპარატის ჩამოყალიბების და „ოქტომბრის დეკრეტების“ განხორციელების პროცესში შემუშავდა აგრეთვე პირველი საბჭოთა კონსტიტუციის პრინციპები. კონსტიტუციამ მოახდინა იმის კონცენტრირება, რაც პროლეტარული რევოლუციის შედეგად მოგვცა ცხოვრებამ. როგორც ვ. ი. ლენინი ამბობს ჩვენ შევძელით კონსტიტუციაში „ჩაგვეწერა ის, რაც უკვე არსებობს პრაქტიკაში“², რომ „საბჭოთა კონსტიტუცია საბჭოების მსგავსად, შეიქმნა რევოლუციური ბრძოლის პერიოდში, პირველი კონსტიტუციაა, რომელმაც სახელმწიფო ხელისუფლებად გამოაცხადა მშრომელთა ხელისუფლება, უფლებებს ჩამოაშორა ექსპლოატატორები — ახალი ცხოვრების მშენებლობის მოწინააღმდეგენი“³.

ამრიგად, პირველივე საბჭოთა კონსტიტუცია არ იყო კაბინეტური ხასიათის ნაშრომი, რადგან იგი შეიქმნა პროლეტარული რევოლუციის მონაპოვართა განმტკიცებისათვის გამწვავებული კლასობრივი ბრძოლის პირობებში, როგორც ქვეყნის ფაქტიური მდგომარეობის ამსახველი დოკუმენტი.

საბჭოთა კონსტიტუციამ თავიდანვე დიდი გამოხმაურება ჰპოვა მსოფლიოში. „ახლა ყველა ქვეყნის მშრომელნი — ამბობდა ვ. ი. ლენინი 1918 წ. 26 ივლისს — დაინახავენ, რომ საბჭოთა კონსტიტუცია — რუსეთის სოციალისტური ფედერაციული რესპუბლიკის ძირითადი კანონი — გამოხატავს მთელი მსოფლიოს პროლეტარიატის იდეალებს“⁴.

1918 წლის 30 მარტს პარტიის ცენტრალურმა კომიტეტმა მიიღო გადაწყვეტილება საკონსტიტუციო კომისიის შექმნის შესახებ. იმავე წლის 1 აპრილს ი. მ. სვერდლოვი მოხსენებით გამოვიდა ცაკ-ის სხდომაზე „ხელისუფლების სხვადასხვა ორგანოთა შორის ფუნქციათა ზუსტი გამიჯვნის შესახებ“ და დაასაბუთა ხელისუფლებისა და მმართველობის ორგანოთა ერთიანი სისტემის შექმნის აუცილებლობა. ამავე სხდომაზე გამოიყო კონსტიტუციის შემუშავებელი კომისია და მისი შემადგენლობა განისაზღვრა 15 კაცით. მასში შევიდნენ ბოლშევიკები, მემარცხენე ესერები, „მემარცხენე კომუნისტები“, ესერმაქსიმალისტები, აგრეთვე წარმომადგენლები ეროვნებათა საქმეების, იუსტიციის,

² ვ. ი. ლენინი, თხზ., ტ. 27, გვ. 631.

³ ვ. ი. ლენინი, თხზ., ტ. 27, გვ. 680.

⁴ ვ. ი. ლენინი, იქვე.

ფინანსთა და შინაგან საქმეთა სახალხო კომისარიატებიდან. საკონსტიტუციო კომისიის თავმჯდომარედ აირჩიეს რკპ (ბ) ცენტრალური კომიტეტის მდივანი და ცაკ-ის თავმჯდომარე ი. მ. სვერდლოვი.

შემუშავდა კონსტიტუციის რამოდენიმე პროექტი. „მემარცხენე კომუნისტმა“ პროფესორმა მ. ა. რეისნერმა საკონსტიტუციო კომისიას წარუდგინა ანტილენინური, პოლიტიკურად მავნე პროექტი საბჭოთა სახელმწიფოს ფედერაციულად მოწყობის შესახებ. მისი პროექტით ავტონომიური ოლქების ჩამოყალიბებისას მხედველობაში უნდა მიეღოთ მოსახლეობის ტერიტორიულ-ეკონომიკური და არა ეროვნული ნიშნები, ასევე უარყოფილი იყო პროლეტარიატის დიქტატურა.

მემარცხენე ესერებმა (ა. ა. შრეიდერმა და ა. მაგეროვსკიმ და სხვ.) შემუშავეს კონსტიტუციის ისეთი პროექტი, რომელიც უარყოფდა დემოკრატიული ცენტრალიზმის პრინციპს. მათი აზრით ადგილობრივი ორგანოები აბსოლუტურად დამოუკიდებელნი უნდა ყოფილიყვნენ და არ დაქვემდებარებოდნენ ზემდგომ ორგანოებს. ისინი მოითხოვდნენ, რათა ყოველ ტერიტორიულ ერთეულში, ოლქში, დიდ ქალაქებში შექმნილიყო თავისი სახალხო კომისართა საბჭო. მათ სურდათ ამით დაპირისპირებოდნენ ვ. ი. ლენინის თავმჯდომარეობით შექმნილ სრულიად რუსეთის სახალხო კომისართა საბჭოს.

ესერმაქსიმალისტებმა (ა. ი. ბერდნიკოვი) საკონსტიტუციო კომისიაში წარადგინეს აშკარად ანარქისტული „შრომითი რესპუბლიკის კონსტიტუციის საფუძვლების“ პროექტი. ისინი მოითხოვდნენ ვაჭრობისა და ფულის გაუქმებას, უარყოფდნენ ხელფასის ანაზღაურების არსებულ წესს და შრომის სოციალისტური პრინციპის ნაცვლად იცავდნენ გათანაბრებითი ანაზღაურების პრინციპს.

ამრიგად, ანტილენინელებმა კონსტიტუციის პროექტის შემუშავებისას უარყვეს ისეთი საკითხები, როგორც არის პროლეტარიატის დიქტატურა, დემოკრატიული ცენტრალიზმი, პროლეტარული ინტერნაციონალიზმი, შრომის სოციალისტური პრინციპი და ა. შ. ისინი შეგნებულად გაერთიანდნენ და შეადგინეს ერთი პროექტი, რომელსაც იუსტიციის სახალხო კომისარიატის კოლეგიის პროექტი ეწოდა. ამგვარად აღმოჩნდა საკონსტიტუციო კომისიაში ორი პროექტი — ბოლშევიკებისა (ი. ბ. სტალინი, ი. მ. სვერდლოვი და სხვ.) და „მემარცხენე კომუნისტების“, მემარცხენე ესერების, ესერმაქსიმალისტების და მათი მომხრეებისა.

ბოლშევიკური კონსტიტუციის პროექტის შემუშავებაში მნიშვნელოვანი როლი შეასრულა სრულიად რუსეთის საბჭოების მესამე ყრილობის მიერ მიღებულმა დადგენილებამ (1918 წ. 28 იანვარი) — „რუსეთის რესპუბლიკის ფედერალური დაწესებულებების შესახებ“. ამ დოკუმენტით განისაზღვრა საბჭოთა სახელმწიფო ორგანოთა სისტემა, ცენტრალურ და ადგილობრივ ორგანოთა ურთიერთდამოკიდებულება, მათი ფუნქციები და ა. შ. ასევე მნიშვნელოვანი იყო ამავე ყრილობის მიერ დამტკიცებული „მშრომელი და ექსპლოატირებული ხალხის უფლებათა დეკლარაცია“. ეს დოკუმენტი ვ. ი. ლენინის წინადადებით მთლიანად შევიდა პირველ საბჭოთა კონსტიტუციაში, როგორც მისი პირველი კარი.

1918 წ. 14 ივნისს რსფსრ ცაკ-ის სხდომაზე განიხილეს ბოლშევიკების ფრაქციის მიერ შემუშავებული კონსტიტუციის პროექტი.

1918 წ. 28 ივნისს რკპ (ბ) ცენტრალურმა კომიტეტმა გამოჰყო საკონსტიტუციო კომისია ვ. ი. ლენინის თავმჯდომარეობით, რომელსაც დაევალა ხელმძღვანელობა ცაკ-ის საკონსტიტუციო კომისიისადმი.

1918 წ. 3 ივლისს ცენტრალური კომიტეტის კომისიამ განიხილა კონსტიტუციის ორივე პროექტი და რეკომენდაცია საბჭოების V ყრილობაზე გასატანად მისცა ბოლშევიკების ფრაქციის მიერ შემუშავებულ კონსტიტუციის პროექტს.

საბჭოების V ყრილობამ მუშაობა დაიწყო 1918 წ. 4 ივლისს. მოხსენებით კონსტიტუციის პროექტის შესახებ გამოვიდა ცაკ-ის საკონსტიტუციო კომისიის წევრი ი. მ. სტეკლოვი, მაგრამ ყრილობის მუშაობა შეწყდა, რადგან მემარცხენე ესერებმა ამბოხება მოაწყეს. ისინი სხვა კონტრრევოლუციურ ძალებთან ერთად იარაღით გამოვიდნენ მოსკოვის ქუჩებში საბჭოთა ხელისუფლების დასამხობად.

საბჭოთა არმიამ და შეიარაღებულმა მუშებმა საბჭოების V ყრილობის ბოლშევიკ დელეგატებთან ერთად ადვილად დაძლიეს მემარცხენე ესერების გამოსვლები.

მეხუთე ყრილობის მუშაობა 9 ივლისს განახლდა, ხოლო 10 ივლისს დამტკიცდა პირველი საბჭოთა კონსტიტუცია.

საბჭოების ყრილობის დადგენილებით მემარცხენე ესერები განდევნილ იქნენ საბჭოებიდან, ხოლო ვ. ი. ლენინმა მტკიცედ განაცხადა: „არ შეიძლება ოდნავადაც კი ვენდოთ მემარცხენე — ესერულ გამყვამთა ბრბოს“.

საბჭოთა რუსეთის პირველი კონსტიტუცია მსოფლიოში პირველი სოციალისტური ტიპის კონსტიტუციაა. იგი პირველი იყო არა მარტო საბჭოთა რუსეთისათვის, არამედ საერთოდ რუსეთისათვის, რადგან მანამდე რუსეთს კონსტიტუცია არ ჰქონია.

რსფსრ საბჭოების V ყრილობამ დაავალა რუსეთის განათლების სახალხო კომისარიატს, რომ შემოეღო სკოლებში საბჭოთა კონსტიტუციის ძირითად დებულებათა შესწავლა.

რსფსრ პირველი კონსტიტუცია გახდა ნიმუში მაშინ არსებული დანარჩენი სოციალისტური რესპუბლიკების კონსტიტუციების შემუშავებისათვის.

„ქვეყნად არ ყოფილა ისეთი კონსტიტუციები, როგორც ჩვენი კონსტიტუცია“⁵ — წერდა ვ. ი. ლენინი.

რსფსრ 1918 წლის კონსტიტუცია დაახუსტა და დამტკიცა რსფსრ ცენტრალურმა აღმასრულებელმა კომიტეტმა 1918 წ. 18 ივლისს. იგი დაიბეჭდა მეორე დღეს ვაზეთ „იზვესტია“-ში და იმავე დღიდან შევიდა ძალაში.

68 წელი გვაშორებს ამ ღირსშესანიშნავ თარიღთან. საბჭოთა რუსეთის პირველი კონსტიტუცია შეცვალეს რსფსრ 1925 წლის მაისის, შემდეგ 1937 წლის თებერვლის და, ბოლოს, 1978 წლის აპრილის კონსტიტუციებმა, მაგრამ მას, როგორც პირველს, თავისი ღირსება მაინც შენარჩუნებული აქვს.

პირველი საბჭოთა კონსტიტუციით განმტკიცდა რუსეთის მშრომელთა სრულუფლებიანობა და იგი ხორციელდებოდა საბჭოების მეშვეობით. „რუსეთის რესპუბლიკა — ჩაწერილია მის მე-10 მუხლში — არის რუსეთის ყველა

⁵ ვ. ი. ლენინი, თხზ., ტ. 27, გვ. 665.

⁶ ვ. ი. ლენინი, თხზ., ტ. 28, გვ. 163.

მშრომელთა თავისუფალი სოციალისტური საზოგადოება. რუსეთის სოციალისტური ფედერაციული საბჭოთა რესპუბლიკის ფარგლებში მთელი ხელისუფლება ეკუთვნის ქალაქისა და სოფლის საბჭოებში გაერთიანებულ ქვეყნის მთელ მუშა მოსახლეობას“. კონსტიტუცია აღიარებდა, რომ „მთელი ხელისუფლება ცენტრში და ადგილობრივ ამ საბჭოებს ეკუთვნის“ (მუხ. 1).

კონსტიტუციით რუსეთში დამყარდა „ქალაქისა და სოფლის პროლეტარიატის და უღარიბესი გლეხობის დიქტატურა“ (მუხ. 9), რომლის სახელმწიფო მმართველობის ფორმად აღიარებულ იქნა საბჭოთა რესპუბლიკა. კონსტიტუციის პირველივე მუხლში ჩაწერილია, რომ „რუსეთი ცხადდება მუშათა, ჯარისკაცთა და გლეხთა საბჭოების რესპუბლიკად“.

საბჭოების არჩევნებში მონაწილეობა, იმის უფლება, რომ „აირჩიოს და თვით იქნეს არჩეული საბჭოში“ მხოლოდ მშრომელებს გააჩნიათ (მუხ. 64). კონსტიტუციითვე იყო დადგენილი, რომ სხვები „ვერ აირჩევენ და ვერ იქნებიან არჩეულნი“ (მუხ. 65).

კონსტიტუცია მშრომელებს ანიჭებს სიტყვისა და ბეჭდვითი სიტყვის უფლებას (მუხ. 14), სინდისის თავისუფლებას (მუხ. 13), მიტინგების, დემონსტრაციათა მოწყობის თავისუფლებას (მუხ. 15). შრომის სავალდებულო ხასიათს (მუხ. 18), უფასო განათლების უფლებას (მუხ. 17), ეროვნებათა და რასათა თანასწორუფლებიანობას (მუხ. 22) და ა. შ.

მშრომელთა ამ უფლებების მატერიალური გარანტიებით კონსტიტუცია ზრუნავდა სოციალისტური ეკონომიკის განმტკიცებისათვის. ამ მიზნით იგი აკანონებდა მიწებზე კერძო საკუთრების მოსპობას, ტყეების, მიწის წიაღის, ფაბრიკების, ქარხნების, მაღაროების, ბანკების „საბჭოთა რესპუბლიკის სრულ საკუთრებად“ გამოცხადებას (მუხ. 3) და სხვა.

კონსტიტუციამ განამტკიცა საბჭოთა ფედერალიზმის ლენინური პრინციპები, ერთა თვითგამორკვევა, ნებაყოფლობა და თანასწორუფლებიანობა. კონსტიტუციის მეორე მუხლით „რუსეთის საბჭოთა რესპუბლიკა არსდება თავისუფალ ერთა თავისუფალი კავშირის საფუძველზე, როგორც საბჭოთა ეროვნული რესპუბლიკების ფედერაცია“.

პირველი საბჭოთა კონსტიტუცია სწორედ თავისი ძალით, ავტორიტეტით და გარესამყაროსადმი გავლენით იქცა კაცობრიობის ახალი ისტორიის პირველ გამკვალავად. იგი იყო და კვლავაც რჩება მსოფლიო პროლეტარიატის „სახარებად“. ახლადშექმნილმა სოციალინტურმა ქვეყნებმა, როგორც წესი, პირველი საბჭოთა კონსტიტუციით დადგენილ ლენინურ პრინციპებს შეუხამეს თავიანთი ეროვნული სპეციფიკურობა და ამგვარად შევიდნენ სოციალისტური ქვეყნების მზარდ სისტემაში, რომელთა საბოლოო მიზანიც მშვიდობის დაცვა, სოციალიზმისა და კომუნიზმის მშენებლობაა.



აჭარის პროკურატურის კარგი ტრადიციები

დავით თამაზაშვილი.

აჭარის ასსრ პროკურორი

65 წელი გავიდა მას შემდეგ, რაც აჭარის ავტონომიური სოციალისტური რესპუბლიკა შეიქმნა და დაიწყო აჭარელთა თავისუფალი, ბედნიერი ცხოვრება. ავტონომიურმა მმართველობამ აჭარის მშრომელთა წინაშე ფართოდ გადაშალა პოლიტიკური, ეკონომიკური და კულტურული განვითარების შესაძლებლობანი. განვლილმა წლებმა კი თვალნათლივ დაადასტურეს, რომ არჩეული გზა ერთადერთი და სწორი გზა იყო აჭარისათვის.

დღეს აჭარაში ყოველ ნაბიჯზე იგრძნობა ის უდიდესი ძვრები, რაც სოციალიზმის გამარჯვებამ მოუტანა ადამიანებს. იგი ერთ-ერთი მოწინავე რესპუბლიკაა საბჭოთა კავშირის ძმურ ოჯახში და ქვეყანას აძლევს 70-ზე მეტი დასახელების მანქანებსა და ტექნოლოგიურ მოწყობილობას, ციტრუსისა და ხილის კონსერვებს, ფეხსაცმელს, შეკერილ ნაწარმს, ნავთობპროდუქტებსა და სხვ. ჩვენი ნაწარმი მსოფლიო ბაზარზეც საკმაოდ დიდი ავტორიტეტით სარგებლობს და გვწამს, უფრო მეტ დასახელო გამარჯვებებსაც მივალწევთ. აჭარელებს აქვთ საამისო ძალაც და გამოცდილებაც.

პარტიის მიერ დასახულ გრანდიოზულ ამოცანათა განხორციელების საქმეში ყოველთვის დიდი მნიშვნელობა ენიჭებოდა და დღესაც ენიჭება ავტონომიურ რესპუბლიკაში მართლწესრიგისა და დისციპლინის განმტკიცებას. აქ მთავარი როლი, სხვა ადმინისტრაციულ ორგანოებთან ერთად, აკისრია აჭარის პროკურატურასაც.

როდესაც ვიხსენებთ აჭარის ასსრ პროკურატურის ორგანოების განვლილი 65 წლის მუშაობას, უპირველესად ის ადამიანები უნდა მოვიგონოთ, რომლებიც ავტონომიური რესპუბლიკის პროკურატურის შექმნის პირველი დღეებიდანვე ეწოდნენ რთულ, მაგრამ ნაყოფიერ მუშაობას მართლწესრიგის განმტკიცებისათვის. იუსუფ მახარაძე, ბიქტორ წულუკიძე, გიორგი მიროტაძე, ალი გვარამიშვილი, დიმიტრი ჩხიკვაძე, მიხეილ თუმანიშვილი, შვექეთ ლორთქიფანიძე, ვალერიან ჭიჭიშვილი, ალექსანდრე ნიკოლაიშვილი და სხვები — აი ვინ იღწენ ახლადშექმნილი აჭარის პროკურატურის სათავეებთან. ოცდაათიანი წლებიდან კი, რესპუბლიკის პარტიული ორგანოების რეკომენდაციებით, პროკურატურაში ბევრი ახალგაზრდა, ენერგიული მუშაკი მოვიდა. ესენი იყვნენ: ბენედიქტე კუხიანიძე, ილია შელეგია, შუქრი გოგიტიძე, გრიგოლ სურგულაძე, ალექსანდრე წიტიაშვილი, დავით სალაძე, რიფეთ სურმანიძე, შალვა ცეცხ-

ლაძე, აბდულ სურმანიძე, მუსხეღ ძნელაძე, დავით სამსონია, თამარ გოგუაძე და სხვები. ამავე პერიოდში დაიწყო მუშაობა აჭარის ასსრ პროკურატურის ორგანოებში, შემდგომში აჭარის ასსრ უმაღლესი საბჭოს პრეზიდიუმის თავმჯდომარემ რევაზ კომახიძემ.

დიდი სამამულო ომის წლებში მოქმედ არმიაში იმყოფებოდა აჭარის პროკურატურის ბევრი მუშაკი. მტერთან ბრძოლაში გამოიწვერთნენ რესპუბლიკის პროკურორის თანაშემწე მურად ყურაშუბაძე, უფროსი გამომძიებელი სერგო თალაკვაძე, ბათუმის პროკურორის თანაშემწე სერგო ვანიძე, პროკურატურის გამომძიებლები ნოე ნოზაძე, მურად ნიჟარაძე და სხვები, ზოგიერთმა მათგანმა სამშობლოს დამოუკიდებლობისათვის ბრძოლას შესწირა თავი. მათი სახელები ყოველთვის დიდებითა და პატივისცემით მოიხსენიება პროკურატურის მუშაკთა შორის.

ომის შემდგომი პერიოდის აჭარაში სოციალისტური კანონიერების დაცვასა და განმტკიცებას დიდხანს ხელმძღვანელობდნენ ცნობილი იურისტები: გრიგოლ ბიწაძე, არონ ტაკიძე, ნიკოლოზ დავითაია, მიხეილ ცქიფურიშვილი, გიორგი გოგიტიძე, სოლომონ ნანიტაშვილი.

მადლიერების გრძნობის სიტყვები გვინდა ვუთხრათ უპირველესად იმ ადამიანებს, რომლებიც დიდხანს და უმწიკვლოდ მოღვაწეობდნენ აჭარის პროკურატურის ორგანოებში და იმათაც, ვინც დღესაც სასახელოდ აგრძელებენ თავიანთ რთულ, მაგრამ საპატიო საქმიანობას. ჯემალ ბაჯელიძე, მაკარი ვერულიძე, ლეონიდე ჟვანია, თინა ხვედელიძე, სულიკო ცაგარეიშვილი, ბორის ჩავლეიშვილი, რევაზ მხატვარი, გოდერძი ბორჩხაძე, კუკური თენიეშვილი, გენადი ცინცაბაძე — აი ვის ეყრდნობა დღეს აჭარის პროკურატურა. აქვე თბილად უნდა მოვიგონოთ ჩვენგან უდროოდ წასული მეგობარი კოლეგები გიორგი მეგრელიძე და ვახტანგ დონდლაძე.

პროკურატურის ორგანოებში ხანგრძლივი და ნაყოფიერი მუშაობისათვის აჭარის პროკურატურის ათ მუშაკს მინიჭებული აქვს საქართველოს სსრ და აჭარის ასსრ დამსახურებული იურისტის საპატიო წოდება. ბევრი მათგანი წახალისებულაა აგრეთვე სსრ კავშირის გენერალური პროკურორისა და საქართველოს სსრ პროკურორის მაღლობებით, ფასიანი საჩუქრებით.

აჭარის ასსრ პროკურატურა დღეისათვის მხოლოდ უმაღლესი იურიდიული განათლების მქონე მუშაკებით არის დაკომპლექტებული, მათგან 94 პროცენტი სკკპ წევრია, ცენტრალური აპარატის ორი მუშაკი კი იურიდიულ მეცნიერებათა კანდიდატი. მოწინავეთა შორის მოწინავენი არიან რესპუბლიკის პროკურორის მოადგილე ამირან ვერულიძე, განყოფილებათა უფროსები ვაჟა კვარცხელია და გივი დიასამიძე, რესპუბლიკის პროკურორის უფროსი თანაშემწე ივანე გაბაიძე, თანაშემწე ანფისა ილინა, ხულოსა და ქედის პროკურორები როინ აბულაძე და გივი აბაშიძე, ქობულეთის პროკურორის მოადგილე როსტომ ჯაფარიძე, ბათუმის პროკურატურის უფროსი გამომძიებელი ზურაბ გოთუა და სხვები, ნაყოფიერად მუშაობენ ტექნიკური მუშაკები როზა გუნია, თამარ ინასარიძე, დურსუნ კოკობინაძე.

ვაფასებთ რა მართლწესრიგის განმტკიცების საქმეში მოპოვებულ წარმატებებს, ამასთან ერთად ვგრძნობთ იმ ნაკლოვანებებსა და ხარვეზებსაც,

რაც ჯერ კიდევ შეინიშნება ჩვენს მუშაობაში. აპიტომ გავიხადეთ დევინად სკკპ ცენტრალური კომიტეტის გენერალური მდივნის მ. ს. გორბაჩოვის სიტყვები, რომელიც მან იენისის პლენუმზე თქვა: „...განუხრელად უნდა ვიცავდეთ ჩვენს მთავარ სოციალისტურ პრინციპს — ყოველნაირად ვუჭრდეთ მხარს და ვახალისებდეთ პატიოსან და კეთილსინდისიერ შრომას, ვეწოდეთ უკომპრომისო ბრძოლას ყველა პარაზიტი ელემენტის, იმათ წინააღმდეგ ვინც ცდილობს იცხოვროს სხვის ხარჯზე, საზოგადოების ხარჯზე“.

სამწუხაროდ, ჯერ კიდევ ხშირია ფაქტები. როცა ცალკეული ადამიანები იმას ცდილობენ რაც შეიძლება მეტი წაგლიჯონ საზოგადოებას, სამაგიეროდ კი ნაკლები მისცენ მას, ცხოვრობენ უშრომელი შემოსავლით, ეწევიან დატაცებას, სპეკულაციას, მეჭრთამეობას, არ ერიდებიან მახინჯ გამოვლინებებს. სკკპ ცენტრალური კომიტეტის დადგენილება „უშრომელი შემოსავლის წინააღმდეგ ბრძოლის გაძლიერების ღონისძიებათა შესახებ“ სწორედ ასეთი მოვლენების აღმოსაფხვრელადაა გამიზნული და მისი ცხოვრებაში დანერგვა ყველა პატიოსანი მოქალაქის ვალია. ახლადმიღებული კანონები და მათი რეალიზაცია კი ნიშნავს საიმედოდ გადაუღობოთ გზა იმათ, ვინც სხვების ხარჯზე ცხოვრობს, უკანონოდ მდიდრდება და არაფრად უღირს საზოგადოებრივი აზრი.

პარტია დღეს ჩვენგან სწორედ იმას მოითხოვს, რაც ასრ კავშირის უმაღლესი საბჭოს პრეზიდიუმის შესაბამისი ბრძანებულებით დაკანონდა და რაშიც კიდევ უფრო გაიზარდა პროკურატურის ორგანოების ისედაც დიდი პასუხისმგებლობა.

აჭარის ასსრ პროკურატურის ორგანოების მუშაკებს შესწევთ იმის უნარი, რომ წარმატებით განაგრძონ წინამორბედთა ტრადიციები, ერთგულად ემსახურონ სოციალისტურ კანონიერებას და ღირსეული წვლილი შეიტანონ სკკპ 27-ე ყრილობის ისტორიულ გადაწყვეტილებათა განხორციელებაში.



სოციალური უზრუნველყოფის გზები და აპოცანები

პარლმ გარდაფხაძე,

საქართველოს სსრ სოციალური უზრუნველყოფის მინისტრი

ჩვენი ქვეყნის მშრომელებმა ფართოდ და ღირსეულად აღნიშნეს სახელმწიფო პენსიების კანონის 30-ე წლისთავი. როგორც ცნობილია, სხვა უმნიშვნელოვანეს მონაპოვართან ერთად, სოციალური უზრუნველყოფის საბჭოთა სისტემა ყველაზე დემოკრატიული და ჰუმანური კანონია მსოფლიოში, რადგან იგი ოქტომბრის რევოლუციის შემდეგ იშვა.

სოციალური უზრუნველყოფის საბჭოთა სისტემის შექმნა განუხრებლად არის დაკავშირებული ვ. ი. ლენინის სახელთან. მის მიერ ჩამოყალიბებულ ფუძემდებელ პრინციპებს ამ მხრივ დღესაც არ დაუკარგავთ მნიშვნელობა, კომუნისტური პარტია, საბჭოთა მთავრობა ყოველთვის უდიდეს ყურადღებას უთმობენ მას.

პარტიის მიერ გაწეული უდიდესი მუშაობა, პრინციპულად ახალი სოციალური უზრუნველყოფის სისტემის შექმნისათვის, საბოლოოდ განამტკიცა სახელმწიფო პენსიების ახალმა კანონმა, რომელიც 1956 წლის 14 ივლისს იქნა მიღებული. საბჭოთა ადამიანებზე ჭეშმარიტი ზრუნვით გამსჭვალული ეს კანონი საფუძვლად დაედო ჩვენი ქვეყნის მოსახლეობის საპენსიო უზრუნველყოფის ერთიან სისტემას.

ჩვენს ქვეყანაში მომხდარმა გრანდიოზულმა სოციალურ-პოლიტიკურმა და ეკონომიკურმა ცვლილებებმა განაპირობა მუშა-მოსამსახურეთა, კოლმეურნეთა და მათი ოჯახების წევრთა სოციალური უზრუნველყოფის შემდგომი გაფართოება და სრულყოფა. ამან მკაფიო ასახვა ჰპოვა ჩვენი ქვეყნის ძირითად კანონში, სსრ კავშირის ახალ კონსტიტუციაში, რომლის 35-ე, 43-ე და 53-ე მუხლებში პირდაპირაა აღნიშნული, რომ სსრ კავშირის მოქალაქეებს აქვთ მატერიალური უზრუნველყოფის უფლება სიბერეში, ავადმყოფობის, შრომისუნარიანობის მთლიანად ან ნაწილობრივი დაკარგვის შემთხვევაში, მოზარდი თაობის სწავლა-აღზრდის სრულყოფილი პირობების შესაქმნელად ნაკლებადუზრუნველყოფილი ოჯახებისათვის დაწესებულია სხვადასხვა სახის დახმარებები და შეღავათები.

კონსტიტუცია არა მარტო აღიარებს მოქალაქეთა სოციალური უზრუნველყოფის უფლებას, არამედ, აკანონებს მის პრაქტიკულ განხორციელებას,

უზრუნველყოფს მუშა-მოსამსახურეთა და კოლმეურნეთა სოციალურ დაზღვევას, სხვადასხვა სახის პენსიებისა და დახმარებების გაცემას სახელმწიფოსა და კოლმეურნეობების ხარჯზე. არც ერთი კაპიტალისტური სახელმწიფოს კონსტიტუცია არ იძლევა მშრომელთა სოციალური უზრუნველყოფის ასეთ გარანტიას.

სოციალური უზრუნველყოფის საბჭოთა სისტემას მრავალი უპირატესობა აქვს კაპიტალისტურ ქვეყნებში მოქმედ სისტემებთან შედარებით:


ჩვენს ქვეყანაში სოციალური უზრუნველყოფა ვრცელდება, როგორც მუშა-მოსამსახურეებსა და კოლმეურნეებზე, ისე მათი ოჯახების წევრებზე. ე. ი. მას საერთო სახალხო ხასიათი აქვს. სულ სხვა მდგომარეობაა კაპიტალისტურ ქვეყნებში. 1985 წლის ბოლოსათვის მსოფლიოს 36 სახელმწიფოში არ იყო შემოღებული საპენსიო უზრუნველყოფა, ხოლო 21-ში საერთოდ არ იყო დაწესებული სოციალური უზრუნველყოფის არც ერთი სახეობა. განვითარებულ კაპიტალისტურ ქვეყნებში, სხვადასხვა შეზღუდვების გამო, პენსიადანხმარებებს ვერ იღებს მშრომელთა დიდი ნაწილი. ამერიკის შეერთებულ შტატებში პენსიებისა და დახმარებების გარეშეა დარჩენილი რამოდენიმე მილიონი მოქალაქე, ხოლო 10 მილიონზე მეტ ვეტერანს მნიშვნელოვნად შეუმცირდა იგი.

ამასწინათ კი რეიგანის ადმინისტრაციამ მცრეწლოვან ბავშვებთან ოჯახებსაც შეუმცირა დახმარება 14 პროცენტით. „ბავშვთა დაცვის ფონდის“ ამერიკის ორგანიზაციის დირექტორმა მ. ედელმანმა კონგრესის სხდომაზე დაუფარავად აღიარა: „ამერიკის შეერთებულ შტატებში ოთხმოციან წლებში დაბადებულთ საშიშროება ემუქრებათ. ამერიკელი ბავშვები დღეს გაცილებით უფრო მეტად, ვიდრე ოთხი წლის წინათ, შიმშილისა და სიღატაკისგან იტანჯებიან. გაცილებით ხშირია მათ შორის სიკვდილიანობის შემთხვევები“.

ჩვენს ქვეყანაში სოციალური უზრუნველყოფა ხორციელდება სახელმწიფო და საზოგადოებრივი სახსრების ხარჯზე, მშრომელთა ყოველგვარი შენატანების გარეშე. კაპიტალისტურ ქვეყნებში კი პენსიებისა და დახმარებების მისაღებად მშრომელებს მნიშვნელოვან თანხებს უკავებენ სადაზღვევო შენატანების სახით. ეს თანხები ამერიკის შეერთებულ შტატებში და იაპონიაში შეადგენს დაახლოებით ხელფასის 9 პროცენტს, ავსტრიაში — 12,9, გერმანიის ფედერაციულ რესპუბლიკაში 17,0, ჰოლანდიაში — 21,5 პროცენტს. სახელმწიფოსა და კერძო მესაკუთრეთა მონაწილეობა სოციალური სფეროს დარგში აქ მეტად უმნიშვნელოა.

ზოგიერთ კაპიტალისტურ ქვეყანაში პენსიის მისაღებად აუცილებელია არა მარტო შრომის, არამედ დაზღვევის სტაჟიც. მაგალითად, ასაკობრივი სრული პენსიის მისაღებად იტალიაში, საჭიროა სადაზღვევო შენატანების გადახდის 40, გერმანიის ფედერაციულ რესპუბლიკაში — 50, ინგლისში 52 წლის სტაჟი.

ერთ-ერთი უპირატესობა სოციალური უზრუნველყოფის საბჭოთა სისტემისა ისიც არის, რომ ჩვენთან პენსიის განსაზღვრა ხდება დიფერენცირებულად, მოქალაქეთა მიერ შესრულებულ სამუშაოთა ოდენობის, ხარისხისა და შრომის პირობების შესაბამისად. ყველა შემთხვევაში პენსიის ოდენობის დად-



გენისას უპირატესობა ეძლევათ იმ მოქალაქეებს, რომლებიც უფრო მეტს, უკეთ და შრომის მძიმე პირობებში მუშაობდნენ.

პენსია-დახმარებები საბჭოთა მოქალაქეებს ენიშნებათ და ეძლევათ ავადმყოფობის, მოხუცებულობის, ინვალიდობის, მარჩენალის დაკარგვის დროს და ა. შ. მსოფლიოს 80 ქვეყანაში საერთოდ არ არის შემოღებული დახმარება დროებითი შრომისუუნარობის დროს. უფრო მეტიც, ამერიკის შეერთებული შტატების 52 შტატიდან მხოლოდ ექვსგან არის დაკანონებული ასეთი დახმარების გაცემა.

მშრომელთა სოციალური უზრუნველყოფა და მომსახურება ჩვენს ქვეყანაში მართლაც მრავალფეროვანია, პენსია-დახმარებების გარდა გათვალისწინებულია აგრეთვე ინვალიდთა და მარტოხელა შრომისუუნარო მოქალაქეთა მატერიალურ-საყოფაცხოვრებო პირობების გაუმჯობესება სახელმწიფო ხარჯზე, მოხუცთა და ინვალიდთა მოვლა-პატრონობა სახლ-ინტერნატებში, უფასო საპროთეზო-ორთოპედიული და რიგი სხვა სახის სოციალური დახმარებები და სხვ.

მსოფლიოს 80-ზე მეტ კაპიტალისტურ ქვეყანაში, მათ შორის ამერიკის შეერთებულ შტატებში, საერთოდ არ არის შემოღებული საოჯახო დახმარებები, 21 ქვეყანაში მშრომლებს უარს ეუბნებიან კომპენსაციაზე შრომითი დასახიჩრებისა და პროფდაავადების დროს.

სოციალური უზრუნველყოფის საბჭოთა სისტემის უპირატესობა ისიც არის, რომ ჩვენს ქვეყანაში ყველაზე დაბალია პენსიაზე გასვლის ასაკი — 55 წელი ქალების და 60 წელი მამაკაცებისათვის. ფეიქარ და მექანიზატორ ქალებს, მეტალურგიულ, ქიმიურ, სამთამადნო საწარმოებში მომუშავეებს, უკიდურეს ჩრდილოეთში ხანგრძლივად მომუშავეებს და ომის ინვალიდებს პენსიაზე შეუძლიათ უფრო ადრეც გავიდნენ, კერძოდ — მამაკაცები 50-55 წლის და ქალები 45-50 წლის ასაკში.

ამერიკის შეერთებულ შტატებში, შვეციაში და ფინეთში, როგორც მამაკაცებისათვის, ასევე ქალებისათვის საპენსიო ასაკად დაწესებულია 65, ისლანდიასა და დანიაში — 67, ხოლო ირლანდიაში — 68 წელი.

მოსახლეობის სოციალური უზრუნველყოფა, როგორც ჩვენი საზოგადოებრივი ცხოვრების შემადგენელი ნაწილი, სისტემატურ სრულყოფასა და განვითარებას განიცდის. სახელმწიფო პენსიების კანონის მიღების შემდეგ თითქმის არ ყოფილა არც ერთი წელი, რომ სკკპ ცენტრალურ კომიტეტსა და სსრ კავშირის მინისტრთა საბჭოს არ მიეღოთ რაიმე ახალი დადგენილება ამ კანონის შესავსებად და გასაძლიერებლად.

საპენსიო კანონმდებლობა ძირითადად ორი მიმართულებით ვითარდება. ერთის მხრივ, საპენსიო უფლებები ენიჭებათ იმათ, ვინც ადრე არ სარგებლობდნენ ამ უპირატესობებით, ხოლო მეორის მხრივ, პენსია-დახმარებების მიმღებთა გარკვეული კატეგორიისათვის წესდება საპენსიო უზრუნველყოფის უფრო მაღალი დონე და შეღავათებები.

პარტიისა და მთავრობის ყოველდღიური განუხრელი ზრუნვის შედეგად ჩვენს ქვეყანაში ნათლად შეიმჩნევა მოსახლეობის სოციალური უზრუნველ-

ყოფის გაუმჯობესება. გატარებული ღონისძიებების შედეგად, ბოლო ხუთწლედში მნიშვნელოვნად გაიზარდა მუშა-მოსამსახურეთა და კოლმეურნეთა მინიმალური პენსიები, (მათ შორის კოლმეურნეთა პენსიები 50 პროცენტით), 25 წლის უწყვეტი სტაჟისათვის პენსიის დანამატი, ბავშვობიდან ინვალიდთა და მარტოხელა მოქალაქეთა დახმარებები და სხვა, გაუმჯობესდა მარტოხელა ბავშვიანი ქალებისა და მცირე შემოსავლიანი ბავშვებიანი ოჯახების მატერიალური მდგომარეობა, სახლ-ინტერნატებში მცხოვრებ მოხუცთა და ინვალიდთა მომსახურება, ქვანახშირის, ფიქალის და მეტალურგიული მრეწველობის სხვადასხვა კატეგორიის მუშაკების მაქსიმალური პენსიის ოდენობა გადიდდა 120 მანეთიდან 160 მანეთამდე.

საყოველთაო პატივისცემით არიან გარემოსილნი დიდი სამამულო ომის ვეტერანები. მათი საპენსიო უზრუნველყოფის, საყოფაცხოვრებო და სამედიცინო მომსახურების, შრომითი მოწყობის გაუმჯობესებისათვის შეიქმნა შეღავათებისა და უპირატესობათა მინიჭების ერთიანი სისტემა. ომის ინვალიდთა საშუალო პენსია ორჯერ და მეტად გაიზარდა. 1985 წელს ჩვენს რესპუბლიკაში პენსიების სახით მათზე 42 მილიონ მანეთზე მეტი გაიცა, ომის ვეტერანებმა ისარგებლეს 7 მილიონამდე მანეთის სხვადასხვა შეღავათით.

სამამულო ომის ინვალიდებს შეღავათები ეძღვათ არა მარტო პენსიის დანიშვნის, არამედ პენსიის გაცემის დროსაც. I და II ჯგუფის ყველა მომუშავე ინვალიდი და III ჯგუფის ინვალიდთა აბსოლუტური უმრავლესობა მთლიანად იღებს პენსიას იმის მიუხედავად, თუ რამდენი აქვს მას ძირითადი ხელფასი ან სხვა შემოსავალი.

სოციალური უზრუნველყოფა საპენსიო უზრუნველყოფასთან ერთად გულისხმობს ხანდაზმულთა და ინვალიდთა მომსახურების მთელ კომპლექსს. აქ შედის მრავალშვილიანი ოჯახების, მარტოხელა დედებისა და ბავშვობიდანვე ინვალიდებისათვის დახმარების გაწევის, შეღავათებისა და უფასო მომსახურების ფართო სისტემა. სახელმწიფო მნიშვნელოვან დახმარებას უწევს მცირე შემოსავლიან ოჯახებსაც. მხოლოდ ამ მიზნით სახელმწიფო ყოველწლიურად მილიარდ მანეთზე მეტს ხარჯავს.

დღეს სსრ კავშირში პენსია-დახმარებას იღებს 56 მილიონი კაცი, თითქმის ყოველი მეხუთე მოქალაქე და საამისოდ სახელმწიფო აურაცხელ სახსრებს გამოჰყოფს. მოსახლეობის სოციალურ უზრუნველყოფას 1985 წელს 57 მილიარდ მანეთზე მეტი მოხმარდა, აქედან 42 მილიარდი მანეთი პენსიებად გაიცა.

მოსახლეობის სოციალური უზრუნველყოფის შემდგომი გაუმჯობესების თვალსაზრისით კარგი მაჩვენებლები გვაქვს საქართველოშიც. 1986 წლის 1 იანვრისათვის ჩვენს რესპუბლიკაში პენსია-დახმარებებს მილიონზე მეტი მოქალაქე იღებდა. 1985 წელს სოციალურ უზრუნველყოფაზე დაეხარჯეთ 890 მილიონ მანეთზე მეტი, რაც თითქმის 200 მილიონით აღემატება ამ დანიშნულებით 1980 წელს გამოყენებულ სახსრებს. აღსანიშნავია, რომ წლიდან წლამდე იზრდება არა მარტო პენსიების მიმღებთა რაოდენობა, არამედ საშუალო პენსიის ოდენობაც.

ქვეყნის მოსახლეობის სოცურუნველყოფის შემდგომი სრულყოფისა და განვითარების ჭეშმარიტად გრანდიოზული ამოცანები დასახა პარტიის XXVII ყრილობამ. „ჩვენს საქმეში, — აღნიშნა ამხანაგმა მ. ს. გორბაჩოვმა, — დიდი ადგილი უნდა დაიკავოს უფროსი თაობის, ომისა და შრომის ვეტერანებისათვის ზრუნვამ. პარტია, საბჭოთა სახელმწიფო ყოველ ღონეს იხმარენ, რათა პენსიონერთა მატერიალური კეთილდღეობა უმჯობესდებოდეს საზოგადოებრივი დოვლათის ზრდასთან ერთად“.

მეთორმეტე ხუთწლედში გათვალისწინებულია გადიდდეს მუშა-მოსამსახურეთა ასაკისა და ინვალიდობის პენსიების მინიმალური ოდენობა. კოლმეურნეთათვის წინათ დანიშნული პენსიები, ბავშვიანი ოჯახებისა და ბავშვობიდან ინვალიდებისათვის დანიშნული დახმარებები, გაუმჯობესდეს შრომისა და ომის ვეტერანთა სოციალურ-საყოფაცხოვრებო მომსახურება, გაფართოვდეს მარტოხელა ხანდაზმულ და შრომისუუნარო მოქალაქეთა შინ მომსახურება, გაიზარდოს სახლ-ინტერნატთა ქსელი, არსებითად გარდაიქმნას იქ მცხოვრებთა სამედიცინო და საყოფაცხოვრებო მომსახურება. ამ ამოცანათა პრაქტიკული განხორციელებისათვის სახელმწიფო ყოველწლიურად დამატებით გამოყოფს ათეულ მილიარდ მანეთს.

დასახული ამოცანები ჭეშმარიტად მასშტაბური და შთამბეჭდავია. მათი განხორციელება მოითხოვს სოციალური უზრუნველყოფის ყველა ორგანოს, ყოველი მუშაკის მუშაობის სრულყოფასა და გარდაქმნას, ჯერ კიდევ არსებული ნაკლოვანებებისა და ხარვეზების აღმოფხვრას.

საქართველოს სსრ სოციალური უზრუნველყოფის სამინისტროს სისტემის მუშაკები საამისოდ მზად არიან.



ხელნაწილს სასამართლო ექსპერტიზა მართლმსაჯულების სამსახურში

თინა ანდრიაშვილი,

საქართველოს სსრ იუსტიციის სამინისტროს სასამართლო ექსპერტიზის ცენტრალური რესპუბლიკური სამეცნიერო კვლევითი ლაბორატორიის განყოფილების უფროსი

სკკპ XXVII ყრილობის ისტორიულ გადაწყვეტილებებში ჯეროვანი ადგილი უკავია სოციალისტური კანონიერების შემდგომი განმტკიცების საკვანძო საკითხებს. სამართალდაცვით ორგანოებს პარტია ავალებს სახელმწიფო დოვლათის მტკიცედ დაცვას, დამტაცებლების, მექრთამეების, მომხვეჭელებისა და სხვა ჯურის დამნაშავეთა დროულად გამოვლენას და საკადრისად დასჯას.

დანაშუღთან ბრძოლის საქმეში განუზომლად დიდი როლი ენიჭება სამეცნიერო-ტექნიკური პროგრესის დაჩქარებას, მეცნიერებისა და ტექნიკის მიღწევითა დაწერგვას კრიმინალისტიკაში და მათ გამოყენებას პრაქტიკაში.

სისხლისა და სამოქალაქო სამართლის საქმეთა გამოკვლევა-განხილვის დროს, ამა თუ იმ კონკრეტული საკითხის სრულყოფილად გადაწყვეტისათვის ხშირ შემთხვევაში აუცილებელია სპეციალური ცოდნა, პროფესიულ დონეზე სასამართლო ექსპერტიზის ჩატარება. ჭეშმარიტების დასადგენად მნიშვნელოვანი როლი ენიჭება კრიმინალისტიკურ ექსპერტიზას.

ხაზგასმით უნდა აღინიშნოს, რომ ექსპერტიზის მრავალ სახეობათა შორის ყველაზე უფრო გავრცელებულია ხელწერის სასამართლო ექსპერტიზა და, როგორც პრაქტიკა გვიჩვენებს, ამ სახეობის ექსპერტიზა შეიცავს მნიშვნელოვან ფაქტობრივ მონაცემებს სოციალისტური საკუთრების დაცვებისა და სამოქალაქო საქმეების განხილვის დროს.

გავიხსენოთ რესპუბლიკაში საკმაოდ განმარტებული სისხლის სამართლის საქმე შამპანურ-ღვინოების ქარხანაში სახელმწიფო ქონების დიდი ოდენობით დატაცების შესახებ, რომლის გამოძიება-განხილვის დროს დიდი როლი ითამაშა ხელწერის სასამართლო ექსპერტიზის დასკვნებმა. ძალიან ბევრ საბუთზე დადგინდა ციფრობრივი და ტექსტობრივი ჩანაწერებისა და ხელმოწერების სინამდვილე.

მრავალი მაგალითის მოყვანა შეიძლება საქსპერტო პრაქტიკიდან, როცა დამნაშავენი გამოვლინდნენ დროული და ხარისხიანი ექსპერტიზის ჩატარების წყალობით. მაიაკოვსკის რაიონის სოფ. ფერსათში მცხოვრები მოქალაქე ი. ჯ. სისტემატურად იღებდა უსახელო წერილებს, რითაც ბოროტმოქმედი ემუქრებოდა ავტომანქანის განადგურებით და სიცოცხლის მოსპობით, თუ დასახელებულ ადგილზე ფულს არ დადებდა ქვის ქვეშ. აღნიშნულ საქმესთან დაკავშირებით ჩატარდა ხელწერის სასამართლო ექსპერტიზა და გაიცა კატეგორიული დასკვნა, რომ მუქარის წერილები შესრულებულია თ. ს. მიერ. ამასთან დაკავშირებით მაიაკოვსკის რაიონის პროკურატურიდან მივიღეთ წერილი,

სადაც ნათქვამია: „დასკვნა ზუსტად დაემთხვა საქმეში არსებულ სხვა მასალებს. ექსპერტიზის დასკვნამ გადაწყვეტი როლი შეასრულა ობიექტური კვლევების დადგენის საქმეში. ექვმიტანილები უარყოფდნენ მათ მიერ ჩადენილ დანაშაულს, ხოლო დასკვნის გაცნობის შემდეგ, მოლიანად აღიარეს ჩადენილი დანაშაული.“

სისტემატიურად იზრდება ხელწერის სასამართლო ექსპერტიზის წინაშე გადასაწყვეტად დასმული საკითხების რაოდენობა. მაგალითად, 1983 წელს ექსპერტის წინაშე გადასაწყვეტად დასმულ საკითხებზე 3963 კატეგორიული პასუხი ვაიცა, 1984 წელს — 6720 საკითხზე, ხოლო 1985 წელს — 9267 საკითხზე. აქვე უნდა ითქვას, რომ ექსპერტების წინაშე გადასაწყვეტად დასმულ საკითხებზე ყოველთვის როდია შესაძლებელი კატეგორიული ფორმით პასუხის გაცემა, რადგან ექსპერტიზის დასკვნების ეფექტიანობა და ხარისხი ბევრად არის დამოკიდებული თვით გამოსკვლევ ობიექტზე და საქსპერტო მასალის სრულყოფილებაზე.

საექსპერტო პრაქტიკაში ხშირია შემთხვევები, როდესაც ექსპერტიზის ჩატარებლად არასრულყოფილად წარმოდგენილი მასალა საქმის შეჩერების საბაბი გამხდარა დამატებითი მასალის (ნიმუშების) წარმოდგენამდე, რაც იწვევს საქმის გაჭიანურებას (საგამომძიებო და სასამართლო ვადის დარღვევას) და ზოგიერთ შემთხვევაში, საქმის შეუსრულებელი სახით დაბრუნებას. მაგალითად, ხელწერის სასამართლო ექსპერტიზის ჩატარებლად შემოვიდა სამოქალაქო საქმე სახელმწიფო სანოტარო კანტორასთან ანდერძის ბათილად ცნობის შესახებ. საექსპერტო მასალის შესწავლის შემდეგ გამოიკვია, რომ საქმეში იყო ორი ანდერძი (შედგენილი სხვადასხვა წლებში), ერთი დამოწმებული შინაურული წესით, მეორე სანოტარო წესით. განჩინებაში არაფერი იყო ნათქვამი, თუ რომელ ანდერძზე აინტერესებდა სასამართლოს ხელმოწერის გამოკვლევა. წარმოდგენილი იყო მხოლოდ ერთი ნიმუში და ისიც შედარებით კვლევისათვის გამოუსადეგარი (გამოსაკვლევ ხელმოწერასა და ნიმუშს შორის დროის შუალედი იყო 28 წელი). საქმე შეჩერდა, გაიგზავნა წერილი, სადაც დეტალურად იყო მითითებული ყველა იმ საჭირო მასალის თაობაზე, რაც აუცილებელია ხელწერის სასამართლო ექსპერტიზის სრულყოფილად ჩატარებისათვის. წერილში მითითებული ვადა ამოიწურა და საქმე დაბრუნდა შეუსრულებელი სახით. აღნიშნული საქმე განმეორებით შემოვიდა კვლავ არასრულყოფილად. ბოლოს, როგორც იქნა მივალწიეთ, რომ შედარებით სრულყოფილი მასალა მიგვეღო, ჩატარდა ექსპერტიზა და ვაიცა სათანადო დასკვნა.

აქედან ცხადად ჩანს, რომ ხელწერის სასამართლო ექსპერტიზის სრულყოფილად ჩატარებისათვის საჭიროა სასამართლო-საგამომძიებო ორგანოებმა ვაითვალისწინონ, რომ დადგენილებაში (განჩინებაში) ექსპერტების წინაშე გადასაწყვეტად დასმული საკითხი კონკრეტულად უნდა იყოს ჩამოყალიბებული, ე. ი. რის დადგენა სურთ, აგრეთვე ზუსტად მიუთითონ, თუ რომელი საბუთია გამოსაკვლევია, სად არის განლაგებული გამოსაკვლევია ხელმოწერები და ა. შ. ამასთან, თუ გამოსაკვლევია არა მთლიანი ტექსტი, არამედ რომელიმე ფრაგმენტი (ფრაგმენტები), მინაწერი, თარიღი და სხვ., ყოველივე ამის შესახებ უნდა მიეთითოს ზუსტად. თუ ხელმოწერა შესრულებულია გამოგონილი პირის მიერ, აღნიშნული უნდა იყოს დადგენილებაში (განჩინებაში). გამოსაკვლევად უნდა წარმოადგინონ საბუთის დედანი, თუ არსებობს საბუთის რამდენიმე ეგზემპლარი, აუცილებელია პირველი პირის წარმოდგენა. ექსპერტიზა ფოტო-

პირზე შეიძლება ჩატარდეს მხოლოდ გამონაკლის შემთხვევაში, ე. ი. თუ საბუთის დედანი განადგურებულია, ან ხელმოწერა (ჩანაწერი) შესრულებულია უჩვეულო საგანზე — კედელზე, გვამზე და ა. შ. ამის შესახებ, ცხადია, ნათქვამი უნდა იყოს დადგენილებაში (განჩინებაში).

გამოსაკვლევ საბუთებს თან უნდა ახლდეს ეჭვიანილი პირის (პირთა) ხელწერის (ხელმოწერის) სამი სახის ნიმუში:

თავისუფალი ნიმუშები — ხელნაწერი ტექსტები (ხელმოწერები), რომლებიც შესრულებულია იმ საქმის დამოუკიდებლად, რომელზეც ტარდება ექსპერტიზა, ე. ი. ამ ტექსტების (ხელმოწერების) შემსრულებელ პირს არ შეეძლო გაეთვალისწინებინა, რომ მის მიერ შესრულებული ხელნაწერები (ხელმოწერები) საჭირო გახდებოდა შედარებითი კვლევისათვის (პირადი და სამსახურებრივი მიმოწერები, ჩანაწერები და ა. შ.). თავისუფალი ნიმუშების შერჩევისას უნდა შემოწმდეს მათი ნამდვილობა, ე. ი. უნდა დადგინდეს ხელნაწერები ნამდვილად იმ პირს ეკუთვნის თუ არა.

ექსპერიმენტული ნიმუშები — ხელნაწერი ტექსტები (ხელმოწერები), რომლებიც სრულდება გამომძიებლის (მოსამართლის) მითითებით სპეციალურად ექსპერტიზის ჩასატარებლად.

იმ შემთხვევაში თუ გამოსაკვლევი ხელნაწერი შესრულებულია ბეჭდვით შრიფტზე მიმსგავსებით ან მარცხენა ხელით, მაშინ ეჭვიანილი პირს ხელნაწერის ნიმუშები უნდა ჩამოერთვას ბეჭდვით შრიფტზე მიმსგავსებით ან მარცხენა ხელით, (შესაბამისად გამოსაკვლევი ხელნაწერისა). ცხადია, არ უნდა მივცეთ საშუალება, რათა გადაიწეროს გამოსაკვლევი ტექსტიდან.

პართბითად თავისუფალი ნიმუშები — ხელნაწერები (ხელმოწერები), რომლებიც შესრულებულია იმ საქმესთან დაკავშირებით, რომელზეც ტარდება ექსპერტიზა. (ახსნა-განმარტებები, განცხადებები, საჩივრები და ა. შ.).

საერთოდ, ნიმუშების წარმოდგენისას საჭიროა გაითვალისწინონ, რომ რაც უფრო მცირეა გამოსაკვლევი ჩანაწერები, მით მეტი ნიმუშების წარმოდგენა საჭირო.

ციფრობრივი ჩანაწერების გამოკვლევების შემთხვევაში, აუცილებელია თავისუფალი ნიმუშები წარმოვადგინოთ ტექსტების სახით, რომლებიც შეიცავენ აგრეთვე ციფრობრივ ჩანაწერებსაც. სასურველია, რომ ციფრობრივი ჩანაწერები და ხელმოწერები ანალოგიურად შესრულებული იყოს ამდაგვარ საბუთებზე, როგორც გამოსაკვლევი საბუთებია.

განსაკუთრებული ყურადღება უნდა მიექცეს თავისუფალი ხელმოწერის ნიმუშების ამოღებას, ისინი უნდა შეიცავდეს ყველა ვარიანტის ხელმოწერებს, რომლებსაც ფლობს პირი (ხელმოწერები ინიციალებით, მათ გარეშე, მთლიანი, შემოკლებით და ა. შ.). უნდა შეირჩეს მიახლოებით ისეთი ტრანსკრიფციის, როგორც არის გამოსაკვლევი ხელმოწერა.

განმეორებითი ექსპერტიზის დანიშვნის დროს წარმოდგენილი უნდა იყოს პირველადი ექსპერტიზის დასკვნა და ყველა ის მასალა, რომელიც გამოყენებული იყო პირველადი ექსპერტიზის ჩატარებისას, რათა ექსპერტს საშუალება ჰქონდეს იმსჯელოს იმის შესახებ, თუ რის შედეგად გაკეთდა პირველი დასკვნა. ეს განსაკუთრებით საჭიროა მაშინ, თუ განმეორებითი დასკვნა პირველის საწინააღმდეგოა, რაც საექსპერტო პრაქტიკაში, მართალია, იშვიათია, მაგრამ არ არის გამორიცხული.



ყოველივე ამის გათვალისწინებით, სასამართლო-საგამომძიებლო ორგანოებს საშუალება ექნებათ უფრო ფართოდ ისარგებლონ ხელწერის სასამართლო ექსპერტიზის დასკვნებით.

აქვე უნდა აღინიშნოს, რომ გარდა ტრადიციული მეთოდებისა, საექსპერტო პრაქტიკაში დამუშავებული და დანერგულია:

1. განგებ შეცვლილი ხელის ფაქტის დადგენის მოდიფიცირებული მეთოდია;

2. სწრაფ ტემპში (გაკრული ხელით) ჩვეული და განგებ შეცვლილი ხელით შესრულებული, საშუალო და დიდი ზომის ტექსტების ხელწერის სასამართლო ამოცანების გადაწყვეტის კომპლექსური მეთოდია;

3. ხელწერის სასამართლო დიაგნოსტიკურ ამოცანათა გადაწყვეტის მეთოდია;

4. ხანში შესულ და მოხუცებულობის ასაკის პირთა ხელმოწერების კრიმინალისტიკური გამოკვლევის მეთოდია;

5. ხელნაწერი ტექსტის შემსრულებელი პირის სქესის დადგენა;

6. ჩვეული და წინასწარი ვარჯიშის შედეგად მიმსგავსებით შესრულებული ხელმოწერების დიფერენციაცია.

ჩამოთვლილი მეთოდების გამოყენება საექსპერტო პრაქტიკაში დასაშვებია მხოლოდ მათთვის აუცილებელ (შესაბამის) მოთხოვნილებათა გათვალისწინებით.

სტატისტიკის მიხედვით, ხელწერის გამოკვლევების განყოფილებაში, ექსპერტიზების 70 პროცენტი ტარდება ქართულად შესრულებულ ტექსტებზე და ხელმოწერებზე.

დღეისათვის საქართველოში ხელწერის სასამართლო ექსპერტიზის მდგომარეობა დამოკიდებულია ხელწერის სასამართლო ექსპერტიზის თეორიისა და მეთოდების მიღწევების ღონეზე, ცხადია, ქართული დამწერლობისათვის დამახასიათებელი სპეციფიკის გათვალისწინებით. ამასთან დაკავშირებით საჭიროა დღეისათვის არსებული დებულება, რომელიც შემუშავებულია ქართველი კრიმინალისტიკის მიერ, განახლდეს და შეივსოს ახალი მონაცემებით, კერძოდ, ეს ეხება წერიტი დეტალიზაციის პრინციპის შემუშავებას, ხელწერისა და ხელმოწერების გამოკვლევების ტრადიციული და არატრადიციული — მოდიფიცირებული მეთოდების შემუშავებას, ქართულ ენაზე შესრულებული ხელნაწერების კრიმინალისტიკური გამოკვლევებისათვის დამოუკიდებელი მეთოდური სახელმძღვანელოს შედგენას. ამ მიმართებით დღეისათვის საკმაოდ სერიოზული ნაბიჯია გადადგმული, კერძოდ, დამუშავებულია სამეცნიერო თემა: «Развитие теоретических основ, разработка новых и совершенствование имеющихся методик и методов судебно-почерковедческой экспертизы рукописей выполненных на грузинском языке».

შედგენილია მეტად საინტერესო ალბომი — „ქართული ანბანის მიხედვით წერითი ნიშნების (ასოების) ელემენტებად და ნაწილებად დაყოფა“.

ხელწერის გამოკვლევების განყოფილებას გარკვეული წვლილი შეაქვს აგრეთვე ისტორიული საბუთების გამოკვლევებშიც. მაგალითად, „საბჭოთა სასამართლის“ რედაქციამ გამოგვიგზავნა ქ. თბილისის ორჯონიკიძის რაიონის სააფთიაქო ქსელიდან შემოსული მასალები, როგორც ამ მასალის შესწავლამ ცხადყო, საქართველოს სსრ მეცნიერებათა აკადემიის მეცნიერული ექსპედიციის წევრებმა აღმოაჩინეს უნიკალური ქართული სამედიცინო კარაბადინი

(ხელნაწერი), რომლის ავტორად მიჩნეულია ზაზა ფანასკერტელი. მეცნიერების მიერ კარაბადინის შესწავლისას საეჭვო გახდა, რომ ყველა ფურცელი არ უნდა იყოს გადაწერილი ერთი და იგივე პირის მიერ. საქართველოს წამალთმცოდნეობის ისტორიის შესწავლით დაინტერესებულ პირთათვის კი ფრიად მნიშვნელოვანი იყო, გარკვეულიყვნენ, თუ ვისი ხელით არის გადაწერილი კარაბადინის ნაწილი ფურცლები. ამასთან დაკავშირებით მათ საქართველოს სსრ ცენტრალური სახელმწიფო საისტორიო არქივის დედნების ფონდიდან ამოიღეს საბუთი მეფეთმეფე კონსტანტინე ბაგრატიონის მიერ 1491 წელს გაცემული „ფანიაშილების გუჯარი“, რომელიც დაწერილი ყოფილა მცხეთის სვეტიცხოვლის ჭადავის მახარებელი — მაღალაძის მიერ. კვლევით უნდა დადგენილიყო, წარმოდგენილი საბუთების ხელნაწერი ტექსტები შესრულებულია თუ არა ერთი და იგივე პირის მიერ.

ექსპერტების წინაშე ძალზე რთული ამოცანა იდგა, რადგან საბუთები, სიძველის გამო, არ იკითხებოდა და დაკარგული იყო წერიტი ნიშნების ნაწილი, ამის გარდა, დედნების ნახვა ვერ მოხერხდა და ხელთ გვექონდა მხოლოდ ფოტოპირები. მიუხედავად ამისა, ყველაფერი ვიღონეთ, რათა შედარებითი კვლევა სრულყოფილად ჩატარებულიყო და დადებით შედეგსაც მივალწიეთ: გაიკა კატეგორიული დასკვნა, რომ ქართული სამედიცინო კარაბადინის 1779- რექტორ გვერდის ხელნაწერი ტექსტი და 1491 წელს გაცემული „ფანიაშილების გუჯარის“ ხელნაწერი ტექსტი შესრულებულია ერთი და იგივე პირის მიერ.

ივ. ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტიდან მივიღეთ ისტორიული საბუთების ფოტოპირები: აკად. კ. კეკელიძის სახელობის ხელნაწერთა ინსტიტუტში დაცული სიმონ მეფის მიერ გიორგი სააკაძისათვის ლისის ბოძების წიგნი და მეფე გიორგი მეათის მიერ გაცემული საბუთი. უნდა დაგვედგინა მითითებულ საბუთებზე სიმონ პირველისა და გიორგი მეათის ხელმოწერების სინამდვილე, რადგან დავას იწვევდა ის, რომ თითქოს სიმონ მეფის 1594 წლის 10 აგვისტოს ლისის ბოძების წიგნი არ იყო გაცემული გიორგი სააკაძისათვის. ამასთან, არსებობდა აზრი, რომ საბუთები გადაწერილი იყო შეცვლილი სახით.

შედარებითი კვლევისათვის ხელთ გვექონდა სიმონ პირველისა და გიორგი მეათის სხვადასხვა ისტორიულ საბუთებზე არსებული ხელმოწერის ნიმუშების ფოტოპირები. ექსპერტები კვლავ სიძნელეების წინაშე აღმოჩნდნენ. საქმეს ისიც ართულებდა, რომ გამოსაკვლევად წარმოდგენილი ხელმოწერები, ტექსტთან შედარებით, მცირე გრაფიკულ მასალას შეიცავდნენ.

ერთი შეხედვით, გამოსაკვლევე ხელმოწერები საერთო აგებულებით შესრულებული უნდა ყოფილიყო ერთი და იგივე პირის მიერ, მაგრამ ამ საბუთების გულმოდგინე დამუშავებითა და შესწავლით დადგინდა, რომ გამოსაკვლევ ხელმოწერებზე, ნიმუშებიდან განსხვავებით, აღინიშნებოდა არათანაბარი მოძრაობა, უსაფუძვლო შეჩერებები, განსხვავება იყო ხელთების კონფიგურაციაში, მიმართულებაში, მოძრაობის რაოდენობაში და სხვა კერძო ნიშნებში. ამის საფუძველზე გაიკა კატეგორიული დასკვნა, რომ გამოსაკვლევე ხელმოწერები და ხელმოწერის ნიმუშები შესრულებული იყო სხვადასხვა პირის მიერ.

აღნიშნული ფაქტები ერთხელ კიდევ მიუთითებს, რომ ხელწერის სასამართლო ექსპერტიზას ვრცელი სამოქმედო ასპარეზი გააჩნია და იგი მთელი სისრულით უნდა ჩაეყენოთ ხალხის სამსახურში.



დაისაჯნენ კანონის შესაბამისად

სსრ კავშირის უმაღლესი საბჭოს პრეზიდიუმის ბრძანებულებამ, „უზროველი შემოსავლის მიღების წინააღმდეგ ბრძოლის გაძლიერების შესახებ“, ადმინისტრაციული ორგანოების წინაშე კიდევ უფრო გაზრდილი ამოცანები დააყენა. უზრუნველყოფილი ბრძოლა გაიმყარდა სახელმწიფო თუ საზოგადოებრივი ქონების წვრილგან დატაცებებს, სვაკულაციას, მომხვეჭელობას. ძველებური სიბაყა ალარ ეტყობათ უზროველი შემოსავლით გაზრდილების მოსურნეთ. კანონის მძლავრი ძალა დღეს ყველგან იბრძობა: ფაბრიკებშიც, ქარხნებშიც, კოლმეურნეობებშიც, სავაჭრო დაწესებულებებშიც, შუაგზებშიც და მოედნებშიც. საბჭოთა ადამიანები ერთმანეთს იძულებენ პარტიისა და მთავრობის ღონისძიებებს და თვითონ იძულებენ პარტიისა, მთავრობის ღონისძიებებს და თვითონ იძულებენ პარტიისა, მთავრობის ღონისძიებებს და თვითონ იძულებენ პარტიისა, მთავრობის ღონისძიებებს.

უზროველი შემოსავლის გამიჯნობთან ბრძოლა აშუაგად გამაფრებულა თორავ იგი მთლად ახალიც არ არის. ამგვარი ანთისაზოგადოებრივი ბრძოლა შემოსავლის უკონტროლო ითვლებოდა დანაშაულად და მოქმედ სისხლის საპროტექციო კოდექსში სათანადო მუხლებითაც არის დაკავშირებული. სასაგარეო პრაქტიკაში ბევრი მაგალითი გვაქვს, როცა გაცრად და კანონიერად დაისაჯნენ წვრილგანი დამატებლები, შურდ-ბატყები, სვაკულანტები, მომხვეჭელები, ეთასი ჯურის გამომავლები, ისინი, ვინც თაღლითობით, სხვადასხვა მაქინაციებითა და კომბინაციებით ცდილობენ გაზრდილებას.

ერთ-ერთი ასეთი დანაშაულია საჭარტველოს სსრ სისხლის სამართლის კოდექსის 91-ე მუხლი — სახელმწიფო ან საზოგადოებრივი ქონების დატაცება ჩადენილი შურდობით — რასაც ხშირად მხვდებით სასაგარეო პრაქტიკაში.

დღეს გვითხვებოდა გავაცნობთ ორ ასეთ დანაშაულს თბილისის საბრუნო რაიონის სასაგარეო განხილული საქმეებიდან.

* * *

თბილისის ერთ-ერთი სპეციალიზებული საშენებლო-სამონტაჟო სამმართველოს დამწარე ნაწარმის სადურგლო სამჭროს ბრიგადირი, შაქრო რევანის ძე ბალახაძე, შებინდების შემდეგაც არ ტოვებდა ხოლმე სახელოსნოს. ერთი შეხედვით აქ ეყოფა რა უნდა იყოს, მუშა კაცი სადურგლო დაწვასთან იდგა და ოთანის კარ-ფანჯრებს, ჩარჩოებს ამზადებდა. მაგრამ ეს მხოლოდ ერთი შეხედვით იყო, თორემ შაქრო ბალახაძე წარმოების გეგმის შესასრულებლად კი არ ირქებოდა, არამედ პირად ვარაუდებებს ასრულებდა მხოლოდ. აი ჩემი წესები, ნახეთ რას მივაგვს იგი, ნაღდი მუშა კაცის ხელები შაქვს, ნაჭაუი და

დაკოჭრილი — იტყოდა ხოლმე ხშირად სხვათა თვალის ასახვევად თორემ, ანგარების გარეშე ერთხელაც არ მოუქნევია ჩაქუჩი. ასპარეზი კი ფართო ჰქონდა. მისთვის მუქთა იყო დაწვა-იარაღები და ელექტრო ენერგია, წარმოების ელში ბლომად ელაგა ფიჭვის მასალა, უცხოდაც არავინ თვლიდა ამ არე-მარეში და გვიანობამდე ნაურსობდა ხერხი, იჭედებოდა ლურსმანი, ხვადებოდა გაანდული ფიცრები, ჩარჩოები და კარ-ფანჯრები. მუშტარიც ბლომად ჰყავდა ბალახაძეს. საიდან აღარ აკითხვდნენ გაჭირებული ადამიანები. ისიც ღიმილით და მაცდური წყწუ-

ნით ხვდებოდა მოსულებს, ათანაირად უხლართავდა გზებს, ყველაფერს ართულებდა, აძვირებდა მასალას, ვიღაც-ვიღაცეებსაც აბრალლებდა გაჭირვებას და უსირცხვილო ფასს ადებდა თავის ნახელავს.

ამგვარ ჩარჩ-ვაჭრობაში გადიოდა დღეები, შაქრო კმაყოფილი იყო თავისი ბედით, ამ მიზეზით ხალხში გულუბრყვილონიც ბევრი იყვნენ და ბედოვლათებიც. ისინი არაფრად დაგიდევდნენ ფასს, არაფერს კითხულობდნენ და უსიტყვოდ იხდიდნენ იოლად ნაშოვნ ფულს.

ასე ცხოვრობდა ბრიგადირი დიდხანს. არც თუ ურიგოდ გრძნობდა თავს და თანამეინახეებიც ბლომად ჰყავდა, მაგრამ ერთ დღეს, სწორედ მაშინ წაადგნენ თავს თბილისის საქარხნო რაიონის შინაგან საქმეთა განყოფილების მუშაკები, როდესაც ვინმე ხიდაშელის სხვადასხვა ჯომის კარ-ფანჯრების დამზად-

ბისათვის 182 მანეთის და 72 კაპიკის ნაცვლად 1600 მანეთი გამოართვა. სადღა დამალლებოდა ბრიგადირი, ფული ჯიბეში ეღო, დამზადებული კარ-ფანჯრები კი იქვე ელაგა.

და აღიძრა სისხლის სამართლის საქმე შაქრო ბალახაძის დანაშაულის გამო. გამოიძიებამ მისი ქმედობა საქართველოს სსრ სისხლის სამართლის კოდექსის 91-ე მუხლით დააკვალიფიცირა. სახალხო სასამართლომ (მოსამართლე თ. ნამიჭიჭივილი) მკაცრად იმსჯელა მომხდარი ფაქტის შესახებ და სახელმწიფო ქონების ქურდობისათვის ბრიგადირს საკადრისი მიუწლო.

იხდის ახლა სასჯელს მუშა კაცის სახელს ამოფარებული შაქრო ბალახაძე და ნანობს თავის საქციელს, რომ საქვეყნოდ შერცხვა, ჩირქი მოსცხო ოჯახს, პატარა შვილებს, რომლებმაც მამა კიდევ უფრო მკაცრი სასჯელისაგან იხსნეს.

* * *

მგლის თავზე სახარების კითხვა იყო მარია ვასილის ახლად მორჩაძისათვის ყველას რჩევა, ვინც კი მას პატიოსანი შრომისაკენ მოუწოდებდა. არც სისხლის სამართლის პაპუნის-მგებლობამ გაჭრა მასზე და არც ახლობელთა შეგონებამ. ახალგაზრდა ქალს ქურდობისათვის ჯერ სოხუმის სახალხო სასამართლომ მიუხაჯა ოთხი წლით თავისუფლების აღკვეთა 1974 წელს, ხოლო პატიმრობიდან ამნისტიით ვადაზე ადრე განთავისუფლებული მალე ისევ ხელმეორედ აღმოჩნდა შრომა-გასწორებით დაწესებულებაში. გამოუსწორებელი დამნაშავე, უკვე ჩამოყალიბებული ქურდი ქალი, მართალია ტყიბულში, გურამიშვილის ქუჩაზე ცხოვრობდა, მაგრამ არაფრად ავდებდა კანონს და უმისამართოდ დახეტიალობდა ქალაქიდან ქალაქში. უბრალო შემთხვევა კმაროდა მისთვის და წაეპოტინებოდა ყველაფერს, რაზედაც კი ხელი მიუწვდებოდა. გზასაცდენილი ქალი მხოლოდ უპატიოსნო ხალხთან მეგობრობდა და თვითონაც არ იცოდა სად უღამდებოდა ან უთენდებოდა.

ასე აღმოჩნდა იგი ერთხელ, შუაღამისას, მარტოდ-მარტო ვარკეთილის მასივში. ზემო პლატოზე, „თბილმრეწვევაჭრობის“ 48-ე მა-

ღაზისთან რომ შეჩერდა, უმალ ჩვეულმა აზრმა გაუთღვა თავში. ირგვლივ კაცის ჰაჭანება არ იყო და საქაოდაც ბნელოდა. იმედი მიეცა, მოზრდილი ქვის ერთი მოქნევით ჩამტვრია მაღაზის ვიტრინა და შიგ მოხერხებულად გადაძვრა. დაწლები სავსე იყო და კმაყოფილმა მოათვალიერა იქაურობა. მერე სწრაფად მოაქურა ნადავლი, შავი ფერის 8მ მანეთიანი ქურთუკი, 24 მანეთად ღირებული, საცურაო კოსტუმი, ქალის ქოშები და გარეთ გამოსვლაც დააპირა, მაგრამ სწორედ მაშინ წაადგნენ თავზე. თბილისის საქარხნო რაიონის არასაუწყებო დაცვის მუშაკებმა შემთხვევის ადგილზე დააკავეს დამნაშავე.

პროფესიონალი ქურდი სასამართლოზეც ვერ გაექცა მტკიცებებს, აღიარა დანაშაული და სრულიად დამსახურებული სასჯელი მიიღო. მოსამართლე რ. ნადირაძემ გზასაცდენილ ქალს მესამედ ჩადენილი ქურდობისათვის 8 წლით აღუკვეთა თავისუფლება და საქართველოს სსრ სისხლის სამართლის კოდექსის 44-ე მუხლით განსაკუთრებით საშიშ რეციდივისტად იცნო. დამნაშავე სასჯელს მკაცრი რეჟიმის შრომა-გასწორების კოლონიაში მოიხდის.

ანანი არსენაშვილი



სახალხო მსაჯულთა სამაგიდო წიგნი

მართლმაც მსაჯულებმა კარგი საჩუქარი მიიღეს. გამომცემლობა „საბჭოთა საქართველომ“ გამოსცა ალექსანდრე შუშანაშვილის „სახალხო მსაჯულის წიგნი“, რომელიც ყველა სახალხო მსაჯულის სამაგიდო წიგნი უნდა იყოს.

სახალხო მსაჯულები, ჩვენი საზოგადოებრიობის ღირსეული წარმომადგენლები, სრულუფლებიანი მოსამართლეები არიან და თავისი ცხოვრებისეული თუ პროფესიული გამოცდილების საფუძველზე წყვეტენ ადამიანთა ბედს, უზრუნველყოფენ მართლმსაჯულების ზუსტ განხორციელებას. ამიტომაც გასაკებია, თუ როდენ დიდი მნიშვნელობა ენიჭება მათთან სისტემატურ მუშაობას, რათა უფრო მეტად ამაღლდეს სახალხო მსაჯულის სამართლებრივი ცოდნის დონე. ამ მუშაობის ახალი მეთოდებისა და ფორმების ძიებაში, მათი სამართლებრივი კულტურისა და მართლშეგნების შემდგომ განვითარებაში, ცხადია, მნიშვნელოვანი წვლილის შეტანა შეუძლია სახალხო მსაჯულის წიგნს.

სარეცენზიო ნაშრომი წარმოადგენს მსაჯულთათვის საბჭოთა კანონმდებლობის ძირითადი დარგებისა და ინსტიტუტების განხილვის, სამართალდამცავი ორგანოების და საზოგადოებრივი ორგანიზაციების საქმიანობის ძირითადი პრინციპების გადმოცემის, საბჭოთა სოციალისტური მართლმსაჯულების დემოკრატიული ბუნების, მისი განხორციელების წესისა და გარანტიების შესწავლის პირველ ცდას ქართულ ენაზე.

წიგნი, რომელიც ათი თავისაგან შედგება, მოკლე, მაგრამ მეტად საჭირო ინფორმაციას შეიცავს მართლმსაჯულების განხორციელებისას წამოჭრილი სამართლებრივი საკითხების სწორი გაგებისა და გადაწყვეტისათვის.

პირველ თავში, რომლის სათაურია „სახალხო მსაჯული“, ავტორი განიხილავს სახალხო მსაჯულთა უფლებამოსილების საკითხებს. მასში გადმოცემულია ცოტა რამ სა-

ხალხო მსაჯულთა ინსტიტუტის განვითარების ისტორიდან; ასევე სახალხო მსაჯულისა და მოსამართლის საქმიანობის იურიდიული ბუნების, მათი სამართლებრივი ურთიერთდამოკიდებულების შესახებ. ამასთან, ავტორი გამოთქვამს თავის მოსაზრებას თანამედროვე პირობებში სახალხო მსაჯულთა აქტიურობის ამაღლების გზებსა და საშუალებებზე და ხაზს უსვამს მათი სამართლებრივი სწავლების სწორი ორგანიზაციის მნიშვნელობას. აქვეა მოკლე ექსკურსი ბურჟუაზიულ სახელმწიფოებში ნაფიც მსაჯულთა სასამართლოს ბუნებაზე. პირველ თავშივე ადგილი ეთმობა სახალხო მსაჯულთა საბჭოს, როგორც მსაჯულთა საქმიანობის უკეთ ორგანიზაციის ერთერთ ფორმას.

აღსანიშნავია, რომ ამომჩიველების წინაშე სახალხო მსაჯულთა ანგარიშგება საკანონმდებლო წესით პირველად სსრ კავშირის 1977 წლის კონსტიტუციით არის დადგენილი. სახალხო სასამართლოს მსაჯულები ანგარიშს აბარებენ იმ კოლექტივს, რომელმაც ისინი აირჩია, ხოლო შემდგომი სასამართლოების სახალხო მსაჯულები კი ანგარიშვალდებულნი არიან მათი ამჩიველი საბჭოს წინაშე. ეს კი თავისთავად გულისხმობს ამომჩიველთა უფლებას მათ ვადამდე გაწვევაზე, რაც ასევე საკანონმდებლო წესით არის რეგულირებული საქართველოს სსრ უმაღლესი საბჭოს მიერ 1981 წლის 25 ნოემბერს მიღებული კანონით. ამ საკითხებსა და მსაჯულთა საქმიანობის სრულყოფის გზებს ნაშრომში სათანადო ადგილი აქვს დათმობილი.

ნაშრომის მეორე თავში გადმოცემულია საბჭოთა სოციალისტური მართლმსაჯულების ცნება, ამოცანები და მისი განხორციელების კონსტიტუციური პრინციპები, როგორცაა მაგალითად, მართლმსაჯულების განხორციელება მხოლოდ სასამართლოს მიერ, მოსამართლეებისა და სახალხო მსაჯულების არჩევითობა, მათი დამოუკიდებლობა და და-

მორჩილება მხოლოდ კანონისადმი და სხვა. აქ ავტორი ვახაგები ენით, მოკლედ მოგვითხრობს არაბრალეულობის პრეზუმფციის შენახებ და განსაკუთრებით უხვამს ხაზს, რომ ეს პრინციპი ზოგადი ლოზუნგი როდია, იგი კონკრეტული სამართლებრივი დებულებაა, რომელიც საფუძვლად უდევს საგამოძიებო და სასამართლო ორგანოების მთელ საქმიანობას, განსაზღვრავს მათი მუშაობის სტილსა და მეთოდებს, ბრალდებულის სამართლებრივ სტატუსსა და მღვთმართობას.

მეორე თავი მთავრდება ვ. ი. ლენინის ნაწარმოებებში მოცემული სოციალისტური სამართლის, საბჭოთა სასამართლოს შექმნისა და მართლმსაჯულების განხორციელების ფუძემდებლური დებულებებით. აქვეა ნათქვამი საბჭოთა კავშირის კომუნისტური პარტიის თანმიმდევრულ პოზიციაზე, რომელიც სოციალისტური კანონიერების განმტკიცების კანონმდებლობის სრულყოფას და სამართალდამცავი ორგანოების საქმიანობის გაუმჯობესებას გულისხმობს.

ნაწარმის პირველი ორი თავი საბჭოთა სამართლმსაჯულების უფრო ზოგად დებულებებს შეიცავს, მესამე თავიდან კი კონკრეტულად განიხილება საბჭოთა სასამართლის სხვადასხვა დარგების ძირითადი დებულებები.

წიგნში, მოკმედი კანონმდებლობის საფუძველზე, გადმოცემულია როგორც სამართალდამცავი სახელმწიფო ორგანოებისა და საზოგადოებრივი ორგანიზაციების სტრუქტურა (სასამართლო, პროკურატურა, ადვოკატურა, არბიტრაჟი და სხვა), ასევე სისხლისა და სამოქალაქო სამართალწარმოების საფუძვლები.

ავტორი მსაჯულებს აცნობს საბჭოთა სისხლის სამართლის ძირითად დებულებებს, გადმოსცემს დანაშაულის და სასჯელის ცნებებს, იმ გარემოებებს, რომლებიც გამოიწვევენ სისხლის სამართლის პასუხისმგებლობას, სასჯელისაგან განთავისუფლების სხვადასხვა პირობებს და ა. შ. აქვე ახასუთლია სისხლის სამართლის განსაკუთრებულ ნაწილში გათვალისწინებული ისეთი დანაშაულები, რომლებიც, ავტორის აზრით, ჩვენი საზოგადოებისათვის მაღალი საშიშროების მქონეა და უფრო ვავრცელებული.

სამოქალაქო კანონმდებლობის განხილვისას ავტორი ჩერდება საკუთრების სამართალზე, განიხილავს ვალდებულებითი სამართლის მნიშვნელოვან საკითხებს, ასევე მემკვიდრეობით სამართალს. ნაწარმოში საკმაო ადგილი აქვს დათმობილი საბინაო კანონმდებ-

ლობასაც, სადაც გადმოცემულია ის ძირითადი დებულებები, რომელთა ცოდნაც სავალდებულოა სახალხო მსაჯულებისათვის საბინაო ურთიერთობათა სფეროში წამოჭრილ დავათა გადასაწყვეტად. მსაჯულებისათვის ასევე მნიშვნელოვანია შრომის კანონმდებლობის საფუძვლების ცოდნა, რაც თავის ასახვას აკლავს კიდევ ნაწარმოში. და ბოლოს, სახალხო მსაჯულის წიგნი მთავრდება საქორწინო და საოჯახო კანონმდებლობის სფეროში ისეთი მნიშვნელოვანი ინსტიტუტების განხილვით, როგორცაა ქორწინება, ოჯახი, მუშრვეობა და შრომუნელობა.

ამ მართლაც დიდი სარგებლობის მომტან წიგნზე მხოლოდ ზოგიერთი მცირე შენიშვნა მინდა გამოვთქვა. ეს პირველ რიგში ეხება მსაჯულის წიგნის სტრუქტურას. ჩემის აზრით, უკეთესი იქნებოდა, რომ წიგნი დაწყებულიყო თავით საბჭოთა სოციალისტური მართლმსაჯულების შესახებ, ხოლო შემდეგ კი სახალხო მსაჯულის ინსტიტუტებზე ყოფილიყო საუბარი. ეს იმით იქნებოდა მართლდებულად, რომ ავტორი ჯერ ზოგადად განიხილავდა საბჭოთა მართლმსაჯულების კონსტიტუცურ პრინციპებს, რომელშიც ერთ-ერთი ძირითადია სწორედ სახალხო მსაჯულთა მონაწილეობის პრინციპი სისხლისა და სამოქალაქო სამართალწარმოებაში და შემდეგ კი დაწვრილებით გადმოსცემდა სახალხო მსაჯულთა უფლებამოსილებას, როგორც ამ პრინციპის განხორციელების გარანტიას.

და კიდევ ერთი: წიგნის სტრუქტურის სრულყოფის თვალსაზრისით 281-ე გვერდზე, მეცხრე პარაგრაფში, რომელიც „სხვა დანაშაულების“ სახელწოდებას ატარებს, ავტორს აქვს მცირედი შენიშვნა. იგი წინ უძღვის სხვა დანაშაულების განხილვას, სადაც ავტორი ახაბუთებს, თუ რატომ ვერ ჩათვალა შესაძლებლად ზოგიერთ დანაშაულთა ჩვეულის, თუ კონკრეტული დანაშაულის განხილვა. ვფიქრობთ, რომ ეს დათქმა ავტორს იქუნდა მოეთავსებინა, სადაც იგი იწყებდა სისხლის სამართლის განსაკუთრებული ნაწილის განხილვას (გვ. 209).

ვახაგებია, რომ წიგნის ფორმატის სიმცირის გამო, ავტორი ვერ შეძლებდა ყველა დანაშაულის განხილვას, თუ გნებავთ, ჩამოთვალასაც კი, მაგრამ ალბათ აუცილებელი იყო, რომ სისხლის სამართლის განსაკუთრებული ნაწილის სისტემა, მისი გვარობითი ობიექტის გათვალისწინებით მაინც ყოფილიყო გადმოცემული. ამით, თავიდან ავიცი-



ლებდით ზოგიერთ მნიშვნელოვან დანაშაულთა ჭკუფის უგულვებელყოფას.

აქვე მინდა შევნიშნო, რომ ქვეთავში, „სხვა დანაშაულები“, მხოლოდ სამი დანაშაულია განხილული: სპეკულაცია, მყიდველთა და დამკვეთთა მოტყუება და ფიქტიური ქორწინება და განქორწინება. ამას ავტორი იმით ხსნის, რომ იგი განიხილავს ზოგიერთ გავრცელებულ დანაშაულს, რომელიც პრაქტიკაში ხშირად გვხვდება და რომელთა გამოყოფა ცალკე პარაგრაფად არ მოხერხდა. ვფიქრობთ, რომ განხილულ დანაშაულებთან ერთად (თუმცე არ მიმაჩნია, რომ ფიქტიური ქორწინება ან განქორწინება ესოდენ გავრცელებულ დანაშაულს წარმოადგენდეს) მოკლედ მაინც უნდა თქმულიყო ბუნების დაცვის სფეროში ჩადენილ დანაშაულზეც, რომლის საზოგადოებრივი საშიშროება და ფართო გავრცელება საყოველთაოდ არის ცნობილი, ან წამატებებზე და სხვა დამახინჯებებზე გემგის შესრულების ანგარიშგებაში.


ნაშრომის მესამე თავში ავტორი ეხება სამართალდამცავ სახელმწიფო ორგანოებსა და საზოგადოებრივ ორგანიზაციებს. ურიგო

არ იქნებოდა, რომ აქვე ორიოდე სიტყვით გადმოგვეცა შინაგან საქმეთა ორგანოების საქმიანობაც, რომელთა წვლილი დანაშაულთან ბრძოლის საქმეში საკმაოდ მაღალია.

და ბოლოს, მიმაჩნია, რომ ისეთი სახის ნაშრომაში, როგორც სახალხო მსაჯულის წიგნია, სადავო და პრობლემური საკითხების დასმა საჭირო არ არის. თუმცა, ცხადია, ეს საკითხები თავისთავად შეტად მნიშვნელოვანი და საინტერესოა.

დასასრულს მინდა ერთხელ კიდევ ვაუხუცა ხაზი ნაშრომის მაღალ დონეს და მისი გამოცემის დროულობას. მართალია, ეს წიგნი სახალხო მსაჯულებს ეძღვნებათ, მაგრამ იგი მხოლოდ მათ როდი დაეხმარება მუშაობაში. წიგნი დაინტერესებს, აგრეთვე, ფართო საზოგადოებრიობასაც, რომლის სამართლებრივი დონე თანდათანობით მაღლდება. ავტორმა კვლავ უნდა განაგრძოს მუშაობა ამ სფეროში და მალე მოგვაწოდოს მსაჯულის წიგნის ახალი გამოცემა საბჭოთა კანონმდებლობაში მომხდარი ცვლილებების გათვალისწინებით.

მზია ლეკვიშვილი



ილია—ელისაბედ ჭავჭავაძის მეურვე

ვახტანგ შვანიძე,
საქართველოს სსრ დამხმარე უფროსი იურიტი

ილიას კუბლიცისტური, სამეცნიერო, სახელმწიფო, საზოგადოებრივი თუ საქველმოქმედო მოღვაწეობა ყოველად წარმოუდგენელია ხმ დიდი იურიდიული ხასიათის საკონსულტაციო საქმიანობის გარეშე, რომელსაც სისტემატურად ეწეოდა იგი, როცა თავისი ახლობლების ქონებრივ, თუ სხვა უფლებრივ ინტერესებს იცავდა.

„დიმიტრი ვენიროვს უთხარი, — წერდა ილია თავის დას, ელისაბედ ჭავჭავაძე-საგინაშვილისას. — რომ თქვენი ქალღმერთი, ვლადიკავასიდან რომ ჩამოვედი, მაშინ მივიღე-თქო. ეხეც უთხარი, რომ მინამ სრულის გადაწყვეტილების კაპიოს არ გამოგზავნის, მანამდინ მაგის საქმეზედ ვერაფერს რჩევას ვერ მივცემ...“¹

ილიას პირად მიმოწერაში, თუ სხვა დოკუმენტებში ანალოგიურ საკითხებს ხშირად ვხვდებით, მაგრამ მკითხველს ამჯერად, უნდა ვაუწყოთ ერთი უცნობი დოკუმენტის შესახებ, რომელიც ოფიციალურ მეურვეობას ეხება, ილიამ რომ განახორციელა ელისაბედ ჭავჭავაძისადმი.²

ილიას უმცროსი და, ელისაბედი, ორჯერ დაქვრივდა და ამის გამო ბევრჯერ მოუხდა სამოქალაქო დავები. განსაკუთრებით გამწვავდა მისი სამემკვიდრეო უფლებების განხორციელება, რადგან მეუღლეთა მიერ დატოვებული ქონებისათვის აქტიურად იბრძოდნენ აგრეთვე მათი სხვა ნათესავები.

ელისაბედმა პირველ მეუღლესთან, ნიკოლოზ ორბელიანთან, მხოლოდ 9 წელი იცხოვრა. იგი 1867 წელს დაქვრივდა, როცა მისი ქმარი უბედური შემთხვევის შედეგად დაიღუპა ყოფილი ბარიატინსკის (ამჟამად ჭორაქაძის) ქუჩაზე. ნიკოლოზი კუშისის წმინდა სამების ეკლესიის გალავანშია დასაფლავებული.³

ელისაბედი და ნიკოლოზი ცხოვრობდნენ „ორბელიანების აულად“⁴ წოდებულ უბანში. მათი სახლის ერთი ნაწილი ეკუთვნოდა აგრეთვე, ნიკოლოზის ძმას, მარტოხელა ალექსანდრეს. ნიკოლოზს და ელისაბედს შვილი არა ჰყოლიათ. მეუღლის გარდაცვალების შემდეგ ელისაბედი საცხოვრებლად იმავე სახლში დარჩა დედამთილთან, მარინე სულხანიშვილთან ერთად. როგორც ჩანს, ნიკოლოზის გარდაცვალების შემდეგ რძალ-დედამთილის ურთიერთობა დაიძაბა, ხოლო როცა ელისაბედის მამლმა, ალექსანდრემ 1870 წელს მაიკო ფალავანდიშვილი შეირთო ცოლად, იგი უფრო გამწვავდა. ამის შემდეგ ელისაბედმა ამ სახლში მხოლოდ ორი წელია იცხოვრა.

1872 წელს ელისაბედ ჭავჭავაძე ხელმეორედ გათხოვდა. ამჯერად იგი ცოლად გაჰყვა ასევე ქვრივს, ალექსანდრე დიმიტრის ძე საგინაშვილს⁵, რომელიც იქვე მეზობლად, ორბელიანის აულის № 12 სახლში ცხოვრობდა. გათხოვების შემდეგ ელისაბედი საცხოვრებლად მეუღლესთან გადავიდა. სწორედ ეს სახლი გახდა შემდეგ დავის საგანი, რაშიც

1 ი. ჭავჭავაძე, თხზ. სრული კრებული, „საბჭოთა საქართველო“, 1961, ტ. X, გვ. 62.
2 მასალა მოგვაწოდა ვ. გურგენიძემ, რისთვისაც მას დიდ მადლობას მოვახსენებთ (ვ. უ.).
3 ამ ეკლესიამ ჩვენს დრომდეც მოაღწია, თუმცა მხოლოდ კედლები და დამწვარი სახურავიღია შემორჩენილი. იგი მდებარეობს მარნეულის გზიდან 200-250 მეტრის დაშორებით, თელეთის ქორწინების სახლის მოპირდაპირე მხარეს და მისი კონტურები კარგად ჩანს ცენტრალური საავტომობილო გზიდან.
4 „ორბელიანების აულად“ იწოდებოდა 26 კომისრის სახელობის ბაღის ქვედა მხარე. მტკვრის მარჯვენა ნაპირამდე და კიროვის რაიონის დახურული ბაზრის ტერიტორია.
5 ალექსანდრე საგინაშვილი გენერალ-ლეიტენანტი იყო.
6 „საბჭოთა სამართალი“ № 4

აქტიურად ჩაერია პირადად ილია ჭავჭავაძე. ალექსანდრე საგინაშვილმა ანდერძით მეუღლეს, ელისაბედ ჭავჭავაძეს მხოლოდ ის სახლი დაუტოვა, რომელშიც ცოლ-ქმარი ერთად ცხოვრობდა, საკმაოდ დიდი უძრავ-მოდ-რავი ქონება კი ძმისშვილს, ივანე ორბელიანს, უანდერძა.

ალექსანდრე საგინაშვილის ასეთმა გადაწყვეტილებამ დიდად გაანაწყენა არა მარტო მისი მეუღლე, არამედ ნათესავებიც. ამან რა თქმა უნდა, უთანხმოება გამოიწვია და იგი შემდგომში ფართო საზოგადოებრიობის მსჯელობის საგანიც გახდა.

გარდაცვალებული სიძის გადაწყვეტილებით ილიაც არ იყო კმაყოფილი, მაგრამ მან ისიც კარგად იცოდა, რომ ანდერძის შეცვლა არ შეიძლებოდა და დავას არავითარი აზრი არ ჰქონდა. ამიტომ მან შესძლო ელისაბედის დარწმუნება და შეთანხმება მოღვევებთან. ამის შემდეგ ელისაბედმა დათმო სახლი და მის ხანაცვლად მინიმალური საფასური, ორმოციათასი მანეთი მიიღო.

ილია ჭავჭავაძემ ამ ფულით ელისაბედს ნიკოლოზის ქუჩაზე (ყოფილი ავჭალის ქუჩა, ამჟამად კალინინის ქ. № 7), მდებარე გრუზინსკების კუთვნილი სახლი შეუძინა, რომელიც იმ ხანად საქარო ვაჭრობით გაიყიდა. ეს სახლი შემდგომ კაპიტალურად გადაკეთდა.

ამ სახლის გადაკეთებასთან დაკავშირებით საინტერესოა ერთი დოკუმენტი, რომელიც პირადად ილია ჭავჭავაძის მიერ არის შედგენილი. ილია აქ გამოდის როგორც ელისაბედის ოფიციალური რწმუნებული და თხოვნით მიმართავს ქალაქის მმართველობას, რომ მიეცეს უფლება ელისაბედ გრიგოლის ასულ საგინაშვილს ავჭალის ქუჩის მე-9 უბანზე მდებარე საკუთარ სახლს მიაშენოს სამ სართულიანი ქვის სახლი ფლიგელით და არსებული სახლის წინა მხარის (ფასადის) გადაკეთებით.

რა ბედი ეწია ილია ჭავჭავაძის ამ თხოვნას, ცნობილი არ არის, მაგრამ სინამდვილეში სამსართულიანი ქვის სახლის მიშენება არ განხორციელებულა. მოხდა მხოლოდ სახლის მნიშვნელოვანი გადაკეთება და კეთილმოწყობა. გრუზინსკების სახლი ორსართულიანი იყო და ჰქონდა სარდაფი, თითქმის ის მოცულობა, როგორმაც ჩვენამდე მოაღწია. მანამდე ილია ჭავჭავაძე ცხოვრობდა ახალ ბებუთოვის (დღევანდელი ცხაკაიას) ქუჩაზე. ელისაბედისათვის სახლის შექმნისა და მისი

გადაკეთების პერიოდში კი რამდენიმე თვე იგი ფრილინის ქუჩაზე იმყოფებოდა. 1889 წელს, როცა იგი ელისაბედის სახლში გადავიდა, შენობის სარდაფით დაინტერესდა და იქ „ივერიის“ სტამბა მოაწყო. თვითონ ოქანთან ერთად სახლის მესამე სართულზე მოთავსდა. ამ სახლში ილიამ 1901 წლამდე იცხოვრა, ვიდრე ერთსართულიან სახლს შეიძენდა ანდრეევის ქუჩაზე (ორჯონიკიძის ქ. № 22), სადაც ამჟამად მისი სახლ-მუზეუმია მოწყობილი.⁶

არქივში დაცულია ილიას ხელით დაწერილი ხელშეკრულება. იგი ეხება ელისაბედის სახლის კაპიტალურ რემონტს და გადაკეთებას. ხელშეკრულება დადებულია ვინმე ოსეფა შანაზაროვთან და შეიცავს 29 პირობას. „ამას გარდა, რაც სხვა რამ შეეკეთება მოუნდეს და გამოჩნდეს, — ვითხოვლობთ ხელშეკრულებაში ბოლო მუხლში, — სულ ყოველმსფერი მე უარის უთქმელად უნდა გავაკეთო... თუ რამ ჩემი გაკეთებული... ერთი ორი კაცისაგან დაწუნებული იქნას, ან ვადაზედ, რომელიც ორი თვე არის, არ შევასრულო, მაშინ ყოველი ზარალი ერთიორად უზღო... სახლს პატრონსა, მე ოსეფა შანაზაროვმა...“

მე ილია ჭავჭავაძემ ყოველ ამ ზემოხსენებულის საქმისათვის უნდა მივბეცე ოსეფა შანაზაროვს ასსამოცდათხუთმეტი თუმანი თეთრი ფული... ორმოცი თუმანი მაშინ, როცა მუშაობას დაიწყებს და მასალას შეამზადებს, სამოცი თუმანი 15 ხეტემბერამდე და დანარჩენი სახლის გაქირავების დროს... თუ მეც, ილია ჭავჭავაძემ, ეს პირობა არ შევასრულე, მე ზარალი ერთი ორდ უზღო...“

ხელშეკრულებას ხელს აწერენ: ი. ჭავჭავაძე, ო. შანაზაროვი და მოწმეები.

ამავე ხელშეკრულებით ირკვევა, რომ ო. შანაზაროვთან ანგარიშსწორება ევალეზობდა ფ. ჩიკვაძეს, რომელიც ქალაქის მმართველობაში მუშაობდა და ითვლებოდა ელისაბედ საგინაშვილის ქონების გამგებლად. ხელშეკრულებას აქვს მინაწერები, რომ პირობის ძალით ჩიკვაძემ ნაწილ-ნაწილ გადაუხადა ო. შანაზაროვს მთელი კუთვნილი თანხა და 1 თებერვლიდან, სახლის პირველი სართული გააქირავა დოქტორ დავრიშევი, რაშიც წინასწარ მიიღო ექვსი თვის საჯალური ოცდართუმანანახევარი⁷.

არქივებმა შემოგვინახა აგრეთვე ელისაბედის სამემკვიდრეო საქმეთა წარმოებისა და

6 ა. ლასტი, „საქართველოს გული“, 1963, „საბჭოთა ხელოვნება“, გვ. 6 და 19.
7 ამ საკითხზე დეტალურად იხილეთ: ი. გაჩეჩილაძე, „მასალები ი. ჭავჭავაძის ბიოგრაფიისათვის“, ი. ჭავჭავაძე, საიუბილეო კრებული, 1957, საქართველოს სსრ მეცნიერებათა აკადემიის გამომცემლობა, გვ. 365-368.

მისდამი მეურვეობის სხვა დოკუმენტები, რომელშიც ი. ჭავჭავაძე მონაწილეობდა. აქ ყურადღებას იქცევს დავები იმ ქონებაზე, რომელიც ელისაბედის პირველი მეუღლის, ნიკოლოზ ორბელიანის გარდაცვალების შემდეგ დარჩა. განსაკუთრებით გართულებულია ელისაბედისა და მისი მამლის, ალექსანდრე ორბელიანის ურთიერთობა.

საინტერესოა ილიას მიერ მიწერილი წერილი ელისაბედის მამლისადმი, იოსებ ორბელიანისადმი, „საყვარელო ძმავო იოსებ! — ვკითხულობთ ილიას წერილში — თქვენი წიგნი მივიღე და ძალიან ვწუხვარ, რომ ამჟამად არას გზით არ შემოიძლიან მანდ ჩამოსვლა. ხომ მოგეხსენებათ, სამსახურის კაცი ვარ და დრო ყოველს უმას ჩემს ხელთ არ არის... ან რა საჭიროა...! თქვენი სახელი და პატიოსნება იმის თავდება, რომ თქვენს ჩემს დას ჩემზედ მომეტებულს ძმობას გაუწევთ და არც ერთ მხარეს უსამართლობას არ უზამთ. მე დიდად მოხარული ვარ, რომ ჩემს დას თქვენის შუამავლობით, შემწეობით და მფარველობით დაუწყვია თავისი საქმე თავის მამულთან“⁸.

აქვე ილია ანალიზს უკეთებს იმ პირობებს, რომლებიც სანდრო (ალექსანდრე) ორბელიანს შეუთავაზებია, რაზეც მსჯელობა ყოფილა იოსებ ორბელიანის მიერ ილიასადმი მიწერილ წერილში და მიუთითებს: „...თუ სანდრო

გულწრფელად მოწადინებულია და შინაურულად უნდა გათავება ამ საქმის, აღარ უნდა ისურვოს რომ ბოლოს ეს საქმე ისევე სადავადარაბო გახდეს...“ ილიას სჯერა, რომ არც იოსები ისურვებს საქმის სადავოდ დატოვებას და იურიდიულად ასაბუთებს თუ რატომაა მიუღებელი სანდროს მიერ წამოყენებული პირობები. განსაკუთრებულ ყურადღებას უთმობს იგი უვადო ვექსილებს, რომლის მიცემაც შეუთავაზებია ელისაბედისათვის ალექსანდრე ორბელიანს. ილიას აზრით ასეთი პირობით მხარეთა შორის წამოჭრილი დავის გადაწყვეტა შეუძლებელია, რადგან იმის პირობა იქმნება, როდესაც ილია (ელისაბედი) „იძულებული გახდება საჩივარში წავიდეს, კვლავ ატყდება დავიდარება, რომელსაც ებლა ისე ვერიდებით თქვენცა და ჩვენც“...

ამ წერილში ილიამ წამოაყენა ხუთ პუნქტიანი პირობა, რასაც კანონის შესაბამისად უნდა დაეცვა ქვრივის უფლებებმა ისე, რომ არ შეხდებოდა იურიდიული ალექსანდრე ორბელიანის ინტერესები.

ილია წერილს ასე ამთავრებს: „ვერც ამაზედ შეტს და ვერც ნაკლებს, ჩემის ფიქრით, ვერ მოვსთხოვთ, ვერც სანდროს და ვერც ჩემს დას. ჩემს დას ამასთანავე ვწერ წგნს, და რაც თქვენთვის მომიხსენებია, იმასაც იმას ურჩევ“...

8 იოსებ კონსტანტინეს ძე ორბელიანი, გენერალი, ელისაბედ ჭავჭავაძის უფროსი მამლი.
9 ი. ჭავჭავაძე, თხზულებათა სრული კრებული, ტ. X, გვ. 75-77. წერილზე აღნიშნულია თარიღი „15 იანვარი“, წელი მითითებული არ არის. ელისაბედის დავებს ხანგრძლივი ისტორია ჰქონდა და კონკრეტული მასალები ამ წერილთან დაკავშირებით მოპოვებული არ არის. ამიტომ, პ. ინგოროყვამ, რომელმაც წერილს გაუკეთა პუბლიკაცია, კომენტარში სავარაუდო წელიც არ დაასახელა.

„ქმნა მართლისა სამართლისა...“

ადუარდ ჟიჟინი, თამაზ ზავაშვილი

ოკეატიკა „ინტელიგენტი“.

მზე კარგა გვარიანად გადაიწვერა. ბიძინამ რამდენჯერმე გახედა ჭიშკარს. მაინც მოულოდნელად წამოადგნენ თავს ბაბუა და შვილიშვილი.

— რა იყო, ბიჭო, რას შემოგვიჩინდი, — კონვერტიანი ხელი შემართა მამიამ, — ჩვენი იურისტებად აღზრდა ხომ არ გადაწყვიტე?!

— შენი აღზრდა უკვე, მგონი, დაგვიანებულია.

— ამისი? — გოჩასკენ გადაიქნია თავი მამიამ.

— მაგისი ჯერ კიდევ შეიძლება, მაგრამ... უარს ამბობს და რაღას იზამ, აწი!

— მთელი ღამე არ გვიძინია ბაბუა-შვილი-შვილს, ვადაყვევით ამის კითხვას. კარგია!

— ხომ მიხვდი, ახლა, იმ აფთიაქის გამგეს, ხუციბერბიძეს მოსამართლე კი არ მოუქრთამავს, თავის დაცვის უფლება ჰქონია?!

— რა ვიცოდი ამდენი სამართალი!

მამია აივანზე ავიდა და კონვერტი მაგილაზე დადო.

— არაფერია, აწი გეცოდინება. გოჩას გუშინდელი შეკითხვის საპასუხოდ გამოგიჩინე ერთი ჩანაწერი, — გოჩას მიხედა ბიძინამ, — თუ მზად ხარ, დავიწყო!

ბიძინამ საქალაღე აიღო და სავარძელში მოკალათდა.

— გოჩა, ჩაი არ დავლიოთ?

— ახლავე ჩავრთავ.

— მოსამართლედ ახალი არჩეული ვიყავი. ერთი საკმაოდ სახიერი კაცი შემოვიდა და გამეცნო. სასამართლო შენობა ძველი იყო და მისი ძირფესვიანი შეკეთება მიმდინარეობდა. სამუშაოთა მწარმოებელი ვარ, თქვენთან სათხოვარი მაქვს. მოკლედ მომიყვა, რაც შემთხვევითაა მის შვილს — ზურაბ შველიას. ბიჭი, თურმე, სკოლაში კარგად სწავ-

ლობო, ინსტიტუტშიც მოწყობილია, სამშენებლო ფაკულტეტი დაუმთავრებია. დაოჯახებულია, შვილიც შექმნიათ. ერთ დღეს, როცა ზურაბის შვილი სამი წლის შესრულდა, სტუმრები დაუპატიჟიათ. ზურაბის ცოლი აივანზე გასულა ღვინის შემოსატანად. ზურაბიც თან გაჰყოლია, უტაცია ცოლისთვის ხელი და ძირს გადაუგდია. შავიღები მეოთხე სართულზე ცხოვრობდნენ. ქალი იქვე გარდაცვლილა. ჩატარდა გამოძიება. მკვლელობის მოტივს ვერ მიაკვლიეს. სამედიცინო ექსპერტიზამ დაადგინა, რომ ზურაბ შავიღა დანაშაულის ჩადენისას შეურაცხად მდგომარეობაში იყო. შიზოფრენიის ნიშნები აღმოაჩინდა. სასამართლომ მას ფსიქიატრიულ საავადმყოფოში იძულებითი მკურნალობა შეუფარდა. შვილის უბედურებას დედამ ვედარ გაუძლო და მალე გარდაიცვალა. ერთ წელიწადში მთელი ოჯახი განადგურდა: კაცს რბალი მოუკლეს, ვაჟი-შვილი „საივანში“ მოათავსეს, ცოლი გარდაიცვალა. დარჩნენ ბაბუა და შვილიშვილი. წარმოიდგინეთ, რა დღეში ვარო. შემეცოდა, რა თქმა უნდა, რით დაგეხმარო-მეთქი. განცხადება დამიღო წინ, სადაც ყველაფერი დაწვრილებით იყო მოთხრობილი. ბოლოს ეწერა, გთხოვთ შვილი მე გადმომცეთ სამეურველოდ. განცხადებას თან ერთვოდა სამკურნალო დაწესებულების დასკვნა, სადაც ნათქვამი იყო, რომ ზურაბ შავიღა გამოჯანმრთელდა, საზოგადოებისათვის საშიში აღარ არის და ამ პირის ფსიქიატრიულ საავადმყოფოში ყოფნა მიზანშეუწონელია, მისი სამეურველო გადაცემა შეიძლება, მაგრამ საექიმო მეთვალყურეობაც აუცილებელია.

— მერე, რა ჰქენი?

— შეეცდი!

— რანაირად?

— სამკურნალო დაწესებულების დასკვნის საფუძველზე სასამართლომ განჩინება გამოიტანა; ზურაბ შავდია აღარ არის საზოგადოებისათვის საშიში და სამეურვეოდ მამას გადაეცესო. იმ სასამართლოს თავმჯდომარე მე ვიყავი.

— მერე, რა არის აქ შეცდომა?

— ექვსი თვის შემდეგ ზურაბ შავდიამ საკუთარი მამაც გადმოგადო იმ აივნიდან.

— აუჰ! — აღმოხდა მამიას, — მოკლა, კაცი?!

— აბა!

— შეცდომა შენ კი არა, იმას მოსვლია, ვინც გამოჩანმრთელების ცნობა მისცა!

— კი, — დაიქნია თავი ბიძინამ, — მაგრამ მეც შევეცი. ექსპერტიზა ცნობას იძლევა, სასამართლომ კი უნდა გადაწყვიტოს, კაცი გაანთავისუფლოს თუ არა. მას, შეუძლია, არ გაიზიაროს ასეთი დასკვნა. ჰო! რატომ მოგიყევით ახლა ეს ამბავი! სასამართლომ მხოლოდ ჰკუთამყოფელ კაცს უნდა გამოუტანოს სასჯელი, ისიც გარკვეული ასაკის შემდეგ. შეურაცხად კაცს არ შეუძლია გაიზიაროს საკუთარი მოქმედება, ან წარმართოს იგი. ამიტომ ჰქვია შეურაცხადი! მას ვერც პასუხისმგებლობას დააკისრებ. თუ ასეთი კაცი კანონით აკრძალულ, საზოგადოებრივად საშიშ მოქმედებას ჩაიდენს, სასამართლომ მას იძულებითი მკურნალობა უნდა შეუფარდოს.

— კი, ბატონო, გიყი თავისუფალია! — თქვა მამიამ, — თუ ასეა, რატომ დასაჯებ სანდრო?

— ვინ სანდრო?

— გოქაძის ბიჭი.

— რა ქნა?

— ჩხუბი ატეხა კინოში, მილიციასაც შემოჰკრა. სასამართლომ ის საქციელი ხულიგნობად ჩაუთვალა და დასაჯა.

— რა, არ უნდა დაესაჯათ?

— ისეთი მთვრალი იყო, პატრონს ვერ ცნობდა! იმ წუთში ვერც ის ითვალისწინებდა თავის ნამოქმედარს... ესე იგი, არ იცოდა, რას სჩადიოდა. საერთოდ, არ არის ურიგო ბიჭი.

— მთვრალი სხვა არის და სულიერად დაავადებული სხვა! სიმთვრალე არათუ ათავისუფლებს კაცს პასუხისმგებლობისგან, არამედ, პირიქით, ამძიმებს დანაშაულს. რამდენჯერ ვინმე დათვრება და დანაშაულს ჩაიდენს, პასუხი თუ არ აგო, სად წავა! თუმცა, ეს არ არის მთავარი, მთავარია ის, რომ მთვრალი სულით ავადმყოფი არ არის... თუ დაგვრჩა

დრო, ამაზე შემდეგ ვისაუბროთ, როცა სასამართლოს და დანაშაულის საკითხებში უკეთ გავფრკვევით. რა იყო, გოჩა? — ბიძინამ შენიშნა, ბიჭს რადაცის კითხვა სურდა.

— ბატონო, ბიძინა! — წამოიწყო გოჩამ, — ბიჭები ამბობენ, ვიდრე სრულწლოვანი არ გახდება კაცი, მანამდე დანაშაულზე პასუხს არ აგებსო, მართალია?

— სრულწლოვანი თვრამეტი წლის შემდეგ არის კაცი, თექვსმეტი წლიდან მოყოლებული კი ნებისმიერი დანაშაულის გამო აგებს პასუხს, თოთხმეტიდან თექვსმეტამდე მხოლოდ ზოგი მათგანის გამო.

— მაგალითად?

— მაგალითად, თოთხმეტი წლიდან აღმინი პასუხს აგებს ისეთი დანაშაულისათვის, როგორცაა მკვლელობა, ქურდობა, ძარცვა, ყაჩაღობა, ვინმეს დაშავება, გაუპატიურება, ბოროტი ხულიგნობა, სხვისი ქონების განზარახ დაზიანება, იარაღის გატაცება... კიდევ, ისეთი რამის ჩადენა, რასაც შეუძლია, მატარებლის მარცხი გამოიწვიოს.

— ავაშენა ღმერთმა! — გაიცინა მამიამ, — რაღა დარჩა!

— კიდევ ბევრი დარჩა, — ბიძინა წამოდგა და დარბაზიდან სხვა საქალაქე გამოიტანა.

— აბა, დამიდექით! — მხიარულად შესძახა მან.

— აქა ვართ!

— გოჩა, ჩაი!

— ახლავე! — წამოხტა ბიჭი. ჩაი ჩამოასხა. მამიამ ფრთხილად აიღო ჩაის ჭიქა.

— მისმინეთ! — თქვა ბიძინამ, — ამ პატარა ამბავს „ოპერაცია ინტელიგენტი“ ვუწოდებ. ერთი ქურდობის შესახებ არის აქ მოთხრობილი და მთლიანად წაგიკითხავთ.

„ოთახში მრგვალ მაგიდას ოთხი კაცი უჯდა. საუბარს შუახნის მელოტი წარმართავდა.

— ყველაფერი მზად არის! — თქვა მან, — მაგრამ ვიდრე საქმეს შევეუდგებოდეთ, წინასწარ უნდა ვიცოდეთ, ვინ რაში დახარჯავს ფულს, რადგან კაცი უფრო ხშირად, საქმეში კი არა, ხარჯვისას იწვება, — იგი მხარმარჯვნივ მჯდარ ბრგე, მაგრამ სულელური გამომეტყველების ახალგაზრდას მიაჩერდა:

— თქვი, ტროყი!

ტროყია უხერხულად შეიშმუნა და ძლივს ამოღერდა: — „პრისიტავკა“ მაქვს.

— რამდენი?

— ათი ათასი.

მელოტი უსიამოდ დაიჯღანა. ახლა შუაში მჯდარს მიაპყრო მზერა:

— პავლე, ბატონო!

— მე საქმის კაცი ვარ. ასეთ რამეზე პირ-

ველად და უკანასკნელად მივდივარ. მშრალ-ზე ღამსვეს. ისევ საქმეში უნდა გავიდე. ჩემგან დაწვა არ იქნება! — დარწმუნებით წარმოსთქვა პავლემ.

— გივი, შენ?

— უკანვე უნდა დავუბრუნო, — ხმადაბლა თქვა მან.

— ბუხრაშვილს?! — გაიოცა მელოტმა.

— ორჯერ ვაბარებდი იმ ინსტიტუტში, ორივეჯერ ქულა დამაკლდა.

— რამდენი უნდა.

— ოცი.

— ვინ გიკეთებს საქმეს?

— ბალახაშვილი.

— აფერისტია! — ისევ დაიჯღანა მელოტი.

— ხანდახან მართლა აკეთებს. მე გამოიკეთებს! — გაიღმა გივიმ.

მელოტი მცირე ხანს დუმდა. შემდეგ საზეიმოდ წარმოსთქვა:

— თეატრია „ინტელიგენტი“ იწყება! ჩემი კლიჩკა „ინტელიგენტი“, პავლესი „საქმოსანი“: გივისი „სტუდენტი“, ტროყაისი... — მელოტი დაფიქრდა, — ტროყაისი ტროყია დარჩეს. თქვენ მე არ მიცნობთ, მე თქვენ არ გიცნობთ. როცა საჭირო იქნება, მე თვითონ გნახავთ, — მაჯის საათზე დაიხედა, — თხუთმეტი წუთის შემდეგ მიხვალ ინსტიტუტის წინ, — მიმართა „სტუდენტს“, — იქ თეთრი „ვოლგა“ იქნება, ნომერი შეიღიანები. პატრონს ახლა თათბირი აქვს, — „ინტელიგენტმა“ მანქანის გასაღები ამოიღო ჯიბიდან და გივისს დაუდო, — სიგნალიზაცია ჯერ არ დაუყენებიათ, გარაჟში მიიყვანე. როგორც კი დაძრავს მანქანას, — ახლა ტროყაის მიმართა, — შენი მანქანით კვალში ჩაუდექი და უკან მიჰყევი, შენ კი, — ახლა პავლეს შეხედა, — ქუჩის გადაღმა ტელეფონია, დამირეკე, მე არ მიკითხო. ყველაფერი დაწვრილებით მომიყევი! ნომერი: 99-02-19. ერთად არ გახვიდეთ! ნახევარ საათში ყველაფერი დამთავრდება! წადით!

— „ინტელიგენტი“ მარტო დარჩა. საათი შეიხსნა და ტელეფონი მიიჩოჩა. ოც წუთში ტელეფონის ზარი გაისმა. „ინტელიგენტმა“ ყურმილი აიღო.

— „საქმოსანი“ არ მოვიდა! — მოისმა აღლევებული ტროყაის ხმა.

— „სტუდენტი“ რას შვრება?

— წაიყვანა მანქანა.

— შენ? — იყვირა მელოტმა, — შენი საქმე გააკეთე!

დაფეთებული ტროყია ტელეფონის ჯიხუტიდან გამოვარდა, „ჟიგულში“ ჩაჯდა და თეთრი „ვოლგის“ კვალს დაედევნა. მალე

წამოეწია. „სტუდენტს“ ნელა მიჰყავდა მანქანა. თხუთმეტი წუთის შემდეგ გარეუბანში ერთ-ერთ გარაჟს მიაღვენენ. ტროყია დაწინაურდა, მანქანიდან გადავიდა და გარაჟის კარი გააღო, „სტუდენტმა“ „ვოლგა“ გარაჟში შეიყვანა. ბიჭი ჯერ გადმოსულიც არ იყო, რომ ტროყიამ „ვოლგის“ ჩხრეკა დაიწყო.

— ტროყი! მანქანაში არაფერი არ არის! — გარაჟის ბნელი კუთხიდან გამოვიდა „ინტელიგენტი“, — დღეს რაც მოხდა, დაივიწყეთ, — განაგრძო მან, — დღეს სწორს, ორი კვირის შემდეგ, საღამოს ცხრა საათზე... შენ! — ტროყაის ანიშნა, — თან გქონდეს ჩაქუჩი, სატეხი, ქაფჩა, ერთი პარკი მშრალი ბეტონი და სამი ლიტრი წყალი, გასაგებია?

— კი, გასაგებია, — დააქნია თავი ტროყიამ.

— შენ! — „სტუდენტს“ მიუბრუნდა „ინტელიგენტი“, — იმავე დღეს, დღის თორმეტ საათზე აქ იყავი! მანამდე ერთმანეთს არ ვიცნობთ, „საქმოსანი“, ჩვენთვის აღარ არსებობს; ადრე არასდროს გინახავთ! გასაგებია?

* * *

დავით ბუხრაშვილმა ორი კვირა იბობოქრა, ქალაქის მილიცია ფეხზე დააყენა, ყველა დათათხა, მაგრამ მანქანას მაინც ვერ მიაგნო.

ორი კვირის შემდეგ „სტუდენტმა“ გარაჟს მიაკითხა. იქ „ინტელიგენტი“ დახვდა. მან მანქანის გასაღები მისცა ბიჭს.

— ეს „ვოლგა“ წაიყვანე და საცა იდგა, იქვე დააყენე; შეეცადე, არავინ შეგამჩნიოს. რვა საათზე ტროყაისთან ერთად აქ იყავი. ზუსტად რვაზე დამირეკეთ! ტელეფონის ნომერი ხომ გახსოვს?

— მახსოვს.

— მიხედე საქმეს!

* * *

დავით ბუხრაშვილი ინსტიტუტის შენობიდან გამოვიდა. მისი შოფერი და კიდევ ორი კაცი თეთრ „ვოლგას“ ათვალეირებდნენ. მანქანა დაკეტილი იყო. გაკრიალებულ მანქანას არაფერი ჰქონდა გაფუჭებული.

— სიმონი! — ბუხრაშვილს მიმართა გაკვირვებულმა შოფერმა, — ვინ მოიყვანა ეს?

დავითმა პასუხი არ გასცა. ჯიბიდან გასაღები ამოიღო, მანქანის კარი გააღო და ჩაქ-

და. იქვე, გვერდით, სავარძელზე დადებულ კონვერტი მოხვდა თვალში. აიღო, წერილი გამოაძრო, თვალი გადაავლო. თავისთვის, ხმადაბლა წაიკითხა:

— „ბატონო დავით! უღრმეს ბოდიშს მოგახსენებთ. ერთმა ჩვენმა კოლეგამ მიუტყვევებელი შეცდომა ჩაიდინა, თითქოს სხვა მანქანა არ იყოს ქალაქში. დანაშაულის გამოსასყიდად (თუ ასეთი დანაშაულის პატიება შეიძლება) გთხოვთ, ეს ერთი ყუთი კონიაკი მიიღოთ ჩვენგან. ვითვალისწინებთ რა დანაშაულის მთელ სიმძიმეს, ამას ვუმატებთ ფელარმონიის ოთხ ბილეთს თქვენი ოჯახის წევრთათვის. დღეს რიხბერის გასტროლები იწყება. კონცერტს მეც დავესწრები. პატივისცემით — თქვენი ყოფილი სტუდენტი“. დავითმა მანქანაში მიმოიხედა; კონიაკი არ ჩანდა. კონვერტი გახსნა, ოთხი ბილეთი მართლაც იღო შიგ.

მანქანა ადგილიდან დაიძრა და წყნეთისაკენ აიღო გეზი.

* * *

ბუხრაშვილების ოჯახი თითქმის მზად იყო. მხოლოდ დიასახლისი ამთავრებდა მორთვას, მოსამსახურე გოგო თავს დასტრიალებდა.

— დაგვაგვიანდა, ეკასაც უნდა გავუაროთ. უორა სად არის? — ჰკითხა ქმარს.

— მამაშენი აპირებდა სოფლიდან ჩამოსვლას. დასახვედრად გავგზავნე. შენ არ მიიხარხარებ?

— ჰო, ჰო! ქეთოს ამბრა როგორ დავტოვოთ ამხელა სახლი ტყეში?!

— არაფერი უჭირს, ცეცხლს არავინ წაუქიდებს.

— მე დავრჩები! — წამოიძახა ვასომ.

— წადი, ჩაჯექი მანქანაში! — დაუტია შვილს, — შენ კი ყურადღებით იყავი გოგო! ხომ ხედავ, შენს ამბრა ვტოვებთ აქაურობას.

მანქანაში ჩასხდნენ და წავიდნენ.

რვა საათზე ტროყია და „სტუდენტი“ დათქმულ ადგილას შეხვდნენ ერთმანეთს.

— დაუჩქე! — დაეჭდნა ტროყია ბიჭს.

„სტუდენტმა“ ჯიბეები მოიქექა, ორკაპიკიანი მოძებნა, ჯიბურში შევიდა.

— გისმენთ! — მოესმა ყურმილში მელოტის ხმა.

— გარაჟთან ვართ! — მოახსენა „სტუდენტმა“.

— ტროყია სად არის?

— აქ არის.

— მანქანით?

— დიახ.

— ყურადღებით მისმინეთ! — დაიდინჯა

ხმა მელოტმა, — მიდი გარაჟთან. მოიცა! გარაჟის კარებში გასაღების აცმა. გამოიღეთ და წადით წყნეთში, ბუხრაშვილების სახლში. გასაგებია?

— დიახ.

— მანქანა შორს დააყენეთ, მოსახვევამდე. დიდი გასაღებით გააღებთ ჭიშკარს, მეორეთი სახლის კარებს... შინ არავინ არ არის, გოგო გაყვანილია. არ იჩქაროთ, შედით სახლში და იქიდან დამირეკეთ! გასაგებია!

— დიახ.

— წადით, ოცდაათი წუთის შემდეგ ტელეფონის ზარს ველოდები.

„სტუდენტმა“ ყურმილი ჩამოკიდა.

* * *

ბუხრაშვილების სარკმელს მერაბმა მიუკაქუნა. მინის გადაღმა ქეთო გამოჩნდა. გოგომ ჯერ შეიცხადა, ბევრი იტოჰმანა, მაგრამ, ბოლოს, მიანიც დაუტყნია თავი. მერაბი მეზობელ სახლში შევიდა. მალე ქეთო ღობის ღრიჭოში გაძვრა და მერაბის სახლისკენ გაქანდა.

* * *

ათიოდე წუთის შემდეგ ბუხრაშვილების სახლს „სტუდენტი“ და ტროყია მიადგნენ. ტროყიას ხელში დიდი ჩანთა, „სტუდენტს“ კი ძველი პორთოვლი ეჭირა. თამამად მიადგნენ ჭიშკარს — ორივეს ხელოსნის სპეტანსაცმელი ეცვათ.

„სტუდენტმა“ ჭიშკარი გააღო, მიიხედ-მოიხედეს, დიჩაღ მიუხსლოდნენ სახლს, სადარბაზო კარი გააღეს. ფეხაკრებით შევიდნენ წინაკარში. „სტუდენტმა“ იქვე, მაგიდაზე, ტელეფონი შენიშნა. მაშინვე წასწვდა და დაურეკა.

— აქ ვართ! — ხრინწვარეული ხმით ჩასძახა ყურმილს.

— ნუ ლელავ! — მოესმა „ინტელიგენტის“ ხმა, — წინაკარში იატაკი იხლება. ახადეთ, ჩადით სარდაფში. სინათლე აანთეთ, სარკმელი არა აქვს. მოპირდაპირე კედლის მარჯვენა კუთხესთან მიდი. იატაკიდან ერთი მტკაველის სიმაღლეზე კედელი გამოანგრიე, ოცი სანტიმეტრის დიამეტრით. გასაგებია?

— დიახ.

— კედელი ავურისაა. იმას ოც წუთს მოუნდებთ. ნუ იჩქარებთ, დრო გაქვთ. შემდეგ, დამირეკეთ!

„სტუდენტმა“ ყურმილი დაღო. მოძებნა

იატაკის ღრიტო და თითები ამოსდო. იატაკის ნაწილი მართლაც აიხადა. გამოჩნდა კებე. სარდაფში ჩავიდნენ, სინათლე აანთეს. მოზრდილი საკანი თითქმის ცარიელი იყო, „სტუდენტი“ გულდაგულ მივიდა მარჯვენა კუთხესთან და ჩაიმუხლა.

— იარაღი მომეცი! — ხელი გაუწოდა ტროყიას.

ტროყიამ უბიდან ნაგანი ამოიღო და ხელისგულზე დაუდო. ბიჭი შეკრთა.

— ეს რა არის, ხომ გვითხრა შეფემა, იარაღი არ წაიღოთ!

— ე... ე! — დაიჭყანა ტროყია, — ასეთ საქმეზე უამისოდ როგორ წამოვსულიყავი, სულელი ვარ?!

„სტუდენტი“ კედლის ნგრევას შეუდგა. მალე იმდენი გამოტეხა, ხელი შეეტეოდა. ტროყიას გულმა არ მოუთმინა, ხერხელში ხელი შეჰყო და მოაფათურა. ყუთს წაეტანა, მაგრამ ვერ გამოატია. გაგულსებულმა აგურს მოსდო თითები და ისე ღონივრად მოსწია, მონაგრია. პატარა ყუთი გამოათრია. თავი მოხადა: შიგ ფული და საალროს წიგნაკები ეწყო. ტროყიამ ისევ შეჰყო ხელი, ახლა უფრო მომცრო კოლოფი გამოიღო. იგი ვერცხლის იყო, ჩაკეტილი, შიგ რაღაც რაჩხუნობდა.

ორივე წინკარში აბრუნდა. „სტუდენტმა“ ტელეფონზე დარეკა:

— ვნახეთ!

— რა არის? — მოისმა მელოტის ხმა.

— ფული, წიგნაკები გამომტანის სახელზე და ვერცხლის დაკეტილი კოლოფი.

— ქუჩის კუთხეში, თბილისის მხარეს, „ნივა“ დგას, 38-90. გასაღები ადგილზეა. იმით წამოდი. ტროყია დარჩეს. გამონგრეული ადგილი ისევ ამოლესოს. ყველაფერი დაასუფთაოს. არ იჩქაროს. დრო ოცი წუთი აქვს. თავისი მანქანით დაბრუნდეს. გარაჟთან შევიკრიბებით.

„სტუდენტმა“ ყურმილი დასდო და დანაბარები ტროყიას შეატყობინა, ნადავლი პორტფელში ჩააწყო და გარეთ გავიდა.

ტროყია სარდაფში ჩაბრუნდა.

* * *

ქეთო და მერაბი მეზობელი სახლის ერთ-ერთ ოთახში ტახტზე წამოგორებულყვენ და საუბრობდნენ.

— დამპირდნენ, ორ წელიწადში უმალ-ლესში მოგაწყობთო, — დაამთავრა თხრობა ქალმა.

— ხომ არ გატყუებენ?

— ჩემამდე ერთი ჩვენებური გოგო ჰყავდათ. მართლა მოაწყვეს. რაღა ჩემზე გადაბრუნდება ქვეყანა! თუ მიმტყუნეს, მიყურონ რასაც ვიზამ, ისეთები ვიცი მაგათზე...

ქეთომ სიტყვა გაწყვიტა, მიყურა, ბუნბრაშვილების სახლიდან ყვირილი ისმოდა. გოგომ შეჰკვილა, ფეხზე წამოიჭრა, ერთ წამში გადაიცვა კაბა და გარეთ გაიჭრა.

წინაკარიდან ღრიალი ისმოდა. ქეთო თავხდულ სარდაფს წაადგა.

ვილცა ხანშიშესული კაცი მხრებში ჩაფრენოდა ახალგაზრდას და ყვიროდა, მიშველეთო.

ქეთო ანგარიშმიუცემლად დაეშვა კიბეზე. კაცის ღრიალს მისი კვიცილი შეუერთდა. კაცმა დრო იხელთა, ზემოთ ამოვარდა და ხალხი იხმო საშველად.

შეიყარნენ მეზობლები. სარდაფისკენ გაქანდნენ. იქ უკვე სიჩუმე იდგა. თავგაჩეხილი ქეთო ბეტონის იატაკზე ეგდო. ტროყია იქვე ჩაცუტქულიყო, ცახცახებდა, ტუჩებზე ღუფი მოსდებოდა. ხალხის დანახვაზე უაზროდ დაცეცებინა თვალები.

* * *

ბიძინამ საქალაღდე დახურა და ფეხზე წამოდგა. მუხლი გამართა, ერთხანს მღუმარედ სცემდა ბოლთას.


მთვარიანი ღამე იყო. გრილოდა. დრო-დადრო ძაღლები ეხმიანებოდნენ ერთმანეთს.

— დეტექტივია პირდაპირ, — ჩაილაპარაკა მამიამ, — ის გოგო დაიღუპა?

— კი.

— ის კაცი ვინ იყო?

— ის კაცი ბუნბრაშვილის სიმამრი იყო. „ინტელიგენტმა“ არ იცოდა, რომ იგი მანცდამანც იმ დღეს აპირებდა ჩამოსვლას. მძლოლმა წყნეთში აიყვანა და დატოვა. თან უთხრა, კონცერტზე არიან, მალე მოვლენო. ქეთოც შინ ეგულებოდა. სიმამრი შევიდა სახლში მშვიდად, წინკარში იატაკი დახვდა ახლილი, ჩაიხედა და ვილცა უცხო კაცი დანახა, კედელს ლესავდა. მოხელე ეგონა, ჩავიდა, დამფრთხალი ტროყია წამოვარდა და იარაღი იშვილა. სიმამრი ძლიერი კაცი აღმოჩნდა. ვიდრე ქურდი რევოლვერის ფეხზე შეყენებას მოასწრებდა, ეძგერა. დაბნეულმა ტროყიამ იარაღის ტარით ლავიწის ძვალი ჩაუმტვრია, თავიც გაუხეთქა, მაგრამ ვერ მოიცილა. ამ ამბავს ქეთო წაესწრო და მიშველება სცადა, მაგრამ მასაც ნაგანის ტარი მოხვდა საფეთქელში.



— რა მიუსაჯეს ტროციას? — იკითხა მამიამ.

— ის საქმე მე გავარჩიე, — ბიძინამ საქალაღდე აიღო ხელში, — აგერ მაქვს განაჩენის ასლი: „სერგო ივანეს ძე სიკინჭალაშვილს, იგივე „ტროციას“, ბინაში შედღწევით ქურდობისათვის საქართველოს სსრ სისხლის სამართლის კოდექსის 150-ე მუხლის III ნაწილით მიესაჯა ათი წლით თავისუფლების აღკვეთა...“

— მოიცა! შეაჩერა მამიამ, — „ბინაში შედღწევა“ რას ჰქვია?

— ბინაში შესვლა და ქურდობა უფრო მკაცრად ისჯება, ვიდრე, ვთქვათ, ქუჩაში ქურდობა. თუმცა, ჯობია ეს მუხლი წაგიკითხოთ, უფრო კარგად გაერკვევით. — ბიძინამ ახლა კოდექსი გადაშალა, — „მუხლი 150“. ქურდობა. ქურდობა, ესე იგი, მოქალაქეთა ქონების ფარულად გატაცება ისჯება თავისუფლების აღკვეთით ვადით ორ წლამდე, ან გამასწორებელი სამუშაოებით ამავე ვადით. ქურდობა ჩადენილი განმეორებით ან პირთა ჯგუფის მიერ წინასწარი შეთანხმებით, ან პირის მიერ, რომელიც თავს არიდებს საზოგადოებრივად სასარგებლო შრომას, ანდა, რამაც მნიშვნელოვანი ზიანი მიიყენა დაზარალებულს, ისჯება თავისუფლების აღკვეთით ვადით ერთიდან ხუთ წლამდე ქონების კონფისკაციით ან უამისოდ. ქურდობა ბინაში შედღწევით ისჯება თავისუფლების აღკვეთით ვადით ორიდან ათ წლამდე. ქურდობა ჩადენილი განსაკუთრებით საშიში რეციდივისტის მიერ, ისჯება თავისუფლების აღკვეთით ვადით ოთხიდან ათ წლამდე ქონების კონფისკაციით“. გასაგებია?

— რეციდივისტი რა არის? — იკითხა გოჩამ. მამიამ მწყურალად გადახედა შვილიშვილს.

— არა, კი ვიცი, მაგრამ... არ შემეშალოს-მეთქი.

— მართალი ხარ! — დაეთანხმა ბიძინა, — სამართლებრივი ტერმინი, და სერთოდ, ყოველგვარი ტერმინი, მიახლოებით კი არა, ზუსტად უნდა იცოდე. რეციდივისტი ეს არის საშიში, ძნელად გამოსასწორებელი დამნაშავე. ამის გადაწყვეტის უფლება მხოლოდ სასამართლოს აქვს და სხვას არავის. ეს დამოკიდებულია იმაზე თუ რამდენჯერ და რა სიმძიმის დანაშაული აქვს ჩადენილი კაცს. თუ ვინმე რეციდივისტად სცნეს, გარკვეული უფლებები ეზღუდება და უფრო მკაცრად ისჯება.

— „სტუდენტს“ რა მიუსაჯეთ, — მოუთმენლობა დაეტყო გოჩას.

— ჯერ ტროციას საქმე მოვრჩეთ! მან ქურდობის გარდა კიდევ რამდენიმე დანაშაული ჩაიდინა.

— კაცი მოკლა! — შეაგება მამიამ.

— მანამდეც „ნაგანის“ სისტემის რევოლვერი ჰქონდა. ეს თავისთავად დანაშაულია. მოიცათ! — ისევ კოდექსს დასწვდა ბიძინა, — 238-ე მუხლს წაგიკითხავთ: „ცეცხლსასროლი იარაღის (გარდა სანადირო გლუვლულიანისა) საბრძოლო მასალის ან ფეთქებად ნივთიერებათა სათანადო ნებართვის გარეშე შენახვა, შექენა, დამზადება ან გასაღება ისჯება თავისუფლების აღკვეთით ვადით ხუთ წლამდე. პირი, რომელმაც ნებყოფლობით ჩააბარა ცეცხლსასროლი იარაღი, საბრძოლო მასალა ან ფეთქებადი ნივთიერება, რომლებიც მას სათანადო ნებართვის გარეშე ჰქონდა, თავისუფლდება სისხლის სამართლის პასუხისმგებლობისაგან.“

ხანჯლის, ფინურის დანის ან სხვა ცივი იარაღის სათანადო ნებართვის გარეშე ტარება, დამზადება ან გასაღება გარდა იმ შემთხვევისა, როდესაც ეს მოქმედება დაკავშირებულია რეწვის, სამსახურის ან საყოფაცხოვრებო პირობებთან, აგრეთვე, როდესაც იარაღი ეროვნული ტანსაცმელის სამკაულს წარმოადგენს, ისჯება თავისუფლების აღკვეთით ვადით ორ წლამდე, ან გამასწორებელი სამუშაოებით იმავე ვადით, ან ჯარიმით ას მანეთამდე“. სიკინჭალაშვილს ქურდობისათვის ათი წელი მიევსაჯეთ, ხოლო იარაღის უნებართვოდ ტარებისათვის — ხუთი წელი. კაცს რომ ლავიწის ძვალი გაუტეხა და თავიც გაუხეთქა, ეს სხეულის მძიმე დაზიანებაა. ამისათვის კი 110-ე მუხლის პირველი ნაწილით რვა წელი მიევსაჯეთ...

— ქალი რომ მოკლა?! — შეახსენა გოჩამ.

— მაგაზე — დახვრეტა.

— აუჰ, შველებია იმ კაცს! — წამოიძახა მამიამ, — კიდევ კარგი, თხუთმეტ წელს არ დასჯერდით, თვარა, ქურდობის ათ წელს დაუშმატებდით, იარაღის ტარების ხუთს და კაცის დაშავების რვა წელს. სულ რამდენია, ბიჭო? — შვილიშვილს გადახედა მამიამ.

— ოცდათვრამეტი.

— ოცდათვრამეტ წელიწადს ციხეში ჯდომას, დახვრეტა არ ჯობია?!

— არც ასეა საქმე! — დაამშვიდა ბიძინამ — რაც შენ თქვი, მამია, ამას „რამდენიმე დანაშაულის ჩადენის დროს სასჯელის დანიშნა“ ჰქვია. ყველაზე მკაცრი სასჯელი ნაჯ-

ლებად მკაცრს შთანთქავს. მათი შეკრებაც ხდება მთლიანად ან ნაწილობრივ...

აგვისენი, თუ კაცი ხარ!

— მაგალითად, ტროყიასათვის დახვრეტა რომ არ მიგვესაჯა, თხუთმეტ წელიწადზე მეტს ვერ მივცემდით... იმაზე მეტს ვერ მიუსჯი კაცს, რასაც ყველაზე მძიმე დანაშაული ითვალისწინებს... დაგვათინდა თავზე.

— არსად წამსვლელები არ ვართ, სანამ სხვების ბედსაც არ გავვაგებინებ: „სტუდენტი“, „ინტელიგენტი“...

ბიძინამ ხელები გაშალა, აქოდა, სხვა რა გზა მაქვსო.

— ეს დანაშაული თანამონაწილეობით მოხდა. თანამონაწილეობა მაშინ არის, თუ ორი ან რამდენიმე პირი განზრახ ერთად ჩაიდენს დანაშაულს. ჭგუფური დანაშაული უფრო საშიშია ხოლმე და ამიტომ ერთპიროვნულად ჩადენილ დანაშაულზე უფრო მკაცრად ისჯება. რა ხდება ჭგუფური დანაშაულის დროს?! როლებს ინაწილებენ ხოლმე, ხომ? შენ ეს ჰქენი, მე იმას ვიხამ, და ასე შემდეგ. დანაშაულის სულისჩამდგმელს, ხელმძღვანელს ორგანიზატორი ჰქვია.

— მელოტი! — წამოიძახა გოჩამ.

— ჰო „ინტელიგენტი“, იგივე მელოტი, ის იყო დანაშაულის ორგანიზატორი. ვინც უშუალოდ დანაშაულს სჩადის, დანაშაულის აღმსრულებელი ჰქვია. ამ შემთხვევაში ვინ იყვნენ აღმსრულებლები? — გოჩას გახედა ბიძინამ, — ტროყია და „სტუდენტი“, ხომ?

— გივის არავინ მოუკლავს, — ჩაერთო მამიაც.

— ტროყია და გივი, იგივე „სტუდენტი“ ქურდობის აღმსრულებლები იყვნენ, — განაგრძო ბოლოს ცემა ბიძინამ, — თანამონაწილეობის დროს ყველაზე მკაცრად ორგანიზატორები და აღმსრულებლები ისჯებიან. იმ საქმეში სხვაც იღებდა მონაწილეობას. მერაბი, ქეთო რომ გაიტყუა ისიც თანამონაწილე იყო. ასეთ თანამონაწილეს დამხმარე ეწოდება. კანონით დამხმარეა ყველა, ვინც დანაშაულის ჩადენას ხელს უწყობს რჩევით, მითითებებით, საშუალების მიცემით ან დაბრკოლების მოხსნით, აგრეთვე, ვინც წინდაწინ დაპირდება დამნაშავეს, რომ მას ან დანაშაულის კვალს დაფარავს. პაულეც ხომ გახსოვთ?! ის კაცი, ვიდრე „საქმოსანი“ გახდებოდა, მამას ეხმარებოდა კალატოზობაში. მან და მამამისმა ააშენეს ბუხრაშვილების აგარაკი. იმ საიღუმლო სარდაფის შენებისას,

პაულე მიხვდა, რომ ნიშა განძეულის შესანახად კეთდებოდა. შემდეგ გაუჭირდა, „მშრალზე“ დარჩა, ის სამალავი გაახსენდა და ქურდს მიაკითხა.

— მელოტი! — ჩაუბოძო გოჩამ.

— ჰო! იგი გოგი სურმავე აღმოჩნდა, „ინტელიგენტად“ წოდებული. პაულემ საქმე მისცა და წილში გასვლა სთხოვა. მოლაპარაკების მიხედვით ისიც აღმსრულებელი უნდა ყოფილიყო, მაგრამ ბოლოს შეშინდა, დაკრავები და ვილაც ქალთან ერთად სოჭში გადაფრინდა.

— ესე იგი, გადაურჩა ციხეს? — იკითხა მამიაც.

— ისე გადარჩა ჩემი მტერი! ის კაცი წამქეზებულიც იყო და დამხმარეც.

— დროზე რომ უტია იმ ამბავს?!

— მოიცა, მიყვებით ქურდობის ორგანიზატორს, გოგი სურმავეს, მელოტს, როგორც განსაკუთრებით საშიშ რეციდივისტს, სასამართლომ ათი წლით თავისუფლების აღკვეთა მიუსაჯა ქონების კონფისკაციით.

— გივის? — დანიტერესდა გოჩამ.

— სასამართლომ გაითვალისწინა, რომ გივი ბედია ადრე არ იყო გარეული ცუდ საქმეში, შემთხვევით ასცდა გზას. ამიტომ, ოთხი წელი ვაჭმარეთ. მერაბ ლეკიშვილს სამი წლით თავისუფლების აღკვეთა მიესაჯა, ხოლო პაულეს, მისი გვარი აღარ მახსოვს, ოთხი წელი ერგო.

— კი, მაგრამ... — შეინძრა მამიაც, — ვთქვათ, შეცდა კაცი, წამოიწყო რამე იმნაირი, მაგრამ დროზე მიანება თავი... არა აქვს მნიშვნელობა, ბოლომდე მიიყვანს თუ არა დანაშაულს?!

— როგორ არა! განზრახ ჩადენილმა დანაშაულმა შეიძლება რამდენიმე საფეხური გაიაროს. დანაშაულის ჩასადენად საშუალების გამოძებნა, იარაღის მომარაგება ან რაიმე პირობის განზრახ შექმნა, კანონის მიხედვით, დანაშაულისათვის მზადდება. დანაშაულის ჩასადენად უშუალოდ მიმართული მოქმედება მცდელობაა, თუ დამნაშავისგან დამოუკიდებელი მოხეზების გამო ბოლომდე არ განხორციელდა დანაშაული. დანაშაულის მომზადება და მცდელობა ისჯება, მაგრამ თუ კაცი ნებაყოფლობით აიღებს ხელს დანაშაულის ბოლომდე მიყვანაზე, მაშინ სისხლის სამართლის პასუხისმგებლობისაგან გათავისუფლებს.

— რას ერჩოდით, მერე იმ პაულეს?

— მეთვრამეტე მუხლს წაგიკითხავთ და მიხედვით, — ბოძინამ კოდექსი გადაშალა, — „იმ პირს, ვინც ნებაყოფლობით ხელს აიდებს დანაშაულის ბოლომდე მიყვანაზე, სისხლის სამართლის პასუხისმგებლობა დაეკისრება მხოლოდ იმ შემთხვევაში, თუ მის მიერ აქტიურად ჩადენილი ქმედობა შეიცავს სხვა დანაშაულის შემადგენლობას. ეს მუხლი ვრცელდება, აგრეთვე ორგანიზატორებზე, წამქეზებლებსა და დამხმარეებზე, რომლებმაც ნებაყოფლობით მიიღეს ზომები დანაშაულის ასაცდენად, თუ, ამასთან დანაშაული ბოლომდე არ იყო მიყვანილი“. გაიგეთ?

ბაბუა-შვილიშვილს აშკარად ეტყობოდათ, რომ მოსმენილი კარგად ვერ გაიგეს:

— მამია! ვთქვათ, ჩემი მოკვლა ჩაიფიქრე. საამისოდ შეიძინე ნაგანი, ბოლოს შეგეცოდე და აღარ მომკალი. შენ ნაგანის შეძენისთვის დაისჯები და არა მკვლელობის მოზადებისათვის.

— ნაჯახით რომ დამეპირებინა?

— მაშინ, საერთოდ არავითარ პასუხს არ აგებდი. ნაჯახის შეძენა არ არის დანაშაული. პავლემ საკუთარ წამოწყებაზე ხელი აიღო, მაგრამ საქმე უიმისოდ გაგრძელდა. მან ხელი არ შეუშალა დანაშაულის ჩადენას, არა-

ვითარი ზომები არ მიიღო საამისოდ.

— ჰო, გასაგებია! — ხელი აიქნია მამიამ, — დროზე რომ ეთქვა მავანისთვის და ის საქმე არ მომხდარიყო, პასუხს აღარ აგებდა.

— მართალი ხარ!

— ერთი შეკითხვა კიდევ და მივდივარ დასაძინებლად...

— ბრძანე!

— დანაშაულის ორგანიზატორს ათი წელი მისცეს, აღმსრულებელს კი დახვრეტა!

ის, რა ჰქვია... შელოტი რომ არ ყოფილიყო, არც ის მკვლელობა მოხდებოდა, ალბათ.

— იმ კაცს ქურდობა ჰქონდა განზრახული, ქურდობისათვის კი ათ წელზე მეტი არ არის.

— კაცი რომ შეეწირა?

— კაცი ტროყიამ მოკლა. ამიტომ, მკვლელობისათვის მხოლოდ მან აგო პასუხი. ასეთ შემთხვევებს სისხლის სამართლის თეორიაში აღმსრულებლის ექსცესი ეწოდება.

მამია ფეხზე წამოდგა:

— კიდევ დამრჩა გაურკვეველი რაღაც, მაგრამ შემდეგ იყოს; ღვთის მადლით, წასვლას არსად აპირებ, წავიდეთ! — შეუძახა შვილიშვილს.

(გაგრძელება შემდეგ ნომერში)



ინფორმაცია

საქართველოს სსრ უმაღლესი სასამართლოს პლენუმი

ბაიშარტა საქართველოს სსრ უმაღლესი სასამართლოს მორიგი პლენუმი, რომელსაც თავმჯდომარეობდა საქართველოს სსრ უმაღლესი სასამართლოს თავმჯდომარე პ. პარბანაძე.

მოხსენება — „სკკპ XXVII და საქართველოს კომპარტიის XXVII ყრილობების გადაწყვეტილებათა შესასრულებლად მართლმსაჯულების განხორციელებისა და კანონიერების განმტკიცებისათვის რესპუბლიკის სასამართლოების საქმიანობის გაუმჯობესების შესახებ“ — გააკეთა პ. პარბანაძემ.

სასამართლოების საქმიანობის შემდგომი გაუმჯობესება და სრულყოფა — თქვა მომხსენებელმა — ძირითადად მოსამართლეთა პასუხისმგებლობის ყოველმხრივ ამაღლებაზეა დამოკიდებული. როგორც წესი, სისხლის სამართლისა და სამოქალაქო სამართლის საქმეები უნდა იხილებოდეს მხოლოდ კანონის მოთხოვნილებათა შესაბამისად, დადგენილ ვადებში და მაღალ პროფესიულ დონეზე. განსაკუთრებულ ყურადღებას საჭიროებს სასამართლო პროცესების ორგანიზაცია და მათი კულტურა, რადგან სწორედ მაღალ იდეურ და წინეობრივ დონეზე ჩატარებულმა სასამართლო პროცესმა უნდა შეუწყოს ხელი კანონიერებისა და სოციალისტური ცხოვრების წესების განმტკიცებას.

პარტიის მიერ დასახული ამოცანების უყოყმანოდ აღსრულებელმა სასამართლოებმა მკაცრად უნდა დაიცვან საბჭოთა მართლმსაჯულების დემოკრატიული პრინციპები, სასამართლო საქმეების განხილვაში აუცილებლად ჩააბან შრომითი კოლექტივებისა და საზოგადოებრივი ორგანიზაციების წარმომადგენლები, უზრუნველყონ სასამართლო პროცესების საჭაროობა, ფართოდ და დროულად გამოიყენონ ბექდვითი ორგანოები, რადიო, ტელევიზია და სხვ.

რესპუბლიკის სასამართლოების საქმიანობა — თქვა პ. პარბანაძემ — ბოლო წლებში ბევრად გაუმჯობესდა. ამაღლდა სამოქალაქო და სისხლის სამართლის საქმეთა განხილვის ხარისხი, უფრო მეტი ყურადღება მიექცა სამართლდარღვევათა გამომწვევი მიზეზებისა

და პირობების გამოვლინებას, გაუმჯობესდა ჩატარებული სასამართლო პროცესების კულტურა და ორგანიზაცია, გაძლიერდა პროღელაქტიურ-აღმწერდლოობითი ღონისძიებები.

აქვე მომხსენებელმა მკაცრად ილაპარაკა რესპუბლიკის სასამართლოების საქმიანობაში ჯერ კიდევ არსებულ სერიოზულ ნაკლოვანებებზე და მოიყვანა კონკრეტული მაგალითები. ყურადღება გაამახვილა ისეთ შემთხვევებზე, როდესაც მოსამართლეები ყოველმხრივ და ობიექტურად არ იკვლევენ საქმის ფაქტიურ გარემოებებს, აუცილებელ მომთხოვნელობას არ იჩენენ მოკვლევისა და წინასწარი გამოძიების ხარისხისადმი, მთელი სიზუსტით არ ამოწმებენ მათ მიერ შეგროვილ მასალებს, არ ავლენენ დანაშაულის ყველა მონაწილეს და სხვ. ყველაზე სამწუხარო კი მაინც ის არის, რომ ხშირია ქმედობის არასწორი კვალიფიკაციის შემთხვევები და რაც მთავარია, ამის შედეგად ირღვევა კანონის მოთხოვნა სასჯელის დანიშვნისადმი მკაცრი ინდივიდუალური მიდგომის შესახებ.

სკკპ XXVII ყრილობის იმ გადაწყვეტილებათა განსახორციელებლად, რომლებიც ჩვენს ქვეყნის შემდგომ სოციალურ-ეკონომიკურ განვითარებას ითვალისწინებენ, მოსამართლეებმა მნიშვნელოვნად უნდა გააუმჯობესონ ისეთი სისხლის სამართლის საქმეების განხილვა, როგორიცაა სოციალისტური საკუთრების გატაცება, უხარისხო პროფუქციის გამოწვევა, მიწერები, სპეკულაცია, მექრთამეობა და სხვა. ეს საქმეები ისე უნდა წარიმართოს, რომ შთიანად და დროულად ანაზღაურდეს სახელმწიფოსათვის მიყენებული მატერიალური ზარალი.

სასამართლოებმა — განაგრძო მომხსენებელმა — მკაცრად უნდა დაიცვან აგრეთვე სასჯელის ინდივიდუალიზაციის პრინციპი და დამნაშავეს სასჯელი შეუფარდონ ჩადენილი დანაშაულის საზოგადოებრივი საშიშროების ხარისხისა და ხასიათის მიხედვით, პასუხისმგებლობის დამამძიმებელ და შემამსუბუქებელ გარემოებათა გათვალისწინებით. რა თქმა უნდა, აუცილებელია კანონით გათვალისწინებული მკაცრი ღონისძიებების გამოყენება იმ პირობა მიმართ, რომელთაც მძიმე დანა-

შაული აქვთ ჩადენილი, ადრეც არიან სამართალში ნაყოფნი და ჭკუტად არ სურთ დადგნენ პატიოსანი ცხოვრების გზას. მაგრამ უნდა გვახსოვდეს კანონის მოთხოვნებიანი მავნიაც, როდესაც ვსჯით იმათ, ვინც პირველად ჩაიდინეს ისეთი სახის დანაშაული, რომელიც თავისი ხასიათით არ არის საზოგადოებრივად საშიში ქმედობა. ასეთ დროს სასამართლოებმა უნდა იმსჯელონ აგრეთვე თავისუფლების აღკვეთის პირობითად მისჯის, მსჯავრდადებულის შრომაში სავალდებულო ჩაბმის ან განაჩენის აღსრულების ვადების შესახებ. ამ გარემოებებს განსაკუთრებული ყურადღება უნდა მიექცეს მოზარდებისათვის სასჯელის დანიშვნის დროს, რადგან კანონის თანახმად არასრულწლოვანობის დროს დანაშაულის ჩადენა ითვლება პასუხისმგებლობის შემამსუშუბებელ გარემოებად.

განაჩენის აღსრულების ვადების ან პირობითი მსჯავრის შეფარდების დროს სასამართლოებმა ფართოდ უნდა გამოიყენონ კანონით გათვალისწინებული შესაძლებლობა და მსჯავრდადებულთა გამოსწორებისა და ხელახალი აღზრდის საქმეში ჩაბან შრომითი კოლექტივები, საზოგადოებრივი ორგანიზაციები და ცალკეული პირები.

საქართველოს სსრ უმაღლესმა სასამართლომ, აფხაზეთის ასსრ და აჭარის ასსრ უმაღლესმა სასამართლოებმა, სამხრეთ ოსეთის ავტონომიური ოლქისა და თბილისის საქალაქო სასამართლოებმა განუხრებლად უნდა იხელმძღვანელონ სკკპ XXVII და საქართველოს კომპარტიის XXVII ყრილობების გადაწყვეტილებებით, მათგან გამომდინარე ღირებულებით მითითებებით და იმგვარად წარმართონ მუშაობა, რომ მართლმსაჯულების დონე რესპუბლიკაში ყოველნაირად პასუხობდეს პარტიისა და კანონის მოთხოვნებს.

განხილულ საკითხზე კამათში მონაწილეობდნენ სამხრეთ ოსეთის ავტონომიური ოლქის სასამართლოს თავმჯდომარე ვ. მარბივიძი, თბილისის საქალაქო სასამართლოს თავმჯდომარე შ. მახარაძე, საქართველოს სსრ უმაღლესი სასამართლოს წევრები თ. ბირსამიძე, ზ. შაშიაშვილი, ა. ლუღუნიშვილი და ნ. ნახარაძე.

დღის წესრიგის მეორე საკითხზე — „სასამართლოების მიერ განქორწინების საქმეებზე კანონმდებლობის გამოყენების შესახებ“ სსრ კავშირის უმაღლესი სასამართლოს პლენუმის 1980 წლის 28 ნოემბრის დადგენილების შესრულების მიმდინარეობის თაობაზე“ — მოხსენებით გამოვიდა საქართველოს სსრ უმაღლესი სასამართლოს წევრი ბ. ცირაშვილი.


განქორწინება — თქვა მომხსენებელმა —

ისეთი ფაქტია, რომ თავისთავად იგი მოსამართლეთა განსაკუთრებულ ყურადღებას, გულისხმიერებას და სიფაქივნეს მოითხოვს. განქორწინების დროს საქმე ფაქტებს ოჯახურ ურთიერთობასთან და დაუფკარებელმა შეცდომამ შეიძლება ბევრი რამ არასწორად გადაწყვიტოს. აქ აუცილებელია გათვალისწინებული იყოს აგრეთვე ოჯახის შენარჩუნების, ბავშვებზე ზრუნვის, მათი მომავლის საკითხები, თვითონ ახალგაზრდა მშობლების შემდგომი ბედი. ამ საქმეთა სასამართლო პრაქტიკა ცხადყოფს, რომ რესპუბლიკის მართლმსაჯულების ორგანოები, მართალია, ძირითადად სწორად წყვეტენ განქორწინების საქმეებს, მაგრამ ზოგჯერ მინც შეიძენება ზერელობა, აჩქარება და შეცდომები.

საქართველოს სსრ საქორწინო და საოჯახო კოდექსის თანახმად სახალხო მოსამართლეებმა უპირველესად კანონი უნდა განუშარტონ სასამართლოში განცხადებით მოსულ მოქალაქეებს და თუ არ ჰყავთ არასრულწლოვანი შვილები, თანახმანი არიან განქორწინებაზე, არ დავობენ ქონებაზე ან ურთიერთრჩენაზე, საქმის სასამართლოში განხილვის გარეშე უნდა მიმართონ მოქალაქეობრივ მდგომარეობის აქტების ჩამწერ ორგანოს. სხვა შემთხვევებში სახალხო სასამართლომ უნდა მიიღოს მეუღლეთა სასარჩილო განცხადება განქორწინების შესახებ და განიხილოს ძალიან ყურადღებით, გულისხმიერად, უპირველესად კი იმას ეცადოს, რათა აღადგინოს დანგრეული ოჯახი, შეარიგოს განაწყენებულები და არ დაუქარგოს პატარებს მშობლები.

სასარჩილო განცხადება განქორწინების შესახებ უნდა პასუხობდეს საქართველოს სსრ სამოქალაქო სამართლის საპროცესო კოდექსის 184-ე მუხლის მოთხოვნებს, კერძოდ უნდა აღინიშნოს თუ სად და როდის მოხდა ქორწინების რეგისტრაცია, შეეძინათ თუ არა ბავშვები, შეთანხმდნენ თუ არა მეუღლეები მათ რჩენასა და აღზრდაზე, აქვე უნდა დასაბუთდეს განქორწინების მიზეზები და სხვა განცხადებას თან უნდა დაერთოს ქორწინების მოწმობა, ბავშვების დაბადების მოწმობების ასლები, ცნობა მეუღლეთა ხელფასისა და სხვა შემოსავლის შესახებ და ა. შ.

განქორწინების საქმის სრულყოფილად მომზადების შემდეგ მოსამართლე გამოიძახებს მოპასუხეს, გააკრვევს მის დამოკიდებულებას სასარჩილო განცხადებისადმი, თუ შესაძლებელია მიიღებს ზომებს მათ შესარიგებლად, განუმარტავს კანონს და მხოლოდ ამის შემდეგ განიხილავს არსებითად. ამასთან აუცილებელია ოფიციალურად დაინიშნოს მეუღლეთა შერიგებისათვის დაწესებული ვადა. ერთ-



ერთი ან ორივე მეთულის ფორმალური, უსაფუძვლო უარი ქორწინების გაგრძელებაზე, არ არის განქორწინების საკმარისი საფუძველი. სასამართლომ მხოლოდ მაშინ უნდა დააკმაყოფილოს მოთხოვნა განქორწინებაზე, როცა დეტალურად შეისწავლის საქმეს და საბოლოოდ დაადგენს, რომ ოჯახის შენარჩუნება და მეთუღლეთა ერთად ცხოვრება მართლაც შეუძლებელია.

განქორწინების საქმეთა სასამართლო სხდომის ოქმი უნდა შედგეს საქართველოს სსრ სამოქალაქო სამართლის საპროცესო კოდექსის 285-ე მუხლის შესაბამისად. მასში უნდა აისახოს სასამართლო განხილვის ყველა ძირითადი მომენტი. მონაცემები მოსარჩელესა და მოპასუხეზე, ბავშვების წლოვანება, დაწვრილებითი განმარტება სარჩელის მოთხოვნაზე, მოწმეთა ჩვენებები, სხვა მტკიცებულებები, რომელიც სასამართლომ გამოაკვია და აგრეთვე ის ღონისძიებები, რაც მეთუღლეთა შესარიგებლად ჩატარდა.

რესპუბლიკის მართლმსაჯულების ორგანოებმა, საქართველოს ყველა რაიონისა და ქალაქის სახალხო სასამართლოებმა მკვეთრად უნდა ააიხადონ განქორწინების საქმეთა განხილვის ხარისხი. ჩატარებულმა პროცესებმა ხელი უნდა შეუწყოს საბჭოთა ოჯახის განმტკიცებას, უზრუნველყოს მეთუღლეთა და მათი არასრულწლოვანი შვილების კანონიერი ინტერესები.

ამ საკითხზე გამართულ კამათში მონაწილეობა მიიღეს საქართველოს სსრ უმაღლესი სასამართლოს თავმჯდომარის მოადგილემ ბ. დემდარბანამ, აჭარის ასსრ უმაღლესი სასამართლოს თავმჯდომარემ ბ. ბორჩხაძემ, ქ. თბილისის საქალაქო სასამართლოს თავმჯდომარის მოადგილემ ლ. ჩორბოლაშვილმა, ქ. თბილისის 26 კომისიის სახელობის რაიონის სახალხო სასამართლოს თავმჯდომარემ

3. ალანინამ, ქ. ქუთაისის ავტოქარხნის რაიონის სახალხო სასამართლოს თავმჯდომარემ ი. აფრიდონიძემ, საქართველოს სსრ პროკურატურის სასამართლოებში სამოქალაქო სამართლის საქმეთა განხილვაზე წედახედველობის განყოფილების უფროსმა მ. ძურღაძემ.

აჭარის ასსრ უმაღლესი სასამართლოს თავმჯდომარემ ბ. ბორჩხაძემ და საქართველოს სსრ უმაღლესი სასამართლოს წევრმა თ. დონჯაშვილმა პლენუმს მოახსენეს იმის თაობაზე, თუ როგორ ასრულებს აჭარის ასსრ უმაღლესი სასამართლო საქართველოს სსრ უმაღლესი სასამართლოს პლენუმის 1984 წლის 7 ივლისის დადგენილებას „სასამართლოების მიერ სისხლის სამართლის საქმეთა განხილვის დროს კანონების უსუტად დაცვის შესახებ“.

პლენუმმა მოისმინა აგრეთვე საქართველოს სსრ უმაღლესი სასამართლოს წევრების ა. ხონიანიძის და ბ. ბახტაძის ინფორმაციები საქართველოს სსრ უმაღლესი სასამართლოს პლენუმის ზოგიერთი დადგენილების გაუქმებისა და ზოგიერთ დადგენილებაში ცვლილებების შეტანის შესახებ.

განხილულ საკითხებზე პლენუმმა მიიღო შესაბამისი დადგენილებები.

პლენუმის მუშაობაში მონაწილეობდნენ საქართველოს სსრ პროკურორის პირველი მოადგილე ვ. შარაშენიძე, საქართველოს სსრ პროკურორის მოადგილე რ. გილიშაშვილი, საქართველოს სსრ იუსტიციის მინისტრის მოადგილე ა. კვიციანი, საქართველოს კომპარტიის ცენტრალური კომიტეტის აღმინისტრაციული ორგანოების განყოფილების ინსტრუქტორი ა. პაპუაშვილი, საქართველოს სსრ ადვოკატთა პრეზიდიუმის თავმჯდომარე ვ. როინიშვილი, უურნალ „საბჭოთა სასამართლის“ მთავარი რედაქტორი ლ. თაღაძე.

იურიდიული სამსახურის სრულყოფისათვის

იურიდიული სამსახური, როგორც მართვის მექანიზმის განუყოფელი ნაწილი, მოწოდებულია დაცვას სოციალისტური საკუთრება, შრომისა და სახელშეკრულებო დისციპლინა, სამართლებრივი ცოდნის პროპაგანდით ხელი შეუწყოს სამეურნეო საქმიანობის ეკონომიკური შედეგების გაუმჯობესებას.

სწორედ ამ მოთხოვნათა მიხედვით წარიმართა იურიდიული სამსახურის მუშაკთა თათბირ-სემინარი, რომელიც აჭარის ასსრ იუს-

ტიციის სამინისტრომ და სახელმწიფო არბიტრაჟმა მოაწყეს.

თათბირ სემინარი გახსნა აჭარის სსრ იუსტიციის მინისტრმა ქ. ბაქელიძემ.

მოსხენებები გააქეთეს აჭარის ასსრ იუსტიციის მინისტრის მოადგილემ გ. შანიძემ და სახელმწიფო არბიტრაჟის მთავარმა არბიტრმა ი. ზაბაიანმა.

თათბირ-სემინარზე სიტყვებით გამოვიდნენ და კონკრეტული წინადადებები წარმოადგი-

ნეს იურიდიული სამსახურის მუშაკებმა ე. კვანტრიშვილმა (სავაჭრო ნავსადგური), დ. დიდმანიძემ (წინსვლის კოლმეურნეობა), ა. ფაღვამ (ვაჭრობის სამინისტრო), შ. ჩამბამ (№ 5 საამშენებლო ტრესტი), ხ. ზარანდიამ (საყოფაცხოვრებო მანქანათსაშენი ქარხანა), რ. მხატვარმა (ადვოკატი), ი. ვაბაიძემ (აჭარის ასსრ პროკურორის უფროსი თანაშემწე), ნ. მალულარაიამ (აჭარის ასსრ სახელმწიფო ზედამხედველობის სტანდარტებისა და ხარისხის ლაბორატორიის უფროსის მოადგილე).

აღინიშნა, რომ იურიდიული სამსახურის მუშაკთა მიერ გაწეული მუშაობის მიუხედავად, სახალხო მეურნეობაში მინც დაბალია სამართლებრივი მუშაობის დონე და იგი ჯერ კიდევ ვერ ბასუხობს სადღესო მოთხოვნებს. არ წარმოებს ყოველდღიური და მიზანმიმართული მუშაობა სახელმწიფო და საზოგადოებრივი ქონების დაცვის, სახელშეკრულებო დისციპლინის განმტკიცების, პროდუქციის

ხარისხის ამაღლების და წრმოება-დაწესებულებების სამართლებრივი უზრუნველყოფისათვის. მართალია, საქართველოს სსრ და აჭარის ასსრ იუსტიციის სამინისტროებმა შესაბამისი რეკომენდაციები დაუზღავეს იურისკონსულტებს, მაგრამ ადგილებზე მინც არ იგრძნობა იურისტების ვაგენა. განსაკუთრებით ხშირია უხარისხო და უსტანდარტო პროდუქციის გამოშვება, მაგრამ ყოველთვის არ დგება საკითხი ამ მიზეზით მიყენებული ზარალის ანაზღაურების შესახებ. აქვე ყურადღება გამახვილდა აჭარის ასსრ აგროსამრეწველო კომპლექსებში დასაქმებული იურიდიული სამსახურის მუშაკთა გააქტიურებაზე, მიწათსარგებლობის წესების დაცვაზე, კონტროლის გაძლიერებაზე და სხვ.

თათბირ-სემინარის მონაწილეებმა შეიმუშავეს სათანადო რეკომენდაციები.

მარენ დოლიძე,
ადვოკატი.

შენხედრა დეპუტატთან

პარტიის ადიგენის რაიკომის სხდომათა დარბაზში რაიონის მშრომლებმა გულთბილი შეხვედრა მოუწყვეს სსრ კავშირის უმაღლესი საბჭოს თავიანთ დეპუტატს, სკკპ ცენტრალური კომიტეტის ადმინისტრაციული ორგანოების განყოფილების გამგეს **ნიკოლოზ ივანეს ძე ხავინკინს.**

შეხვედრა შესავალი სიტყვით გახსნა საქართველოს კომპარტიის ადიგენის რაიკომის პირველმა მდივანმა **ჯ. ნაკაშიძემ.**

დეპუტატს მიესალმნენ: რაიონის სანეპიდსადგურის მთავარი ექიმი **დ. ზახაროვა,** სანატორიუმ „არაზინდოს“ მთავარი ექიმი **ა. მარტიროსოვი,** სსრკ 50 წლისთავის სახელობის თბილისის საწარმოო გაერთიანების მუშა **ნ. მარტიაშვილი,** არლის სასოფლო ბიბლიოთეკის გამგე **ხ. დგებუაძე.**

შეხვედრის მონაწილეებს გულთბილი მადლობა გადაუხადა დეპუტატმა **ნ. ხავინკინმა.**

შეხვედრას ესწრებოდნენ საქართველოს კომპარტიის ცენტრალური კომიტეტის მდივანი **გ. ენუქიძე,** საქართველოს კომპარტიის ცენტრალური კომიტეტის ადმინისტრაციული ორგანოების განყოფილების გამგე **ვ. ზაქრაძე,** საქართველოს სსრ უშიშროების სახელმწიფო კომიტეტის თავმჯდომარის მოადგილე გენერალ-მაიორი **ნ. შიხურაძე,** ადიგენის სახალხო დეპუტატთა რაისაბჭოს აღმასკომის თავმჯდომარე **ტ. პეტაშვილი,** რაიონის პარტიული და სხვა ხელმძღვანელი ამხანაგები.

შ. აპულაძე,
რესპუბლიკის დამსახურებული პროფანდისტ.

კლუპატრას საყურეები

ოთახში დაბალი, მსუქანი მამაკაცი შემოვიდა აჩქარებული ნაბიჯით, სწრაფად მიმოიხედა ირგვლივ და სულმოუთქმელად იკითხა:

— სად არის გვამი?

— აქ არავითარი გვამი არ არის, — ღირსეული თავდაჭერილობით უპასუხა ლორდმა ვერნონმა.

— აბა, რისთვის გამადვიძეთ ამ შუალამისას?

— თუ შეიძლება, დაბრძანდით და ახლავე ყველაფერს ავიხსნით. ხომ არ დალევდით რაიმეს?

— გამადლობთ, გამომძიებლები მუშაობის დროს არა ვსვამთ.

— მართალი ბრძანდებით, — მიმართა ლორდმა, — მაშ პირდაპირ საქმეს შევუდგეთ. დღეს, საღამოს, სტუმრები მყავდა: ჩემი დისწული მისტერ სეიმური მეუღლით, ჩვენი ოჯახის ძველი მეგობარი მისტერ დეილი თავისი საცოლით, მისს ტომპსონით და ჩემი საქმეთა მმართველი მისტერ პარკერი.

ვანშმის შემდეგ ჩემმა დისწულმა მთხოვა სტუმრებისათვის კლუპატრას ოქროს საყურეები შეჩვენებინა, რომლებიც უკვე 570 წელია ჩვენს ოჯახს ეკუთვნის. ეს უღიღესი ვანძია, თითოეული საყურე 250 გრამს იწონის.

— არც თუ ისე ნაწი ყურები ჰქონია კლუპატრას, — შენიშნა ჰობსონმა.

— გამოვიტანე საყურეები და მაგიდაზე დავაწყე. აღფრთოვანებას ვერავინ მაღავდა. უცებ სინათლე ჩაქრა. მსახურს ვუბრძანე სანთლები მოეტანა, მაგრამ როცა ავანთეთ...

— საყურეები აღარ იყო...

— როგორ მიხვდით?

— ჰობსონისათვის საიდუმლო არ არსებობს.

— სად არ ვეძებთ, მაგრამ ამოდ, ბოლოს მასტერ დეილმა მიჩჩია, ყველა სტუმარი სათითაოდ გავჩხრიკეთო. ეს შეტისმეტად უხერხული იყო, მაგრამ სხვა გზა არ გვქონდა. საყურეები მაინც ვერ ვიპოვეთ. ახლა მთელი იმედი თქვენზეა!

— რამდენი მოსამსახურე გყავთ?

— ამჟამად მხოლოდ სამი: პირისფარეში, მზარეული და ჭურჭლის მრეცხავი.

— გამადლობთ, ახლა კი ამ მონაცემების მიხედვით სათანადო დასკვნების გამოსატანად საჭიროა მარტო დამტოვოთ.

როცა ყველანი გავიდნენ, ჰობსონი ბუნარ-

თან სავარძელში ჩაქდა და ჩაფიქრდა. სამწუხაროდ, ვერაფერი მოიფიქრა. გადაწყვიტა ძებნა დაეწყო. თითქმის მთელი სახლი გაჩხრიკა, მაგრამ კვალსაც ვერ მიაგნო. დღე-ღამე ეძებდა ბიბლიოთეკაშიც. ბოლოს მისი მწერა ერთ წიგნზე შეჩერდა, რომელიც ამობრუნებული იყო.

...საინტერესოა! რატომ მაინც და მაინც ეს ერთი წიგნია ამობრუნებული? სასწრაფოდ გადმოიღო იგი და თარიღ შეათვალიერა. წიგნების კარადის უკანა კედელზე დილაკი შენიშნა. როგორც კი ხელი დაჭირა, გაიღო პატარა კარი და მოხსონმა სიხარულითა და გაოცებისაგან შეჰყვირა. იქ კლუპატრას საყურეები იყო. ყვირილზე ყველანი ოთახში შემოცვივდნენ.

— დაწყნარდით, ცოტა მოითმინეთ და ჭურდიც გამოჩნდება — მშვიდათ თქვა ჰობსონმა.

— საჭირო არ არის, ჭურდი მე ვარ, — ყველახათვის მოულოდნელად განაცხადა ლორდის დისწულმა სეიმურმა, — ნუ გამოჩაგრდებით, ბიძაჩემო, მე მოვიპარე საყურეები.

— კარგი, მაგრამ როგორ გაჩნდა საყურეები სასადილოდან ბიბლიოთეკაში? — ჰკითხა ჰობსონმა.

— პირისფარეში ჭიმილი და ჭურჭლის მრეცხავი დამეხმარნენ. სინათლე რომ გამოირთო, სიბნელეში საყურეები ავიღე და ჭიმილს ჩავუდე ხელში, რომელიც თქვენ სანთლებისათვის გაგზავნეთ, სანთლები ხომ ბიბლიოთეკაშია?

ორი კვირის შემდეგ გამოძიებელმა ჰობსონმა წერილი მიიღო:

„ძვირფასო მისტერ ჰობსონ!

დიდ მადლობას მოგახსენებთ იმისათვის, რომ დაგვეხმარეთ მოგვეპარა კლუპატრას საყურეები. უთქვენოდ ჩვენ მას ვერ მივაგნებდით.

ნამდვილი ლორდი ვერნონი ახლა ამერიკაშია და, რაღა თქმა უნდა, არ ესიამოვნება, როცა გაიგებს, რომ თქვენ მონაწილეობა მიიღეთ ჩვენს საქმიანობაში. ყველა მოქმედი პირი — სტუმრებიცა და მსახურებიც ცნობილი ბანდის „შავი ობობას“ წევრები იყვნენ, რომლის მეთაურიც მე ვახლავართ.

თქვენ კი გასამრჯელოდ მიიღეთ ასი გირვანქა. შეგიძლიათ დამშვიდებული ბრძანდებოდეთ, ჩემი ყალბია!“

თარგმანა ლილი მაისურაძე-მორბოშიამ.

«САВЧОТА САМАРТАЛИ» («Советское право»), № 4, 1986 (на грузинском языке) Двухмесячный, научно-практический журнал Министерства юстиции ГССР, Министерства внутренних дел ГССР Прокуратуры ГССР, Верховного Суда ГССР.

Адрес редакции: Тбилиси, пр. Плеханова, 103, тел.: 95-88-49, 95-58-87.

ИЗДАТЕЛЬСТВО ЦК КП ГРУЗИИ.

Ордена Трудового Красного Знамени типография издательства ЦК КП Грузии
Тбилиси, ул. Ленина, 14.

6100/153



ფანი 60 353.

ინდექსი 76185

